


**DIRECTORATE OF DISTANCE & ONLINE EDUCATION
UNIVERSITY OF JAMMU
JAMMU**



**STUDY MATERIAL
FOR
M.A. DOGRI (SEMESTER - IIND)**

COURSE NO. : DOG - 203

UNIT - IV

ADHUNIK KAVITA

LESSON No. 1 - 16

In case of any Query :
Dr. Jatinder Singh
Incharge M.A. Dogri,

<http://www.distanceeducationju.in>

Printed and published on behalf of Directorate of Distance & Online Education,
University of Jammu, Jammu by the Director, DD&OE, University of Jammu, Jammu.

M.A. DOGRI (SEMESTER - IIND)

ADHUNIK KAVITA

Lesson Writer :

Dr. Sandeep Dubey

Editing / Proof Reading :

Dr. Jatinder Singh

© Directorate of Distance & Online Education, University of Jammu, Jammu, 2024

- All rights reserved. No part of this work may be reproduced in any form, by mimeograph or any other means, without permission in writing from the DD&OE, University of Jammu.
- The script writer shall be responsible for the lesson / script submitted to the DD&OE and any plagiarism shall be his/her entire responsibility.

• Printed by : Amar Art Press/ 2024 / 50 Books

UNIVERSITY OF JAMMU
Syllabus for M.A. Dogri Semester - 2nd
(Non-Choice Based Credit System)

Syllabus for the Examination to be held in May 2020 , May 2021, May 2022, May 2023 & May 2024

Course Code : DOG 203

Title : Adhunik Kavita

Duration: 3 Hrs.

Maximum Marks : 100

Credits : 6

a) Semester Examination: 80

b) Sessional Assessment : 20

सलेबस

1. समकालीन डोगरी कविता संकलन – संपादक नरसिंह देव जम्वाल, प्रकाशक – साहित्य अकादेमी, नई दिल्ली
2. कोरे काकल कोरियां तलियां (सफा 77 तगर) – दर्शन-दर्शी, विशाल डुग्गर प्रकाशन, 27/4 पाम्पोश कालोनी, जानीपुर
3. कविता दी परिभाषा, कविता दा उद्देश्य, रूप-स्वरूप ते विशेषतां

सलेबस दी बंड

यूनिट-1

‘समकालीन डोगरी कविता’ संकलन दे पाठ्य कवियें दी कविता चा कुनै द’ऊं पद्याशें दी सप्रसंग व्याख्या 8,8

यूनिट – 2

‘समकालीन डोगरी कविता’ चा निम्नलिखित कवियें ते उंदी कविता बारै सुआल-ठा. रघुनाथ सिंह सम्याल, स्वामी ब्रह्मानंद, बसंत राम बसंत, परमानन्द ‘अलमस्त’, पं. शम्भू नाथ, दीनू भाई पंत, वेदपाल ‘दीप’, चरण सिंह, शिवराम ‘दीप’ ते रामनाथ शास्त्री।

(a) Long Answer Type Question 12

(b) Short Answer Type Question 04

यूनिट – 3

‘समकालीन डोगरी कविता’ चा निम्नलिखित कवियें ते उंदी कविता बारै सुआल – तारा

स्मैलपुरी, यश शर्मा, केहरि सिंह 'मधुकर', वेद राही, पद्मा सचदेव, चम्पा शर्मा, ज्ञानेश्वर, शमशेर सिंह ते बिशन सिंह 'दर्दी'।

(a) Long Answer Type Question 12

(b) Short Answer Type Question 04

यूनिट – 4

‘कोरे काकल कोरियां तलियां’ कविता संग्रह की पाठ्य समग्री में रचनाकार बारे सुआल।

(a) Long Answer Type Question 12

(b) Short Answer Type Question 04

यूनिट – 5

कविता की परिभाषा, कविता का उद्देश्य, रूप-स्वरूप में विशेषताएं बारे सुआल।

(a) Long Answer Type Question 12

(b) Short Answer Type Question 04

Note for Paper Setting :

There will one question from each unit (containing a & b part) with 100% internal choice and the candidates will be required to answer all the questions (total questions to be attempted will be five).

सहायक पुस्तकें

1. डोगरी साहित्य का इतिहास : जितेन्द्र उधमपुरी, जे. एंड के. स्टेट बोर्ड ऑफ स्कूल एजुकेशन
2. डोगरी साहित्य का इतिहास : शिवनाथ, साहित्य अकादेमी, नई दिल्ली।
3. डोगरी भाषा में अदब की तिहासक परचोल, देशबन्धु डोगरा 'नूतन', अरुणिमा प्रकाशन, उधमपुर।
4. साढ़ा साहित्य 1981, जे. एंड के. अकैडमी ऑफ आर्ट, कल्चर एंड लैंग्वेजिज़, जम्मू
5. साढ़ा साहित्य – 1992, 1993, 1994, 1995, 2001, 2002, 2003, 2004 में 2006, जे. एंड के. अकैडमी ऑफ आर्ट, कल्चर एंड लैंग्वेजिज़, जम्मू
6. डोगरी कविता प्रमुख रुझान, डॉ. वीणा गुप्ता, साहित्य संगम पब्लिकेशनज़, कच्ची छावनी, जम्मू।

पाठ रचना प्रक्रिया ते उद्देश्य

पाठ—1 थमां 4 तगर

UNIT - 1

सप्रसंग व्याख्या

उद्देश्य

1. इस युनिट दे चार पाठ बनाए गेदे न तां जे पाठक प्रसंग समेत व्याख्या करने ते सिक्खने दे अभ्यास च पारांगत होई सकन।
2. उ'नेंगी पद्यांश गी पढ़ियै उसदे पूर्व प्रसंग दी जानकारी हासल करने दा ज्ञान होई सकै।
3. प्रसंग लिखने दी कला दा ज्ञान होई सकै।
4. व्याख्या योग पद्यांश पर अपनी सोच केंद्रित करियै व्याख्या करने दी कुशलता हासल होई सकै।

पाठ — 5 थमां 8 तगर

UNIT - 2

उद्देश्य

1. इस युनिट दे अंतर्गत चार पाठ रक्खे गेदे न। कीजे इस युनिट दी सुद्धी समग्री पाठकें गी होर दूए स्रोतें राहें प्राप्त होई सकदी ऐ पर फही बी उ'नेंगी इस युनिट दी प्रक्रिया गी समझाने आस्तै इक सरलार्थ दा पाठ रक्खेआ गेदा ऐ। इक लम्मे सुआल दा परता देने आस्तै कवि परिचे रक्खेआ गेआ ऐ ते इक लौहके सुआल दे परते आस्तै किश इक कवियें दे व्यक्ति ते कृतित्व पर रोशनी पाई गेदी ऐ।

पाठ — 5 — सार

उद्देश्य

1. इस पाठ दी जबाजियत एह ऐ जे विद्यार्थी सप्रसंग व्याख्या ते कविता दे सार दे भेद गी समझी सकन।

2. ओह इस भेद गी बी समझी सकन जे कविता दे सार च उस कविता दे मूल भाव गै लिखना उचित होंदा ऐ नां के कविता दा इक-इक शब्द गी अपने शब्द च लिखना।
3. सार पाठ दे अंतर्गत छें कविताएं दा सार लिखेआ गेआ ऐ। इस पाठ दा अध्ययन करियै विद्यार्थियें च कविता दा सार लिखने दी योग्यता प्राप्त होग।
4. सार रूप च प्रस्तुत कविता न – डोगरा देस जगाई जायां, आत्म निवेदन, सुरग निं जान होंदा, छड़ा, घर ते दफतर ते एह कुंन माऊ दा लाल।

पाठ – 6 ते 7 कवि परिचे (लम्मा सुआल)

उद्देश्य

1. इ'नें पाठ राहें पाठकें गी एह जानकारी दिती गेदी ऐ जे जिस चाल्ली दा प्रश्न पुच्छेआ गेदा होऐ उससै चाल्ली दा सुआलें दा परता देने दी कला च ओह निपुणता ग्रहण करन।
2. उदाहरण आसतै पाठ – 6 च कवि परमानंद अलमस्त हुंदा डोगरी कविता गी योगदान ते पाठ – 7 च कवि चरण सिंह हुंदे व्यक्तित्व ते कृतित्व बारै विस्तार च पुच्छेआ गेदा ऐ।

पाठ – 8 कवि परिचे (लौहका सुआल)

उद्देश्य

1. लौहके सुआलें दे परते देने दी कला कन्नै पाठकें गी परिचित कराना प्रस्तुत पाठ दा उद्देश्य ऐ।
2. इस पाठ दे अंतर्गत डोगरी दे दो नामवर कवियें बसंत राम 'बसंत', शम्भुनाथ शर्मा, वेदपाल दीप ते दीनू भाई 'पंत' हुंदे व्यक्तित्व ते कृतित्व, रचना प्रक्रिया ते डोगरी कविता गी योगदान बारै संक्षिप्त नोट लिखे गेदे न।
3. विद्यार्थी इस पाठ गी पढ़ियै लौहके सुआलें दे परते देने च निपुणता हासल करडन।

UNIT - 3 पाठ – 9 थमां 11 तगर

उद्देश्य

1. इस युनिट दी बी रचना प्रक्रिया दूए युनिट आहला लेखा गै ऐ सिर्फ नौमें पाठ च सार दे थाहर किश कविताएं दा सरलार्थ रखेआ गेदा ऐ। इसदी जबाजियत एह ऐ जे इस

पाठ गी पढ़िये ओह समझी पाठन जे पद्यांश दी व्याख्या दे अंतर्गत कविता दा सरलार्थ लिखने कन्नै व्याख्या दा दायित्व पूरा नेई होई जंदा। एह अपने आपै च इक स्वतंत्र तत्व ऐ ते इस विशे उपपर बी लौहका सुआल पुछेआ जाई सकदा ऐ।

2. पाठ 10 ते 11 दी रचना प्रक्रिया पाठ छे ते सत्त आहली गै ऐ सिर्फ कवि बखरे न।

UNIT - 4 पाठ – 12 थमां 14 तगर

उद्देश्य

1. इस युनिट दे त्रै पाठ बनाए गेदे न। पैहले भाग च पाठ्यक्रम च लगगे दर्शन दर्शी हुंदे कविता संग्रह 'कोरे काकल कोरियां तलियां' थमां स्लेबस च निर्धारित किश इक कविताएं दे मूल भावें गी लिखेआ गेदा ऐ। दुआ पाठ कवि परिचे दा ऐ ते त्रिये पाठ च स्लेबस च लगगी दियें कविताएं दा भाव-पक्ख ते कला-पक्ख दी द्रिस्टी कन्नै मूल्यांकन कीता गेदा ऐ।

पाठ – 12 लौहके सुआल (कविताएं दे मूल भाव)

1. इस पाठ गी पढ़िये विद्यार्थी कविताएं दे मूल भाव गी शैल चाल्ली समझने च सफल होडन।
2. उदाहरण आस्तै प्रस्तुत कविता न – शिखरवार्ता, जीवन, सीसा ते प्रिज़्म, कल्चर, साल बदलोई गेआ, रिण मुक्त ते दीन दे बपारी।

पाठ – 13 कवि दा परिचे

1. इस पाठ गी पढ़िये पाठक दर्शन 'दर्शी' हुंदे व्यक्तित्व ते कृतित्व कन्नै शैल चाल्ली वाकफ होडन।
2. इस पाठ राहें ओह कवि दी कविताएं दे प्रमुख सुरें कन्नै बी परिचत होडन।

पाठ – 14 भाव पक्ख ते कला-पक्ख

1. इस पाठ च स्लेबस च लगगी दियें कविताएं दे भाव-पक्ख ते कला-पक्ख दा मूल्यांकन प्रस्तुत कीता गेदा ऐ।
2. इस पाठ राहें पाठक इ'नें कविताएं दे विशें कन्नै वाकफ होइयै, अपनी समझा मताबक कुसै बी सुआल दा शैल चाल्ली जवाब देई पाडन।

UNIT - 5 पाठ – 15 थमां 16 तगर

उद्देश्य

1. इस युनिट दे दो पाठ बनाए गेदे न। पैहले पाठ च कविता केह् ऐ, कविता दियां परिभाशां, कविता दे तत्व ते कविता रूप-स्वरूप बारै सुआल न। ते दूऐ पाठ च कविता दियां विशेषतां ते कविता दे उद्देश्य बारै लिखेआ गेदा ऐ।

पाठ-15 कविता दियां परिभाशां, तत्व ते रूप-स्वरूप

1. इस पाठ दी जबाजियत एह् ऐ जे विद्यार्थी कविता केह् होंदी ऐ, कविता बारै बक्ख-बक्ख विद्वानें ते कवियें दियां केह् परिभाशां न, कविता च कु'न केह्ड़े तत्व प्रमुख होंदे न ते कविता दा रूप-स्वरूप कैसा होंदा ऐ। इस बारै सरोखड़ जानकारी हासल करी सकडन।

पाठ-16 कविता दियां विशेषतां ते कविता दा उद्देश्य

1. इस पाठ दे अंतर्गत कविता दियें विशेषताएं ते उसदे उद्देश्य बारै लिखेआ गेदा ऐ।
2. इस पाठ गी पढ़ियै पाठक कविता दी विशेषताएं ते उद्देश्य सरबंधी औने आहले सुआलें दे शैल चाल्ली उत्तर देई सकडन।

.....

M.A. DOGRI

Course No. DOG 203

Unit - I

Semester - II

ADHUNIK KAVITA

Lesson 1

1. पद्यांश —

खंड बी डोगरे, खीर बी डोगरे,
खूहे दा ठंडड़ा नीर बी डोगरे,
आकड़ै कोई तां पीर बी डोगरे,
डंडे दी गल्ल समझाई जायां,
डोगरा देस जगाई जायां।

संदर्भ — प्रस्तुत पद्यांश साढ़ी पाठ्य पुस्तक 'समकालीन डोगरी कविता संकलन' थमां 'डोगरा देस जगाई जायां' कविता थमां लैता गेदा ऐ ते इस कविता दे कवि 'रघुनाथ सिंह सम्याल' होर न।

प्रसंग — इस कविता च कवि ने डोगरें दे सभाऽ—सुआतम ते सभ्यता—संस्कृति दा बड़ा चित्त छूहना वर्णन प्रस्तुत कीते दा ऐ।

व्याख्या — उपरोक्त इस कविता अंश च कवि डोगरें दे सुभा—सुआतम दी गल्ल करदे होई आखदा ऐ जे डोगरें दा सुभाऽ बड़ा ठंडा—शीतल ते खंड—खीर आंगर हर इक माहनू कन्ने घुलने—मिलने आह्ला ऐ। मिट्ठी जबान ते सभाऽ दे सिद्धे—साद्धे एह लोक हर अपने—बगान्ने दा आदरमान करने आह्ले ते निग्घा हिरख लाने आह्ले न। पर अगर कोई मने दे सच्चे ते ईन दे पक्के इ'नें डोगरें दे स्थावीमान गी जोह पजाने दी जुरत करै तां एह पीरें साहीं ऐसे धोखेबाजें जां बिगड़े—तिगड़ें गी सिद्धा करना बी शैल चाल्ली जानदे न। अर्थात् डोगरे अपने डुग्गर ते डोगरा जाति दे स्वाभिमान दी रक्षा लेई अपना सिर कटाई बी सकदे न ते कट्टी बी सकदे न। कवि गलांदा ऐ जे साढ़े डुग्गर देसै च जनचेतना आहनने दी लोड़ ऐ।

2. पद्यांश —

एह सुख लड़्डू जैहर भरोचे, निकल मलम्मा चांदी ऐ,
चमके बिच जो भुल्ली जन्दे, रोना गै गल पांदी ऐ।
एह बेदांत ऐ सरल बनाया जम—फन्दे दे हरने गी,
इस देसै दे लोकें गित्तै, भव सागर दे तरने गी।

संदर्भ — प्रस्तुत सतरां साढ़ी पाठ्य पुस्तक 'समकालीन डोगरी कविता' च संकलित कविता 'आत्म—निवेदन' थमां लैतियां गोदियां न। इस कविता दे कवि स्वामी ब्रह्मानंद तीर्थ होर न। इस पुस्तक दा संकलन—संपादन नरसिंह देव जम्वाल होरें कीते दा ऐ।

प्रसंग — इस कविता च कवि ने बेदांत दे गूढ़ ज्ञान गी डुग्गर दे जन—जन तगर पजाने दा सफल प्रयास कीते दा ऐ।

व्याख्या — कवि दा एह आखना ऐ संसार इक मायाजाल ऐ। इत्थै हर इक प्राणी मोह—माया दे घेरे च फसे दा ऐ। हर प्राणी संसारी सुखें गी हासल करने च लगगे दा ऐ। कवि दे मताबक संसारी सुख वास्तविक सुख नेई ऐ। इस संसार च जेहड़ी चीज बाहरा दा बड़ी चमकदी नज़र औंदी ऐ, माहनू गी अपनी बक्खी आकर्षित करदी ऐ ओह दरअसल अंदरा दा उ'न्नी गै जैहरीली ते दुखदाई होंदी ऐ। कवि एह आखदा ऐ जेहड़े लोक इस बनौटी दुनियां दी रंगत च, इसदी झूठी चमक—दमक च भरमोड़यै अपना अस्तित्व भुल्ली जंदे न, उ'नेंगी सबाए रोने ते पच्छताने दे होर कोई राह नज़र नेई औंदी। कवि इस बेदांत रूपी ज्ञान गी डुग्गर दे जन—जन तगर पजाना चाहदा ऐ तां जे इस देसा दे लोकें गी जमराज दे फंदे चा नेई गुजरना पवै। इस देसा दे लोक सच्चाई कन्ने बाकफ होई सकन, अपने कर्म सधेरी सकन ते असानी कन्ने संसार रूपी भवसागर गी पार करी सकन।

3. पद्यांश —

कित्त लेखै एह साढ़े बस्तर, लम्मे भाषण, उच्चे नां दे
मन गै जदूं पलेसैं आली, मैल कुचैला, कप्टी लोभी।
तूं जालम ऐ, तूं हत्यारा,
बापू दी ओह अमर आत्मा, सुखने सब अधूरे दिक्खी
सैहकै करदी, बिलसै करदी
तूं कैसी पही उसगी भाई चौथी गोली मारन लग्गा।।

संदर्भ — प्रस्तुत पद्यांश साढ़ी पाठ्य पुस्तक 'समकालीन डोगरी कविता संकलन' च संकलित कविता 'इक मन दौं दलीलां' थमां लैता गेदा ऐ। इस कविता दे कवि 'शिवराम दीप' होर न।

प्रसंग — इस कविता च कवि ने भ्रष्ट राजनेताएं प्रति अपने मनोभावें गी बड़े व्यंगात्मक तरीकै कन्ने व्यक्त करियै, उं'दे यथार्थ चरित्र गी आम भलोकी जनता कन्ने रूबरू कराने दा जत्न कीते दा ऐ।

व्याख्या — प्रस्तुत कविता अंश च कवि कपटी ते भ्रष्ट नेताएं गी झंझोड़ने दी कोशश करदा लभदा ऐ। कवि गलांदा ऐ जे मने च पाप छपैली ते झूठियां—जूठियां तकरीरां करियै, आम लोकें गी पलकेरना, उं'दा लहू चुसियै अपनी लुच सेकना कुत्थुं तक ठीक ऐ। जींदावाद जां मुड़दाबाद दे नारे लाइयै कदे बी लोकें दी भलाई ते देशै दी तरक्की नेई कीती जाई सकदी। भारत दी अजादी लेई अपने प्राण नशावर करने आहलें इसी सनैहरा बनाने दे केई सुखने दिक्खे हे। पर अज्ज भ्रष्टाचारी दा प्रदूषण उं'नें सुखनें गी तार—तार करा करदा ऐ। सत्तादारी लोकें गी बझालने दी कोशश करदे होई कवि गलांदा ऐ जे चिट्टे—खादी कपड़े लाइयै कोई म्हान नेई बनदा, अपने असली चरित्र गी पंछानो ते मुहें पर लग्गे दे मरक्खें गी तुआरो। ते गांधी दी बत्ता चलयै इक सच्चे देश भक्त साहीं उसदे सुखनें गी साकार करो। तां गै तुंदा ते देसै दा मान बधी सकदा ऐ।

अभ्यास — हेठ लिखे दे पद्यांशों दी सप्रसंग व्याख्या करो —

1. तारु कोई नेई नजरी पौंदा, डोबू साथ बत्हेरा ऐ,
होए सजाखें गी बी नराहते, तिलकन—बाजी बेड़ा ऐ।
एह दुनिया दा गोरख—धन्दा, निकलन अत्त दुराडा ऐ,
जितना छड़को थल्लै नेन्दा, इ'यै इस बिच बाधा ऐ।

(आत्म—निवेदन; सफा — 33)

2. बट्टें, सुन्ने—चांदी दियां मूरतां बनान्ना एं,
उं'दे अगें मत्थे घस्सें, मिन्नतां मनान्ना एं।
धूफें गी धुखान्ना एं, जोतें गी जगान्ना एं,
कनारियें ते गोटे आहले टल्ले बी लुआन्ना एं।
पूरियां कचौरियां ते फल मिठेआइयां सब,

खीरें, मालपूड़ें दे नवेद बी चढान्ना एं।
आपूं गै तूं घड़ी जा-नां घाट हत्थें मूरखा,
उस्सै घड़े घाटै कोला आपूं गै त्राहन्ना एं।

(सुरग निं जान होन्दा; सफा - 47)

3. अपने गै सीते दे गी रे'डी-रे'डी दिक्खै,
अपनी गै खुंझै कोला नमी सिक्ख सिक्खै।
मुड़ी-मुड़ी थापै भिरी बचपना जुआनी,
सोचै जेहड़ी चंगी माड़ी कीती मन-मानी।
सारा जीन छीट बनी अगें बिछी जा,
'बाइसकोप' अक्खियें दे ओहलै खिच्च्यी जा।

(चेता; सफा - 51)

.....

M.A. DOGRI

Course No. DOG 203

Unit - I

Semester - II

ADHUNIK KAVITA

Lesson 2

1. पद्यांश —

सुरग निं जान होंदा, पित्तल खड़काए दे।
छेने छनकाए जां घड़ेयोल ठनकाए दे।।
चढ़ी उच्चे मिम्मरा प' हाकां देने आलेआ,
करियै कुरबानियां जगातां देने आलेआ।
नक्कारें चोटां लान्ना एं ते तूतियां बजान्ना एं,
सैखें, नरसिंहें, फूकां—फाकां देने आलेआ।
ब'ट्टें गी जीव—दान, जीदें दे लैएँ प्राण,
पितरें गी जाइयै सगातां देने आलेआ।
मंदरें, मसीतें, गुरद्वारें देआ मालका,
ढोलकी गी थापी लाई भाखां देने आलेआ।
आपू बिच्चें माहनु लड़े, तुंदे गै लड़ाए दे।

संदर्भ — प्रस्तुत पद्यांश साढ़ी पाठ्य पुस्तक 'समकालीन डोगरी कविता संकलन' च संकलित कविता 'सुरग निं जान होंदा' थमां लैता गेदा ऐ। इस कविता दे कवि 'परमानन्द अलमस्त' होर न।

प्रसंग — इस कविता च कवि ने झूठे अडम्बरवाद पर करारी चोट कराई दी ऐ ते खास करियै मजहब दे ठेकेदारें गी व्यंगपूर्ण ढंगै कन्ने झंझोड़ने दी कौशश कीती दी ऐ।

व्याख्या — इस कविता च कवि अलमस्त होरें धर्म दे ठेकेदारें पर करारा व्यंग करदे होई गलाये दा ऐ जे तिलक, भोग ते आरती गाने कन्नै, छैने छनकाने ते घड़योल बजाने कन्ने नां ते मन साफ होँदा ऐ ते नां गै कर्म। इस करी संसार रूपी भवसागर गी पार करना होऐ तां मन रूपी भांडे गी साफ करना पौंदा ऐ। अर्थात् इ'नें ओपरे आडम्बरें गी छोड़ियै ध्यान गी केन्द्रत करियै संसार च अपने कर्म गी सधारना लोड़दा ऐ। नां के तूतियां ते नरसिंहें बजाइयै जां फही पितरें दे नां पर रुट्टियां खलाइयै ते सराध करियै कोई पापें थमां छटकारा पाई सकदा ऐ। कवि गलांदा ऐ जे माहनू बट्टें गी ईश्वर मन्निथै उसदी पूजा करदा ऐ उस पर अपना सब किश नशावर करी दिंदा ऐ पर दूई बकखी उसी जींदे—जागदे इन्सानें दी कोई फिकर नेई। माहनू गी माहनू दे अस्तित्व गी पछान्ना लोड़चदा ऐ। असल च मंदर—मसीतें दे एह मालक गै जात—पात दे नां पर माहनू गी माहनू ने लड़ां दे आए न। कवि गलांदा ऐ जे धर्म दे नां पर लोकें दा शोशण करने आहले ऐसे लोक सुरग सीढ़ी कदें नीं चढ़ी सकदे।

2. पद्यांश —

जां एह कोई, ऐसी बजोगन, कैन्त गेआ औने गी आखी,
आस नमानी गंदी ब'न्नी, बेही गेई बत्ता ओहदी राखी,
घर बैठे, नित्त औंसियां पांदे खबरै किन्ने साल गजारे।
एह कु'न लेटेआ अम्बर आनी, एह कु'न काले केस खलारे।।

संदर्भ — प्रस्तुत पद्यांश साढ़ी पाठ्य पुस्तक 'समकालीन डोगरी कविता संकलन' दे भाग-1 च संकलित कविता 'बदली' थमां लैता गेदा ऐ। इस कविता दे कवि 'शम्भू नाथ' होर न।

प्रसंग — इस कविता च कवि ने गासै पर बाम्बरी जन फिरने आहली बदली गी अपनी कल्पना शक्ति राहें नारी दे बकख-बकख रूपें कन्ने सम्बोधत कीते दा ऐ।

व्याख्या — उपरोक्त कविता अंश च कवि ने गासै पर छाई दी बदली गी इक बजोगन नारी दे रूपै च दर्शाए दा ऐ। जो अपने प्रेमी दी निहालप च वियोग दी अग्गी च बला करदी ऐ। जेहड़ी अपनी हिक्खियें—आशाएं गी अपने मने च सांभी सदियें थमां अपने सज्जनें दा रस्ता दिक्खा करदी ऐ। जिसदी पीड़ अज्ज तक कुसै नेई बुज्झी। पर उसगी भरोसा ऐ अपने प्रेम ते प्रेमी पर उसदे कीते दे वायदे पर जे ओह इक दिन जरूर औग। इक बजोगन नारी गी इक बदली दी तश्बी देइयै उसदे मनोभावें गी व्यक्त करना कवि दी बेजोड़ कल्पना शक्ति दा गै कमाल ऐ।

3. पद्यांश –

इ'नें ठिठरे—आकड़े जुंड—हत्थें, बछाए कदें फुल्ल गांधी दी बत्तें,
ओह गाडर घसीटे ते गारे बनाए ते चिपसैं तिलकने फर्श बी बछाए
बो आपूं गी जुड़ेआ दुखें दा कनारा, नां जीने दा आहरा नां मरने दा थाहरा,
नां शिकवा—शिकायत, नां फरियाद कोई, मेरे प्यार दी गोद खाल्ली करी आ।

संदर्भ — प्रस्तुत पद्यांश साढ़ी पाठ्य पुस्तक 'समकालीन डोगरी कविता संकलन' च संकलित कविता 'एह कु'न मारु दा लाल' थमां लैता गेदा ऐ। इस कविता दे कवि 'दीनू भाई पंत' होर न।

प्रसंग — इस कविता च कवि ने अजादी दे बाद बी देशैं च रौहने आहले गरीब ते लाचार लोकें दा वर्णन कीते दा ऐ।

व्याख्या — प्रस्तुत पंक्तियें च कवि ने अजादी दे बाद बी गरीबी रेखा थमां ख'ल्ल रौहने आहले मासूम ते मजलूम लोकें दी इक यथार्थ तस्वीर पेश कीती दी ऐ। कवि गलांदा ऐ जे अमीरें लेई मैहल—मनारे बनाने आहले ते दिन—रात म्हेनत—मजूरी करने आहले इ'नें लाचार—गरीब लोकें बी अजादी परैंत अपने सुखद जीवन दी कल्पना कीती होग। पर ऐसा होआ नेई। अजादी दा सूरज चढ़ेआ ते जरूर पर इ'दियें झुगियें—झोंपड़ियें थमां उसदी किरणें दी लोऽ दरेड़ी गै रेही। ते आलम एह ऐ जे अज्ज बी एह गरीब—मजदूर तबका बगैर कुसै ने कोई शिकवा—शिकायत कीते दे, अजाद देशैं च गुलामी दा जीवन भोगा करदा ऐ। फर्क छड़ा इ'न्ना ऐ जे पैहलें एह बदेशियें दा गुलाम हा ते हुन देशियें दा। उपरोक्त पद्यांश च कवि इस भ्रष्ट नजाम प्रति अपनी खिंझ व्यक्त करदे होई गलांदा ऐ जे रज्जियै म्हेनत—मजदूरी करने आहले एह लोक अजादी दे 60—70 ब'रें परैंत बी भुक्खे—भाने फुटपाथें पर सोंदे न। इ'दे नां दियां पंज ब'रियां सकीमां ते बनदियां न पर ओह काकले ते फाइलें दी खुल्ली हेठ दबोई दियां रौहदियां न। एह तबका ना रज्जियै जीऽ सकदा ऐ नां मरी सकदा ऐ।

अभ्यास — हेठ लिखे दे पद्याशें दी सप्रसंग व्याख्या करो —

1. एह बागें दे फुल्लु, एह नकली फुहारे,
ते तारे बचैरे न डुसकै दे सारे।
ओह त्रेलु दे अत्थरुं बगई रोऐ दा,
एह फट्टे दा सुनसान अम्बर कलापा।

एह कोहरे दी चादर मलूटी-लपेटी,

ते भारत दी धरती करै दी स्यापा।

(एह कु'न माऊ दा लाल; सफा-57)

2. एह मेरा मुल्ल नेई तनखाह ऐ,

मेरी रुट्टी-टल्लें दा निर्वाह ऐ,

मेरी मजबूरी ऐ।

गलत करनां जा ठीक करनां

में कम्म इस शा बधीक करनां

जेहड़ा रुजगार दे सरिश्ते लेई जरूरी ऐ,

मेरी मजबूरी ऐ।

(फालतू कम्म; सफा - 66)

3. रुक्ख पही जिसदे टाहलें दा ऐ

बधे-घटे दा अत्त मोकला,

बेस्हाबी सोचें दे आंगर

चौ'न्ने कू'टें तक बिस्तारा,

ते गासै ने छोही-छोही पौंदी, भाव पुम्बलियें पर,

झुलदे न इक भांती दे, पर अनगिनते,

आसा रूप बनाइयै पत्तर।

(सोच सिरजना; सफा - 84)

.....

M.A. DOGRI

Course No. DOG 203

Unit - I

Semester - II

ADHUNIK KAVITA

Lesson 3

1. पद्यांश –

जिन्हें न्हरे रस्ते च दीये हे बाले,
जिन्हें लोक सुत्ते दे झुणके, बझाले,
नमें सुर जगाए, नमें गीत गाए,
उमेदे दे अक्खीं च सुरमे हे पाए,
ओह फुल्लें दी मिट्ठी सुगन्धी बनी गे
सफर बिन मुकाए ओह इक-इक चली गे
ओह कुत्थें चली गेइयां शीतल फुहारां?

संदर्भ – प्रस्तुत सतरां साढ़ी पाठ्य पुस्तक 'समकालीन डोगरी कविता संकलन' च संकलित कविता 'चेतें दा भार' थमां लैतियां गेदियां न। इस कविता दे कवि 'रामनाथ शास्त्री' होर न।

प्रसंग – इस कविता च कवि उस समें गी चेते करै करदा ऐ जिस बेल्लै कवि ते उसदे बाकी साथी किट्ठे होइयै लेखन दा कम्म करदे हे। कवि दा गलाना ऐ जे अज्ज ओह इस बत्ता पर इक्कला रेही गेदा ऐ। उसदे ओह साथी उस थमां दूर चली गेदे न।

व्याख्या – इ'नें पंक्तियें च शास्त्री होर अपने साथी लखारियें कन्ने बताए दे दिनें गी चेता करियै गलांदे न जे में अपने उ'नें भलोके साथियें गी कि'यां बसारा, जि'नें कदम कन्ने कदम मलाइयै समें दी नजाकत बुझदे होई अपनी कलम दे जोरें डुग्गर समाज ते डोगरें च नमें गीत ते नमें सुर जगाए हे। न्हरे च दीये बाली समाज गी नमीं दिशा दिती ही। सुत्ते दे लोकें गी समें-समें सिर अपने कविता-गीतें राहें जागृत करियै उ'ंदे मने च हौंसले ते उद्धम भरे हे। पर समें दा अजगर बारी-बारी सभने गी निघलदा गेआ। शास्त्री होर गलांदे न अज्ज में इक्कला रेही गेआ

आं। मंजल पर पुज्जने थमां पैहले गै सब इक-इक करियै दूर चली गे। पिच्छें छोड़ी गे न कदे नेई मुकने आहली अपनी चेते दी खशबो। कवि गलांदा ऐ जे में इक्कला इ'ने चेते गी कियां सम्हालां। कुसगी आले मारां ते कुसगी दोश देआं।

2. पद्यांश —

संज बंदोन्दे, संज घरोन्दे
पीला-भुस्सा चेहरा लेइयै
जाई घरोन्ना अपने अन्दर।
मन आक्खें में आम नेई हा,
एह सूरज मेरा नांइ नेई हा,
सोच समुंदर टप्पे मारै
कल दा सूरज बक्खरा होना
कल ध्याड़ी सौनी चढ़नी।

संदर्भ — प्रस्तुत सतरां साढ़ी पाठ्य पुस्तक 'समकालीन डोगरी कविता' च संकलत कविता 'जीवन' थमां लैतियां गेदियां न। इस कविता दे कवि 'दर्शन दर्शी' होर न।

प्रसंग — इस कविता च कवि ने इक आम माहनू दे जीवन दी इक यथार्थ तसवीर पेश कीती दी ऐ। जे आम आदमी किस चाल्ली इस उमीद च अपना सारा जीवन बतीत करी छोड़दा ऐ जे उसदा औने आह्ला कल शैल ते सुखद होग। पर जीवन च कोई बदलाव नेई होने करी, ओह निराश होइयै खीर जीवन गी जून चरासी समझियै जीन लगी पौदा ऐ।

व्याख्या — इस पद्यांश च कवि अपने व्यक्तिगत तजरबे गी सांझा करदे होई गलांदा ऐ जे संज घरोंदे गै में पीला-भुस्सा चेहरा लेइयै जिसलै दफतरा थमां घर परतोनां तां एह सोचना में कोई आम आदमी नेई आं जेहड़ा सूरजै साहीं रोज बड़डलै अपनी दिनचर्या शुरू करदा ऐ ते फही संजां पीली-भुस्सी सूरत लेइयै घर परतोदा ऐ। में इक नमें कल जीने आह्ला आं। में इस सूरजै साहीं कियां होई सकनां। मेरा औने आह्ला कल इक सुखी ते शैल जीवन लेइयै आंग। ओह सोचदा ऐ जे कल दी ध्याड़ी उसदे जीवन च बक्खरी ते सोहनी चढ़ग। उसदी सोच ऐ जे कल नमें सूरज दे कन्ने उसदी जिंदगी बी बदली जाग। इससै हिक्खी च ओह नेई चांहदे होई बी आम आदमी साहीं गै अपना जीवन जीदा ऐ। ते रोज उस नमें ध्याड़े दी हिक्खी च अपने कम्मा पर

जंदा ते घर परतोंदा ऐ जे शायद औने ओहला कल उसदे जीवन दा शैल कल होग।

3. पद्यांश –

कदें कदें सूरज
इ'यां चढ़दा ऐ बदलें दे पिच्छुआं
जियां मुट—मरजी कन्ने जागा करदा जागत
रजाई हटाइयै बी नेई हटान्दा
दिखदा रौहदा ऐ अक्खीं गुहाड़ियै
लोऽ किन्नी होई—सीत किन्ना ऐ?
कदें—कदें छुट्टी दी घैंटी सुनियै
स्कूला बाहर दरोड़दे जागतें साई, बी
सूरज बाहर औंदा ऐ
मन्नो दौं गैइयें च गै उन्न
सारी धरत नापी लैनी ऐ।

संदर्भ — प्रस्तुत पद्यांश साढ़ी पाठ्य पुस्तक 'समकालीन डोगरी कविता संकलन' च संकलित कविता 'कदें—कदें सूरज' थमां लैता गेदा ऐ। इस कविता दे कवि 'वेद राही' होर न।

प्रसंग — प्रस्तुत कविता अंश च कवि ने सूरज दे बक्ख—बक्ख रूपें दी तुलना बक्ख—बक्ख प्राणियें कन्नै कीती दी ऐ। जे कियां सूरज सवेरे कशा संजा तोड़ी केई चाल्ली दे रूप बदलदा ऐ।

व्याख्या — इ'नें सतरें च कवि गलांदा ऐ जे कदें—कदें सूरज बदलें पिच्छुआं इ'यां चढ़दा ऐ जि'यां अशकै कोई जागत मुट्ट—मरजी कन्ने जागा करदा होऐ। अर्थात् जिसलै सूरज बदलें चा झांकदा ऐ तां इ'यां सेही होंदा ऐ जि'यां कोई जागत सुत्ते दा उट्ठा करदा होऐ पर उसदी मरजी उट्ठने दी नेई। ओह रजाई पुट्टियै दिखदा रौहदा ऐ जे बाहर लोऽ किन्नी होई दी ऐ ते सीत किन्ना ऐ। पर जिसलै सूरज बदलें थमां बाहर निकलियै अपनी रोशनी खलारदा ऐ तां इ'यां लगदा ऐ जि'यां आक्खो छुट्टी दी घैंटी सुनियै जागत दौड़दे स्कूला बाहर औंदे न ते उ'नेंगी दिक्खियै इ'यां लगदा ऐ जे उ'नें दौं गैइयें च गै सारी धरत नापी टकानी ऐ। उपरोक्त

पद्यांश च कवि ने अपनी कल्पना शक्ति राहें सूरज दे बक्ख—बक्ख रूपकें ते उपमाएं कन्ने प्रतिबिम्बत करने दी बड़ी शैल कौशश कीती दी ऐ।

अभ्यास — हेठ लिखे दे पद्यांशों दी सप्रसंग व्याख्या करो —

1. एह गीतें दा रिश्ता, गतारें दा रिश्ता,
एह धुप्पें दा रिश्ता, फुहारें दा रिश्ता,
एह रिश्ता ऐ यारो। नुहारें दा रिश्ता,
एह अपनी बगीची दी बहारें दा रिश्ता,
एह रिश्ते बनाइयै ओह साथी चली गे,
एह सूरज दपैहरी गै कियां ढली गे,
रली इक—इक अस बनी गे हे जारां।
में कुस—कुस गी घोखां, कुसी आले मारां।। (आत्म—निवेदन; सफा — 33)
2. लोरी दे हर गीतै अन्दर, इक्कै ममता डोरी,
हर प्रीता दे शारे अन्दर, उयै पैहली चोरी।
एह दुनिया देर सब संसारी, सांझी सब मजबूरी,
हर थां, हर कोई नेन बजोगी, जागै रात सबूरी।
इक्कै सब उपदेश भुलावे, सांझे चकमें—लारे।
सांझा गीत धर्म दा गूँजै, एह तारे दी लोई।। (सरगम; सफा — 114)
3. पत्तरें दियें ठुडिडियें पर
चमकदे पानी दे मोती
गासै दी डबरी दे अन्दर
द्रोपदी कोई धरोती
बट्टा दी ऐ पूनियां

भरा दी चंगेर खाल्ली
सारें दा भरना एर ढिङ्ङ
जेह्दी—जेह्दी ऐ भ्याली
एह् बंडोन्दी रेही, बंडोआ करदी ऐ।

(द्रोपदी; सफा — 164)

.....

M.A. DOGRI

Course No. DOG 203

Unit - I

Semester - II

ADHUNIK KAVITA

Lesson 4

1. पद्यांश –

बसैंत मनान्दे अड़ेयो ओह
जिन्दै घर माया दी लोऽ,
जिंदै अन्दर दाने – ओऽ
असें मुश्किल रुट्टी खानी ऐ।
असें केह बसैंत मनानी ऐ।।

संदर्भ – प्रस्तुत पद्यांश साढ़ी पाठ्य पुस्तक 'समकालीन डोगरी कविता संकलन' च संकलित कविता 'बसैंत' थमां लैता गेदा ऐ। इस कविता दे कवि बसंत राम 'बसंत' होर न।

प्रसंग – इस कविता च कवि ने मीरें ते गरीबें दे लान-खान, रौहन-बौहन च अंतर स्पष्ट कीते दा ऐ। गरीबी कारण गरीब लोक अपना कोई दिन-धियार बी रीझें नै नेई मनाई सकदे ते उत्थें गै दूई बक्खी मीरें दा हर दिन कुसै पर्व ध्याड़े थमां घट्ट नेई होंदा।

व्याख्या – इस कविता अंश च कवि समाज च पनपा करदी अमीरी-गरीबी दी फर्को-फर्की ते बेबसी गी दर्शादे होई गलांदा ऐ जे गरीबी दे कोहलू च पौहा करदे लोकें लेई इक डंग रूट्टी खाना बी मुश्कल होंदी ऐ, दिन-धियार मनाने ते बड़ी दूरा दी गल्ल ऐ। उंदे लेई कोई बी दिन खास नेई, सारे दिन इक बराबर ते आम होंदे न भामें बसंत होए जां दियाली। उंदी हर तांहग जन्म लैने शा पैहलें गै मरी जंदी ऐ। कवि गलांदा ऐ जे एह दिन-धियार अमीरें लेई बने दे न। जिंदे कोल खुल्ली माया ऐ किसे दा घाटा जा लोड़ नेई। उंदे लेई हर दिन कुसै ध्यारै थमां घट्ट नेई होंदा। गरीबें लेई हर दिन इक दिन-गजार होंदा ऐ पर अमीरें लेई हर दिन इक नमां नजारा होंदा ऐ। कवि नै बड़े प्रभावपूर्ण ढंगे कन्नै अपनी इस कविता राहें गरीब मने दी वेदन दस्सियै उसदा एहसास कराने दी कौशश कीती दी ऐ।

2. पद्यांश —

देई भाषण एह पुट्टे नेह, एह नांइ मशहूर करदे न,
ते रातीं होटलें बेहियै गरीबी दूर करदे न।
लाए दे बैठकें फोटू न नेहरु दे ते गांधी दे,
भरे दे कोठियें संदूक, सुन्ने दे ते चांदी दे।
कुसै शा घट्ट एह ऐ नेई, मलावट खोर बड़डे न,
मिगी न चोर आखै दे जो आपैं चोर बड़डे न।

संदर्भ — प्रस्तुत पद्यांश साढ़ी पाठ्य पुस्तक 'समकालीन डोगरी कविता' च संकलित कविता 'कलिये नेई जुआन होयां' थमां लैता गेदा ऐ ते इस कविता दे कवि 'शमशेर सिंह' होर न।

प्रसंग — इस कविता च कवि नै भ्रष्ट नेताएं दे यथार्थ चरित्र गी बांदै कीते दा ऐ ते समूलची कविता च व्यंग भरोचे शब्दें दे तीर चलाइयै उं'दे मुहें पर चढ़े दे सच्चे-सुच्चे लभने आहले मखौटें गी तुआरने दी कौशश कीती दी ऐ।

व्याख्या — उपरोक्त कविता अंश च कवि नै सत्तादारी नेताएं दे हकीकी रूप कन्नै समाज गी वाकफ कराए दा ऐ। कवि दा गलाना ऐ जे बड़डे-बड़डे भाशन देइयै गरीबी दे नांइ पर गरीबें दा शोषण करने आहले एह लोक कुसै दे सक्के नेई। इ'दे झूठे ते लारे भरोचे भाशन गरीब लोकें गी मूर्ख ते बनाई सकदे न पर कुसै समस्या दा समाधान नेई कड्डी सकदे। कोठियें-कारें ते आलीशान होटलें च रौहने खाने आहले एह दोगले लोक गरीबी मटाने पर तबसरे ते करी सकदे न पर गरीबें दी वेदन नेई बुझी सकदे। असल च एह गरीबी गी नेई गरीबें गी गी मकाने पर तुले दे न। एह ते गांधी नेहरु जनेह सच्चे-सुच्चे राजनेताएं दी बत्ता पर चलने दा ढोंग करियै अपनियां तजोरियां भरदे न। सफेदपोशी दा जीवन जीने आहले एह मरक्हखेवाज असल च ऐसे डाकू न जेहड़े सिनकू साहीं दिन-रात देशे दियें मजबूत निहें गी पुग्गा ते खोखला करा करदे न। कवि नै आम-भलोकी जनता गी ऐसे लोटू ते भ्रष्ट नेताएं प्रति सचेत ते जागृत करने दी कौशश कीती दी ऐ।

3. पद्यांश —

बसनीक बनी जा नजरें दा, नजरीआ सोचे परखे दा,
किज आप मुहारा फैली जा, एह जीन नमाना सरफे दा।

फौलाद ढली जा बाहमें च, सज्जी जा शिस्त नशान्ने दी,
 ला-धड़क धमाका उट्ठी जा, थिड़की जा टोर जमान्ने दी।
 नक्शे दा नक्शा बदल जा, कदरें दी कीमत बदली जा।
 रत्तु दी रीत पुरानी ऐ, उसलै तारीख लिखोई जंदी।
 बा-अदब समें दे पारखियो, बे-अदबी अक्सर होई जंदी।।

संदर्भ — प्रस्तुत पद्यांश साढ़ी पाठ्य पुस्तक 'समकालीन डोगरी कविता संकलन' च संकलित कविता 'शर्त' थमां लैता गोदा ऐ। इस कविता दे कवि केहरि सिंह 'मधुकर' होर न।

प्रसंग — इस कविता च कवि दा सुर खिंझ ते कटाक्ष भरोचा ऐ। समूलची कविता च कवि बा-अदब समें दे पारखियें गी बे-अदबी दा एहसास करांदा नजरी औंदा ऐ।

व्याख्या — इस कविता अंश च कवि शोशत वर्ग च क्रांती दी भावना जगांदे होई गलांदा ऐ जे असेंगी जीवन दे प्रति अपना नजरीया बदलने दी लोड़ ऐ। तां जे जीवन इक्कलसोखी ते तंगदिली दे दायरे थमां मुक्त होइयै इक मौकला ते विस्तृत रूप ग्रैहण करै। कवि गलांदा ऐ जे संघर्ष कीते बगैर कदें कोई समाज तरक्की दी राह पर अग्रसर नेई होई सकदा। डरी-सैहमियै जीना कोई जीना नेई ऐ। एह वक्त हिम्मत ते दलेरी कन्नै अपने लक्ष्य गी हासल करने दा ऐ। एह वक्त समाज दे ठेकेदारें प्रति इक जुट होइयै अवाज बलंद करने दा वक्त ऐ। कवि आम जनता गी परानियें घासें गी छोड़ियै जीवन दियें नमियें राहें बक्खी सारत कराइयै जागृत करदा ऐ। ते गलांदा ऐ जे इक नमें-नरोए समाज दे निर्माण आस्तै लोड़ ऐ हौंसले ते उद्धम दी, लोड़ ऐ इंकलाब दी, इक क्रांती दी ते इतिहास गवाह ऐ जे इंकलाब लहू मंगदा ते क्रांती कुरबानी मंगदी ऐ। तां जाइयै कोई इतिहास लखोंदा ऐ।

अभ्यास — हेठ लिखे दे पद्यांशों दी सप्रसंग व्याख्या करो —

1. वि 1-अमृत दी इस खेढै बिच
 अस सारे बस रलियै, पुग्गी
 जीवन दे इस हवन-कुंड बिच
 अपने प्राणें दी हौती नै

जीवन जोत गी बाली रखनें

उज्जने ते उज्जल होने तै

शव कोला शिव होने गितै ।।

(अमर खेड; सफा — 201)

2. बो इक दिन नजर लुआंघ खाई गई,
गुआंढी दै घर मोई झांकी दुआई गई
दिखेआ जे —

गुआंढी नैर सागर त्राम्बड़ी च पाए दा ऐ

ते धरतु गी शैल बड़डे बेहड़ै सजाए दा ऐ ।

उस दिन शा

अस राजे थमां रंक होई गेदे आं

लम्मा बेहड़ा बड़डी परात तुप्पन डेही पेदे आं ।

(राजे थमां रंक; सफा — 213)

3. गडीरना हुन रेढ़ना किन्ना'कर चिर,
तुगी असें बडेरना किन्ना'क चिर ।
खड़ोना अपने पैरें पर सिक्ख जागता,
कन्हाड़ै चुक्की फेरना किन्ना'क चिर ।।

(चमुखा; सफा — 169)

.....

M.A. DOGRI

Course No. DOG 203

Unit - II

Semester - II

ADHUNIK KAVITA

Lesson 5

प्र.1 'डोगरा देस जगाई जायां' कविता दा सार लिखो।

'डोगरा देस जगाई जायां' नाऽ दी कविता सादी पाठ्य पुस्तक 'समकालीन डोगरी कविता' च संकलित ऐ। ते इस कविता दे कवि ठा. रघुनाथ सिंह सम्याल होर न। इस कविता च कवि नै डुग्गर देस ते इस च रौहने आहले लोकें दे सभा—सुआतम दा बड़ा शैल वर्णन प्रस्तुत कीते दा ऐ। इत्थें बक्ख—बक्ख थाहरें रौहने आहले लोकें दी भेस—भूशा ते भावें दी कोई मसाल नेई। डोगरें दी अपनी इक सगोसार संस्कृति ऐ। सारे रली—मिलियै दिन—ध्यान मनांदे न। डुग्गर देसे दे लोकें दे सभाऽ दी गल्ल करदे होई कवि गलांदा ऐ जे एह लोक ठंडे सभाऽ ते मिटठी बोल्ली बोलने आहले ते हर इक दा आदर—मान करने आहले न। एह कदें कुसै गी माड़ा नेई बोलदे पर जेकर लोड़ पवै तां अपनी ईन—अनख लेई बैरी नै टक्कर लेइयै उसी मूह तोड़ जवाब बी दिंदे न। कवि गलांदा ऐ जे डुग्गर दे लोक पूजा—पाठी, धर्मी—कर्मी ते सारें कन्नै हिरख करने आहले न। एह चंगें कन्नै चंगे ते बूरें कन्नै बूरे न। डोगरे हर मुश्कल दा डटियै सामना करदे न। एह मुश्कलें थमां डरियै अपना हौंसला नेई ढांढे, कदें नेई घाबरदे। एह इक—मिक होइयै हर औखा दा मकाबला करदे न। सम्याल होरें अपनी इस कविता राहें डुग्गर वासियें गी अपनी सभ्यता—संस्कृति बारै सोहगा करने दी कौशश कीती दी ऐ।

प्र.2 'आत्म निवेदन' कविता दा सार लिखो।

'आत्म—निवेदन' कविता दे कवि 'स्वामी ब्रह्मानन्द तीर्थ' होर न। इस कविता च कवि गलांदा ऐ जे एह सारा जगत ईश्वर दी गै सत्ता ते अस्तित्व दा विराट ते साकार रूप ऐ। इस साकार जगत गी चलाने आहली शक्ति केहड़ी ऐ? कनेही ऐ? कुत्थें ऐ? इस किस्मा दे सुआल गै रहस्यमयी शक्ति गी जानने ते पंछानने आहले पाससै कुसै बी जिज्ञासु गी लेई जाने आहले पैहले बिंदु न। असल च एह सुआल गै उस निराकार शक्ति दा घेरा न जिसी खोहलना गै ओहदी सत्ता ते अस्तित्व गी जानना ऐ। इस सारी सिश्टी गी चलायमान रखने आहली, नियमत ते संतुलत ढंगै कन्नै क्रियाशील बनाई रखने आहली शक्ति दी रहस्यमता दे बारै च समझाने

आस्तै स्वामी होरें सरल उदाहरण देइयै आम जनमानस आस्तै इस कविता गी रचे दा ऐ। आत्म—निवेदन कविता माहनू गी आत्म ज्ञान करोंआंदे होई उसी भौतिक जगत च व्याप्त संसारी माया रूपी अज्ञान दी नींदर त्यागियै उस चा उठने आस्तै सचेत करदी ऐ, इक ऐसा विवेक भरदी ऐ जे माहनू एह सोचने आस्तै मजबूर होई जंदा ऐ जे एह झूठी माया सिर्फ कसाइयें दी मिट्ठी छुरी आंगर ऐ। अर्थात् इस माया दा वास्तविक सुआद कौड़ा ऐ। मनुक्ख मकड़े आंगर जाल बुनियै आपू उस च फसी जंदा ऐ। फही छड़कदा ऐ ते केई किस्में दे दुख भोगदा ऐ पर उस जाल दियां तारां अर्थात् दुखदायक दुनियाबी परिस्थितियां माहनू थमां नेई छड़ोंदियां। हर थांड दुख गै दुख न पर फही बी इस माया गी छोड़ना माहनू आस्तै सपै दे मूंह किरली ऐ। स्वामी हुंदे मताबक जेहड़ा माहनू इस माया गी त्यागियै उस ब्रह्मा च लीन होई जंदा ऐ, ओह उस अमरत्व गी प्राप्त करी लैदा ऐ। स्वामी होरें वेदांत दी गल्ल इस कविता राहें इ'न्नी असानी कन्नै समझाई दी ऐ जे इस गूढ़ विशे दी गुत्थी अपने आप दमागा च खुल्ली जंदी ऐ।

प्र.3 'सुरग निं जान होंदा' कविता दा सार लिखो।

'सुरग निं जान होंदा' नांइ दी कविता दे कवि 'परमानन्द अलमस्त' होर न। इस कविता च कवि झूठे अडंबरवाद पर व्यंग करदे होई गलांदा ऐ जे मंदरें च छैने, छड़योल बजाइयै जां मस्जिदें च जोरें—जोरें नमाजां पढ़ियै कोई ईश्वर—अल्ला गी प्राप्त नेई करी सकदा। ते नां गै पत्थर दियें मूर्ते गी जीवनादान देइयै जां पितरें दे नांइ पर रुट्टियां खलाइयै, कुसै गी अज्ज तक ईश्वर लब्धे न। कवि पतें ते मुल्लें पर बार करदा गलांदा ऐ जे धर्म दे नांइ पर भलोकी जनता दा शोशण करने आहले एह लोक गै माहनू गी माहनू कन्नै लड़ांदे न ते फही पत्थर रूपी देवतें दा सहारा लेइयै उ'नेंगी धूप—धूनियां धखाइयै, बड़े—बड़े प्रसाद चाढ़ियै अपने पाप छपैलने दी कौशश करदे न। एह मंदर, मसीतें ते गुरुद्वारें दे मालक माहनू गी न्हेरी ते अंधविश्वासें दी बता टोरदे आए न। धार्मिक अडंबर रचियै, त्रशूल—झंडे चुक्कियै एह लोक सदियें थमां पखंड करदे आए न। कवि ऐसे लोकें दी अंतर आत्मा गी झंझोड़दे होई गलांदा ऐ जे अपने मनै दी मैल घोले बगैर ते सच्चे दी राह चले बिना कोई सुरग सीढ़ी नेई चढ़ी सकदा। कवि आम लोकें गी समाज दे इ'नें ठेकेदारें प्रति सचेत करदे होई गलांदा ऐ जे ऐसे झूठे ते फरेबी लोकें दी गल्लें च नेई औना चाहिदा सगुआं ऐसे लोकें गी बिच बजारे दे बेइज्जत करियै उंदे मुहें पर चढ़े दे मरहक्खें गी तुआरना लोड़चदा ऐ जेहड़े धर्म दे नांइ पर माहनू गी माहनू थमां बक्ख करदे न। खीर च कवि गलांदा ऐ जे असें गी अपनी सोच गी मौकला करियै गांधी दी बता चलना चाहिदा ऐ ते अल्ला—ईश्वर च कोई फर्क—भेद नेई करियै इक—मिक होइयै रौहना चाहिदा ऐ। तां गै अस ईश्वर प्राप्ति दी राह पर अग्रसर होई सकने आं।

प्र.4 'छड़ा' कविता दा सार अपने शब्दें च लिखो।

कवि बसंत राम 'बसंत' हुंदी एह कविता हास्य—व्यंग भरोची कविता ऐ। इस कविता च

कवि नै छड़े दुख—तकलीफें भरोचे जीवन दी यथार्थ तस्वीर पेश कीती दी ऐ। कवि गलांदा ऐ जे इक्कले—मुक्कले माहनू दा जीना बी केह जीना ऐ। नां अगें कोई नां पिच्छें कोई। अपने खाल्ली—मखाल्ली घरै च उसदा मन नेई लगदा ते गलिये—बजारें लोक उसी नेई भादे। नां ढंगा दा लाने गी ते नां खाने गी। उसदियां सारियां आशां—लालसां मनै च गै दबोई दियां रँहदियां न। इक छड़े दी वेदन बुझने आह्ला कोई नेई पर ताने—मीहने देने आह्ला कुल समाज होंदा ऐ। छड़ा कस्सरी—मांदा होऐ तां दवा—दारु पुच्छने आह्ला कोई नेई, भुक्खा—पाना होऐ तां घर हिरखै नै रुट्टी पकाइयै खलाने आह्ला कोई नेई। ओह घर जा बी तां कुस आसै ते कुस आस्तै। बो जेकर कदें कोई उसी अपने मनै दा मैहरम जां हिरख जताने आह्ला लब्बी जा तां लोक जीन नेई दिंदे। छड़ा आदमी करै बी तां केह करै। कवि हासे—हासे च गलांदा ऐ जे छड़ा माहनू कोई आदमखोर जनौर नेई होंदा ओह बी साढ़ै साहीं मनुक्ख होंदा ऐ, उस कन्नै बी सलीके ते हिरख प्यार कन्नै पेश औना लोड़चदा ऐ।

प्र.5 'घर ते दफतर' कविता दा सार लिखो।

'घर ते दफतर' नांS दी कविता दे कवि 'वेदपाल दीप' होर न। एह कविता कवि दे जीवन दे यथार्थ कन्नै जुड़ी दी कविता ऐ। जीवन भर और्ये—अड़चनें दा सामना करने आहले इस कवि नै अपनी इस कविता च घर ते दफतर दी तस्वीर बड़े शैल ढंगै नै ब्यान कीती दी ऐ। कवि दे शब्दे च घर इक एहसास ऐ। इक ऐसा ठिकाना जिस कन्नै माहनू गी प्यार ते लगाS होंदा ऐ। भाएं ओह बड़डा होऐ ते भाएं लौहका घर—घर होंदा ऐ। एह गल्ल बिल्कुल सच्च ऐ जे 'दीप' होर 'कश्मीर टाइम्स' पत्रिका दे संपादक हे ते उ'नें अपने जीवन दे किश ब'रे इससै दफतरै दे स्टोर रूम नुमां कमरे च बिताए हे। इसकरी ओह गलांदे न जे मेरे दफतर ते घरै च कोई मता छिंडा नेई, बस दूरी ऐ तां इक डुआठन दी। कवि गलांदा ऐ जे मेरी मांदगी च मेरे चाहने आहले ते मेरे कन्नै दफतरै च कम्म करने आहले मेरा हाल चाल पुच्छन इ'यै डुआठन टप्पियै मेरे घर आई जंदे न ते राजी होने पर मैं इ'यै डुआठन टप्पी अपने दफतर पुज्जी जन्नां आं। कवि गलांदा ऐ जे मिगी इस स्टोर नुमां कमरे च बी घरै दा एहसास होंदा ऐ। नौकरी परैत जिसलै में अपने कमरे औना तां मिगी अपना एह घर दफतरी रौले—रप्पे शा बड़ा दूर ते एकांत बझोंदा ऐ। की जे घर ते इक एहसास ऐ।

प्र.6 'एह कु'न मारु दा लाल' कविता दा सार लिखो।

'एह कु'न मारु दा लाल' कविता 'दीनू भाई पंत' होरें लिखी दी ऐ। इस कविता च कवि नै अजादी दे 60—65 ब'रें बाद बी गरीबी रेखा थमां ख'ल्ल रौहने आहले लोकें दी दशा दा बड़ा पीड़ भरोचा यथार्थ वर्णन प्रस्तुत कीते दा ऐ। समूलची कविता च कवि भ्रष्ट सत्ताधारियें पर चोट करदे होई गलांदा ऐ जे फुटपाथें पर जीने—मरने आहले एह लोक बी सुतैतर भारत दे बासी न। इ'दी अक्खीं च बी किश सुखने न, इ'दी छाती च बी किश चाS न। लीरे च तन खट्टने आहले

ते ठंडू च ठरने आहले इ'नें मजलूमें तक अजादी दे सूरजै दियां रिश्मां अज्ज तक की नेई पुज्जी सकियां। कवि समाज दे ठेकेदारें पर व्यंग करदा गलांदा ऐ जे हर ब'रे अजादी दे जशन मनाने कन्नै जां दुनियां दे नक्शे पर अपने आप गी बड़ा प्रगतिवादी साबत करने कन्नै, असलीयत नेई छपैली जाई सकदी। दिन-रात म्हेनत-मजूरी करियै पूंजीपतियें दा घर भरने आहला एह गरीब तबका की अज्ज बी गुरबत दा जीवन जीया करदा ऐ। कीऽ राजनेताएं दियां पंज ब'रियां पालसियां ते सकीमां कागजें ते फाइलें च दबोई दियां रौंहदियां न। की कोठियें-बंगलें च रौहने आहले सत्तादारियें ते पूंजीपतियें दा ध्यान इस तबके बल नेई जंदा। गलियें ते चौकें च भुक्खै ने बिलसी-बिलसियै अपना दम त्रोड़ने आहले एह बे-स्हारा ते बे-घर लोक बेशक्क कुसै नै कोई शिकवा-शिकायत नेई करदे पर अजाद मुख्खै च गुलामी दे जीवन दा एहसास जरूर करांदे न। ठंडू च ठर-ठर करियै मरने आहले इ'नें गुलाम देसवासियें दी मौत कोई सधारण मौत नेई। एह कतल न ते इ'दे कातल न भ्रष्ट सत्ताधारी नेता जो सब किश जानदे आखदे बी अपने आलीशान मैहलें च अराम दी नींदर सौंदे न। कीऽ मनुक्खता दे इ'नें कातलें पर कोई दफा जां धारा कम्म नेई करदी। कीऽ सारे कन्नू अन्ने ते गूगे होई जंदे न।

.....

M.A. DOGRI

Course No. DOG 203

Unit - II

Semester - II

ADHUNIK KAVITA

Lesson 6

नोट – लम्मे सुआल आहले कवियें दे परिचे

प्र.1 परमानन्द 'अलमस्त' हुंदे डोगरी कविता साहित्य गी योगदान बारै तफसील च लिखो।

उ. – डोगरी कविता गी नमीं दिशा ते चेतना देने च जि'नें कवियें दा शुमार कीता जंदा ऐ उ'ंदे चा इक टकोहदा नांऽ कवि परमानन्द 'अलमस्त' हुदा लैता जाई सकदा ऐ। नमीं चेतना भाग इक ते दो दे इ'नें साधकें दी साधना दा गै फल ऐ जे अज्ज डोगरी कविता लोड़चदी गैहराई ते स्पष्टता दे कारण लोकें दे हिरदें च अपना गौरवपूर्ण थाहर बनाई चुकी दी ऐ। किश चेचे कवियें दियां कवितां जनसधारण दे कंठ पर वास करदियां न। जि'नें कवियें अपनी रचनाएं राहें सिश्टी दे कण-कण गी अनुभूत ते आत्मसात करियै काव्य-रूपै च वाणी दित्ती दी ऐ। इ'ंदे चा इक परमानंद अलमस्त होर न। डोगरी कविता दे खेतरे च कवि परमानंद अलमस्त हुंदा अनमुल्ला जोगदान ऐ। इ'ंदी कविता दा प्रमुख सुर डुग्गर दे प्राकृतिक वातावरण दा वर्णन करना, समाजक फर्को-फर्की ते बेन्यायी खलाफ अवाज चुक्कना, नैतिक उपदेश देना ते भगती भावना ऐ।

कवि अलमस्त हुंदा जन्म जम्मू खित्ते दे मश्हूर जिला साम्बा च सन् 1901 ई. च होआ। इ'ंदे पिता-पुरखी घर इस्सै नगगरै च हे पर इ'दा बचपन जम्मू शैहरै दियें गलियें च गै बीतेआ। की जे इ'दा इक घर जम्मू शैहरा च मल्होत्रें दी ग'ली च बी हा। इसदा दूआ कारण इब्बी हा जे परमानंद अलमस्त होर अजें मसां नमें ब'रे दे होए जे इ'दे सिरा उपपर पिता दा हिरखी साया चुकी गोआ हा। इस सदमें कन्नै इंदी माता हुंदी बी दमागी हालत होर बिगड़ी गई। इ'नें हालतें च इंदी परवरिश दा जिम्मा इ'ंदे दादा होरें लैता। उ'नें इ'नेंगी अठमीं तगर पढ़ाया ते ब्याहेआ ते फही कम्म सिक्खने आस्तै कुसै दी हट्टी पर रक्खी दित्ता। किश चिर इ'नें परिस्थितियें कन्नै संघर्ष करदे होई अलमस्त होरें एहकी नौकरी छोड़ी दित्ती ते रियास्त दे सेहत मैह्कमें च इक

कम्पोडर दी एहसियत कन्नै मलाजमत करी लैती।

नौकरी लग्गे दे थोड़ा गै चिर होआ हा जे इंदे दादा हुंदा बी सुरगवास होई गोआ ते घर घिस्ती दी जिम्मेदारी इंदे नाजुक कंधे पर आई गई। उस बेल्ले इंदियां दो कौआरियां भैनां ते मारु दे इलावा अपना टब्बर बी ऐ हा ते औंदन कुल्ल साढ़े उन्नी रपेऽ म्हीना। इसदे इलावा इनेंगी अपने पुश्तैनी थेह सांवे च बनी दी किश हट्टियें दा कराया बी औंदा हा पर चाचे ने परिस्थितियें दा लाह लैंदे होई उंदे पर मुकद्दमा करी दित्ता जिस मूजब हट्टियें दा कराया थ्होना बी बंद होई गोआ। उथल-पुथल भरोचे इस जीवन ने अलमस्त होरें गी अपना मन बोहास्सरने आस्तै कविता दा सहारा लैने पास्सै प्रेरत कीता। शुरू-शुरू च ओह हिन्दोस्तानी च भजन करदे होंदे हे ते तूबे ते खड़तालें दे ताल उप्पर आपूं सुर लाइयै गांदे होंदे हे।

घरै दे हालातें इनेंगी साधु-संतें ते पीरें-फकीरें दी सोबत च जाने आस्तै बी विवश कीता। उंदे संपर्क च आइयै अलमस्त होरें गी जिंदगी गी समझने दा इक होर नजरिया बी थ्होआ। ओह खोखले आदर्श ते पखंडें दा बरोध करन लग्गे ते गरीब-गुरबें दे हिमायत बनी गे। इसदे इलावा इंदे जीवन दर्शन पर गांधीवादी बचारधारा दा बी असर पेआ। जिस मूजब ओह महात्मा गांधी हुंदे आदर्श ते असूलें दे संदेशवाहक बनी गे। इनें बचारधाराएं ते परिस्थितियें दा असर इंदी कविता पर बी पेआ।

अलमस्त होरें डोगरी च पैहली कविता सन् 1931 ई. च रियासत जम्मू-कश्मीर दे पैहले सदर-ए-रियासत डॉ. कर्णसिंह हुंदे जन्म दी खबर सुनियै लिखी ही। इस गीतै गी बलौरै दे इक गायक ने महाराजा हरिसिंह हुंदे दरबार च जाइयै ते गाइयै सुनाया हा ते राजा साहब हुंदे शा इनाम बी प्राप्त कीता हा। इस गीतै दे बोल न।

हरि होई बेल हरिसिंह महाराज,
कीर्ति बधी अज्ज अमर बेल लोको।
खिड़ी-फुल्ली डाल्ली गुलाब दी
बेड़ा परमेसर परतक्ख लोको
देस परमेसरै पार लाया।

अलमस्त होरें गी अपनी नौकरी दे दौरान डुग्गर दे बक्ख-बक्ख थाहरें पर जाने दा मौका मिलेआ। डुग्गर दे इनें थाहरें दा प्राकृतिक म्हील अलमस्त होरें गी रास आया ते इंदी

काव्य प्रतिभा मुखर होन लगी। डुङ्गू-बसंतगढ़ च रौहदे होई इ'नें नेकां गीत बनाए ते उ'नें लोकें कन्नै रलियै आपूं गाए। जिसदे फलस्वरूप इंदे दिक्खदे-दिक्खदे गै अलमस्त हुंदे नेकां गीत लोकधारा च रली गे।

डोगरी कविता दे खेतरे च कवि परमानंद अलमस्त हुंदियां दो काव्य रचना अपना विशेष थाहर रखदियां न। ओह न -

1. झुनक (फारसी लिपि च ते प्रकाशन ब'रा 1963)
2. इक बूंदै गी तरसै पैछी (देवनागरी लिपि च ते प्रकाशन ब'रा 1967)

इसदे इलावा इ'दियां किश फुटकर रचनां बी उपलब्ध होई दियां न जि'नेंगी रियास्ती कलचरल अकादमी ने रचनाकार सीरिज दे अंतर्गत 'कवि परमानंद अलमस्त' नांS दी पोथी दे रूपै च प्रकाशत करोआए दा ऐ। इस पोथी दा संकलन ते सम्पादन डॉ. ओम गोस्वामी होरें कीते दा ऐ।

इसदे इलावा अलमस्त हुंदी इक गद्य रचना फारसी लिपि ते उर्दू भाशा च 'औराक-ए-परेशां' ऐ। इस गद्य-रचना च लेखक ने अपने जीवन दिथें प्रमुख घटनाएं गी दर्ज कीते दा ऐ।

डुंगर दी प्राकृति ने कवि दे कोमल मनै गी मता संवेदनशील बनाई दित्ता। कवि ने प्रकृति दा सहारा लेइयै अपने मनै दे नेकां भाव-छोआलें गी कविता दा रूप दित्ता। कुतै ते कवि सिद्धा प्रकृति चित्रण करदा लभदा ऐ ते कुतै प्रकृति आलम्बन रूपै च ऐ। इससै भाव दा चित्रण करदे होइयै कवि ने गलाए दा जे नीलियें बदलियें दे ब'रने कारण इस धारा पर जेहड़ा असर पौंदा ऐ ते धरती रूपी नारी दी त्रेह शांत होंदी ऐ तां उसदी नायिका दी कीS नेई। उसदा इक सरोखड़ उदाहरण इ'नें सतरें च दिक्खेआ जाई सकदा ऐ -

रुक्खड़े-सुक्खड़े, भुक्खड़े खेतरे,

सैलतनां रंगतां लांदियां न।

नीलियां बदलियां, नींदियां होई-हाई

लांदियां-रिमझिम लांदियां न।

दूए शब्दें च नायिका दा गलाने दा भाव एह ऐ जे नीलियें बदलियें दे ब'रने कन्नै जेकर

ਧਰਤੀ ਰੂਪੀ ਨਾਰੀ ਦੀ ਤ੍ਰੇਹ ਚੁਕੀ ਜੰਦੀ ਏ ਤਾਂ ਉਸਦੀ ਕੀ ਨੇੜੀ ਚੁਕੀ ਸਕਦੀ।

ਪ੍ਰਾਕ੍ਰਿਤਿਕ ਸ਼ੋਭਾ ਬਜੋਗਿਯੋਂ ਦੀ ਬਜੋਗੈ ਦੀ ਅਗੀ ਗੀ ਮਤਾ ਹੋਰ ਉੱਤੇਜਿਤ ਕਰਦੀ ਏ। ਨਾਇਕਾ
ਅਪਨੇ ਨਾਇਕ ਤੇ ਰਾਜੇ ਦੇ ਨੌਕਰੈ ਗੀ ਬਰਸਾਂਤੀ ਘਰ ਉਠੀ ਔਨੇ ਆਸ਼੍ਰਿਤ ਅਰਜ਼ਾ ਕਰਦੀ ਆਖਦੀ ਏ —

ਬਰਸਾਂਤੀ—ਨਦਿਆਂ ਦਾ ਜਿ'ਯਾਂ ਪਾਨੀ

ਤਿ'ਯਾਂ ਮੇਰੀ ਏਹਲ ਜਵਾਨੀ।

ਜਾ ਨੇੜੀ ਪਰਤੀ ਆ। ਨੌਕਰਾ ਰਾਜੇ ਦੇਆ।

ਸੈਲਿਲਿਆਂ—ਸੈਲਿਲਿਆਂ ਹੋਝਿਆਂ ਧਾਰਾਂ,

ਦਿਕਖੀ ਜਾ ਆਨੀ, ਝਬੀ ਝਾਰਾਂ,

ਮਨਾ ਦੀ ਮੌਜ ਮਨਾ ਨੌਕਰਾ ਰਾਜੇ ਦੇਆ।

ਨਾਇਕਾ ਦਾ ਗਲਾਨੇ ਦਾ ਭਾਵ ਏ ਜੇ ਓਹ ਰੁਤ ਰੂਪੀ ਜੌਆਨੀ ਦਾ ਆਨੰਦ ਲੇਝ ਲੈ। ਪਿੱਛ੍ਹ ਮੌਕਾ
ਨੇੜੀ ਔਨਾ ਏ।

ਝੰਨਾ ਗੈ ਨੇੜੀ ਉਸਗੀ ਕਾਲੀ ਚਿੜੀ ਦਿਆਂ ਕੂਕਾਂ ਤੇ ਅਪਨੇ ਹੌਕੋਂ ਦੀ ਸਾਰ ਝਕ ਬਝੌਂਦੀ ਏ। ਓਹ
ਉਸੀ ਸਮਝਾਂਦੀ ਆਖਦੀ ਏ —

ਕੀ ਕੈਂਕੋ—ਰੋਲਾ ਪਾਯਾ, ਚਿੜਿਯੋਂ ਕਾਲਝਿਯੇ,

ਕੂ—ਕੂ ਮਾਰੋਂ ਕੂਕਾਂ, ਕੂਕੋਂ ਬਾਲਝਿਯੇ।

ਤੇਰਿਆ ਕੂਕਾਂ, ਮੇਰਿਆਂ ਹੂਕਾਂ, ਬਿਰਲਾ ਗੈ ਕੋਝੀ ਜਾਨੈ,

ਜਿਸਗੀ ਸਲਲ ਬਝੋਝਾ ਲਗੈ, ਉ'ਏ ਰਮਜ ਪਛਾਨੈ।

ਮਨਾ ਦੀ ਧੀਝ, ਮਨ ਗੈ ਬੁਝੜੈ, ਨਾਂ ਜਾਨੇ ਕੋਝੀ ਮਤਬਾਲਝਿਯੇ,

ਕੀ ਕੈਂਕੋ—ਰੋਲਾ ਪਾਯਾ.....

ਨਾਇਕਾ ਗੀ ਲਗਦਾ ਏ ਜੇ ਕਾਲੀ ਚਿੜੀ ਦੇ ਕੈਂਕੋ ਰੋਲੇ ਆਹਲੀ ਸਿਥਿਤਿ ਬੀ ਗਤਿ ਆਹਲਾ
ਲੇਖਾ ਏ।

ਕਵਿ ਬਰਖਾ ਦੀ ਰੁਤੈ ਦਾ ਵਰਨਨ ਕਰਦੇ ਹੋਝੀ ਆਖਦਾ ਏ ਜੇ ਝਿਸ ਰੁਤੈ ਕਾਰਣ ਨਾਂ ਸਿਫ਼ ਰੁਕਖ

बूहटे गै हरे-भरे होंदे न बल्के पक्खरु-पक्खेरु बी मल्हारां गांदे न। गुंगे गी बी भाश मिली जंदी
ऐ ते अ'न्ने गी रोशनी थ्होई जंदी ऐ। इस भाव गी बांदै करदे बोल न —

बूदा-बूदा गी तरसन जित्थें

उत्थें हाड़ बगाया।

गुंगे बाचियां वेद वाणियां।

रकें थ्होई माया।

नच्चे त्रप्पे मेहरू पक्खरु

अ'न्ने थ्होई रुशनाइयां।

कवि ने सौनी ते बरसांती दी रुतै पर मतियां कवितां रची दियां न। 'सावन' नांइ दी
कविता च कवि सौनी रुतै कारण बक्ख-बक्ख जीव-जंतुएं पर इसदे बक्खरे प्रभाव दे पौने दा
उल्लेख करदा ऐ जित्थें इस रुतै कारण प्रकृति हरी-भरी होंदी ऐ उत्थें बजोगियें दी विरहाग्नि
होर मती तेज होंदी ते उंदी बजोगें दी दशा दा वर्णन करदा कवि आखदा ऐ —

चिट्ठे-चिट्ठे बगले उड़दे, कूज चलै करलांदी

पैहलां पाइयै मोर नच्चदे, कोयल कूक सनांदी।

पी-पी-पी-पी करै पपीहा, बूदा दा त्रेहआया जी।

आया-आया ओ सावन आया।

बजोग च बेहाल होई दी नायिका अपने नायक गी आखदी ऐ जे रुत-ब्हारां बी
बदली-बदलियै आवा करदियां न पर ओह की नेई आवा दा ऐ। उसदा रस्ता दिक्खी-दिक्खी
उसदियां अक्खियां बी पक्की गेइयां न। इस आस्तै उ'ब्बी उसी अपनी सूरत दस्सी जा। की जे
उसदी हीखि च गै उसदे साह अड़के दे न। गीतै दे बोल न—

हीखियें-बद्धड़े दम न अटके,

साहें दा बिंद निं बसाह,

बो राहिया, आ बो राहिया।

'अलमस्ता' मस्तानेआ सच्च गै जानेआं

तुंदे मिलने दा चाऽ।

बो राहिया, ओ बो रहिया।

प्रकृति चित्रण ते रस राज शृंगार दा वर्णन अपनी कविताएं च करने दे कन्नै—कन्नै
कवि अलमस्त ने प्रभु भगती गी बी अपनी कविता अभिव्यक्ति दिती दी ऐ। भगवान शिव दे
सगुण रूप दा गुण—गान करदे होई ओह उं'दे नख—शिख दा वर्णन करदे न जिस मूजब इस
भजन गी पढ़दे सुनदे गै भगवान शिव दी सजीव मूर्त साढ़ी अक्खीं सामनै साकार होई जंदी
ऐ। कवि आखदा ऐ —

कन्नै बिच्च मुंदरा जोगी दे अंग बभूत रमाई ऐ।

जगजननी श्री जगदेवा जी वाम—अंगी गोरां माई ऐ,

नंदी दे अस्वारा दा भकमी—रंगा झंडा ऐ।

अ'ऊं उस भिख मंगे दा भिख मंगा हा,

जो बिन मंगे सब किश दिंदा ऐ।

कवि ने किन्ने कलात्मक ढंगै शिवें दे सद्गुण ते जनकल्याण वाचक धर्म दा बखान
उ'नेंगी 'भिखमंगा' गलाइयै करी दित्ते दा ऐ जे उ'नें संसार दे हित आस्तै मंगियै आपूं
जैहर पी लैता ते नीलकंठ होई गे। पर संसार दा भला करने आहले दाता, दानी ते शांति
दे प्रतीक, सभनें दियां मुरादां पूर्ण करने आहले दाता, दानी ते शांति दे प्रतीक, सभनें दियां
मुरादां पूर्ण करने आहले शिवें अगगे अपनी झोली अड्डी दी ऐ। की जे मंगना बी उस्सै
कशा उचित लगदा ऐ जेहड़ा बगैर मंगे सभनें दियां मुरादा पूर्ण करदे होन। इस्सै मूजब
कवि उ'नेंगी नवेदन करदा आखदा ऐ जे 'मेरी पत तेरे हत्थ' ऐ। तुएँ सब किश ऐ। साढ़ा
जीवन तेरे बगैर किश नेई ऐ —

धृग—धृग मेरा जीन, आ'ऊं दीन ते मलीन,

ना जाना जोग—जुगत ना जाना जप्प—तप्प।

मेरी पत तेरे हत्थ

दे दाता दयावान, साढ़ा करेआ कल्याण,

बस्सै—रस्सै इन्सान, मिटी जा खटपट ।

मेरी पत तेरे हत्थ

भामें रख, भामें त्रोंड़, मेरी तेरे हत्थ डोर,

जे बौड़ना तां बौड़, बौड़ झटपट ।

मेरी पत तेरे हत्थ

नायिका ललारी गी आखदी ऐ जे उसने ओढनू ओड़ियै ईश्वर रूपी कैतै दे घर जाना ऐ । इसै मूजब ओह शैल केसरी रंगै दा ओढनू रंगी देऐ तां जे ओह शृंगार करियै जाई सकै । सूफीयानी अंदाज च लिखी गेदी इस कविता दे बोल न —

ओढनू ओड़ी घर कैता दे जाना,

सौहरड़े घरा दी तयारी आ

ओढनू रंगी दे ललारिया ।

खोखले धार्मिक अडंबरें पर करारी चोट करदे होई व्यंग दे सुरें च कवि आखदा ऐ —

सुरग निं जान हुंदा पित्तल खड़काए दे

छैने छनकाए दे जां घड़ेयाल ठनकाए दे ।

जीवन दर्शन दी गल्ल कवि ने 'मौत' नांऽ दी कविता च कीती दी ऐ । जीवन केह ऐ? सार केह ऐ, इत्थै आइयै मानव केह करदा ऐ? जीवन च एह किश नेह सोआल न, जिंदे कन्नै गै जीवन गड़ड़ी रिढ़दी जंदी ऐ पर मौत एह नेई दिखदी जे इस मनुक्खे दी अजें इत्थै किन्नी लोड़ ऐ? ओह नां गै मनुक्खें च भेद करदी ऐ नां गै समां—कुसमां दिक्खदी ऐ? इसदे अगें कुसै दी पेश नेई चलदी । कविता दे बोल न —

बल—बलकारी, सब्भै हारे,

इयै मोई इक जिती ।

केई सड़ी गे बिच्च मढ़ियें,

ते केई रले बिच्च मिती ।

आद—कदीमी इस्सै चाल्ली
चलै दा ठे—मठेल्ला।
मौत नमानी केई घर गाले,
बक्त निं दिखदी बेल्ला।

परमानंद अलमस्त होर 31 मार्च 1978 ई. गी नाशवान शरीर छोड़ियै ते संसारी
जीवन—यात्रा पूरी करियै परलोक वासी होई गे। उ'नें अपनी कविताएं राहें बी जीवन दी नश्वरता
दा संदेश दिते दा ऐ।

संखेप च गलाया जाई सकदा ऐ जे उंदी कविता जीवन दे तत्थ ते तजरबें दी कविता
ऐ। इ'दी कविता दे इस गुणै मूजब गै इ'नेंगी डोगरी दा कबीर बी गलाया जंदा ऐ।

.....

M.A. DOGRI

Course No. DOG 203

Unit - II

Semester - II

ADHUNIK KAVITA

Lesson 7

प्र.1 कवि चरण सिंह हुंदे व्यक्तित्व ते कृतित्व पर विस्तृत लेख लिखो।

उ. — डोगरी साहित्य दे खेतरे च कवि चरण सिंह इक ऐसी शख्सीयत दा नां देहा ऐ जिसने अपने भाव—छुआले कन्नै डोगरी कविता दे बागै गी भांत—संभातड़े फुल्लें दी खशबोई कन्नै महकाया ऐ। इंदे व्यक्तिगत जीवन बड़ा संघर्षमय रेहा ऐ। कवि चरण सिंह हुंदा जन्म 22 अप्रैल सन् 1941 ई. गी जिला सांभा दे इक ग्रांड बगूने च ठाकुर भगवान सिंह हुंदे घर होआ। इंदे पिता होर रियासती फौजै च सूबेदार हे। एह अपने माता—पिता दी इक्कै—इक्क नरीना औलाद हे जिस मूजब एह अपने परिवार च समने दे लाडले हे। इनेंगी मुंढा थमां गै खास पढ़ने लिखने दा शौक हा। जिसदे फलसरूप इनें 15एं बरें दी लौहकी बरेसा च सन् 1956 ई. च गै दसमीं दा इम्तेहान शैल नंबरें कन्नै पास कीता हा। दसमीं दा इम्तेहान देइयै उनें प्रेमचंद, शरतचन्द्र ते ते रवीन्द्र नाथ ठाकुर दा मता सारा साहित्य बी पढ़ी लैता हा। अपने ग्रांड थमां दसमीं पास करियै चरण सिंह होर अपनी अगली शिक्षा हासल करने आस्तै जम्मू उठी आए। इंदी पैहली रचना साईस कालज दी पत्रिका 'तवी' च 1957 बरे च छपी ही। ग्रांड दे इस होनहार विद्यार्थी गी कालेज दा म्हाल रास नेई आया। जिसदे फलसरूप ओह कालेज च बाहरमीं दा इम्तेहान पास करने च नाकामयाब रेह ते फही सिलसिला शुरू होआ खज्जल खोआरियें दा जिसदा उंदे व्यक्तिगत जीवन पर खास प्रभाव पेआ। इस दौरान ओह डोगरी संस्था दे साधकें दे संपर्क च आए ते फही उनें अपने व्यक्तिगत बचारे, अनुभवं, हीखियें—आशाएं, नराशाएं गी कविताएं दी लड़ी च परोना शुरू दिता। जिसदा नतीजा एह निकलेआ जे इंदे कविता संग्रह 'जोत' मार्च 1964 च प्रकाशत होआ। एह कविता संग्रह उंदे जीवन च सच्चें गै इक जोत बनियै आया।

कवि ने 1966 बरे च फही प्राइवेट तौरा पर बाहरमी दी परीक्षा दिती ते पास बी करी लैती। मैट्रिक पास करने दे दस्से बरें बाद बाहरमीं दी परीक्षा पास करने तगर दे दस्से बरें दे अरसे च इनें अपने जीवन च काफी उतार—चढ़ाई दिक्खे। इस काल च जित्थै ओह अपने पिता दी नजरी च नालायक साबत होए उत्थै इस अवधि च गै उंदे अंदरै दा कवि बी जागेआ। जीवन संघर्ष ते जीवन दी सच्चाई बी समझा आई गई।

चरण सिंह होरें अपना व्यवसायिक जीवन ओरियंटल अकैडमी जम्मू च इक अध्यापक

दे तौरा पर रम्भ कीता ते फही बाद च जम्मू—कश्मीर कल्चरल अकैडमी दे डोगरी विभाग च बतौर असिस्टेंट अडीटर कम्म करदे रेह। इंदियें कविताएं च जीवन दे तलख तजरबे ते सच्चाई लभदी ऐ। इंदे निजि जीवन दा दुख—दर्द, आशा—निराशा ते व्यक्तिगत जीवन दे अनुभव न। इस संग्रह दी इयै खूबी इनेंगी इक अच्छे साहित्यकार दी कोटि च आहनी खडेरदी ऐ। जिस मूजब कवि गी अपने इस 'जोत' कविता संग्रह पर रियास्ती कल्चरल अकैडमी पाससेआ पुरस्कृत बी कीता गेदा ऐ। इंदी काव्य साधना दे नेकां रंग न जेहड़े उंदी अद्भुत काव्यकला दे सरोखड़ उदाहरण प्रस्तुत करदे न। 'जोत' संग्रह दी 'जोत' शीर्षक दी कविता च जीवन दे दोऐ रंग — आशा ते निराशा दा भाव सामंजस्य दिखने गी मिलदा ऐ। जिसदा उदाहरण प्रस्तुत ऐ —

कुसै अनजान झक्का नै मना दी मौज संगी दी,
बसंती बहार आई ऐ फही अजें किज इस ढंगै दी।

जां फही

खरै एह रुत जानें श फही पैहलें रंग दस्सी जा
तेरी हीखी दे बूटे पर खुशी दी लैहर बस्सी जा।

कवि दियें इनें कविताएं च जीवन दी घुटन ते दुख—दर्द चा बी जीवन दी हीखी झलकदी ऐ। 'बे—वजह दुआसी' नांइ दी कविता उसदे दुख—दर्द ते घुटन गी बाहर कड़ढदी ऐ। जीवन जीने दा हौसला बख्शादी ऐ।

'सोचां' नांइ दी कविता च इक्कलेपन दा एहसास झलकदा ऐ। जिसी कवि ने इनें शब्दें च कलमबद्ध कीते दा ऐ —

एह अद्धी रातीं दा बेल्ला
अम्बर तारें दा इक मेला
में घूरा नां खाल्ली नजरें
अशकै मेरा किश अनजाना
इस भीड़ा बिच्च गेआ गुआची।

'इक मुआखड़ — इक कंडियारी' नांइ दी कविता च निराशावादी द्रिष्टीकोण चा आशा दा सुर बांदै होंदा ऐ —

जदू समें दी चित्तर छाया

कुसै जोगना दे रुक्खे—जन केसें साई
बनी भुआखड़, धूड़ मधूड़ी
मेरी चिहाली उपपर छानी
दूर कुतै जां कोल जदू फही
तेरी चिहाली उपपर दग्गग
भुरसे—पीले, भुरे—भुरे दे
कंडे आली इक कंडियारी,
अस अज्जै साई तदू बी होंगे
इस दुनिया—शा दूर कुतै इक कल्लै थाहरै
बे सुध दोरे।

कवि दा गलाना ऐ जे एह दुनिया असेंगी भाएं नेई मिलन देऐ पर फही बी साढ़ा मिलन जरूर होग ओह् भाएं अगले जनम च गै की नेई होग।

कवि नराशा च आशा दी जेत जगांदा ऐ ते फही अपने मनै गी सहारा दिंदा ऐ जे एह दुनिया बशक्क असेंगी जींदे जी मिलन नेई देऐ पर फही बी एह जिंदगी बड़ी सौखी ऐ जेकर इरादे च पुख्तगी ऐ। इसै मूजब कवि जीने दी हीखी कन्नै आखदा ऐ —

अत्त सौखी ऐ जिंदगी एह्,
जे अरादे च पुख्तगी ऐ।।
कल्ल पूजग एह दुनिया मिक्की
अज्ज बे—शक्क एह निंददी ऐ।

जां फही कवि आखदा ऐ —

हर ठोकर—ठेड पर
झट्ट दुआलदी ऐ आस
एह आया मोड़

खीरी मोड़
जिसदे बाद
नां न्हेरा ऐ, नां न्हेरी ऐ,
नां झक्खड़, नां तुफान।

कवि दी कविता च केई थाहरें पर दार्शनिकता दे भावें दा बी चित्रण होए दा मिलदा ऐ।
जि'यां —

मिट्टी—मिट्टी च मिली जंदी ऐ
फिरी मिट्टी चा मिट्टी बनदी ऐ।

जां फही 'भुक्खा रूह' कविता च कवि आखदा ऐ —
एह अकली दा गोरख धन्दा,
लोऽ पैहलें जां न्हेरा।

अज्जै दे मनुक्खी संवेदना दे लुप्त होई जाने पर इक पारसै ओह परम्पराएं दे बंधन नभाने
च लगगे दा ऐ ते दूए पारसै समें कशा बी गोड्डी गैह बधाने दे चक्करें च फसे दे व्यक्ति बारै कवि
'ओड़क मुंह ते छड़ियां जीहभां' नाऽ कविता च आखदा ऐ —

सच्च पुच्छो तां
अस सब माहनु
आद—जुगै—शा चलदे—चलदे
आई पुज्जे आं अज्ज समें दी
उस रिढ़िया पर
जिस पर चढ़दे से'ई होआ दा
जे साढ़े चा हर इक दियां
दो—दो नेई,
चार—चार न लत्तां, बाहमां कन्न ते अक्खां

ते हर—इक दे दो—दो नक्क ते मुंह—जीभां ।

फही कवि इस्सै कविता च वर्गगत खाई गी मटाने आस्तै माह्नू अंदर इक नमीं चेतना
जगांदे होई आखदा ऐ —

आ, अस अपना जीवन सारा,

जिंद नमानी

जोर जुआनी

उस पीढ़ी दे अर्पण करचै

जिस पीढ़ी

जां जिस जुगै बिच

कोई बी माहनु भुक्खा—भाना,

दर—दर फिरदा,

इक रुट्टी—तै तरले पांदा कदें निं ल'बग ।

मनुक्ख जिसलै खुशहाल होदा ऐ तां हिरख—प्यार दा जज्बा बी ठाठां मारदा ऐ । कवि
आखदा ऐ —

एह चंचल शरमौकल तेरे नैना गोरी ,

मी दिक्खन शरमान, दना फही दिक्खन चोरी ।

इक अनबोली ओचन गुज्झी भाशा बोलन,

किश छपियालन भेत मना दा ते किश खोह्लन ।

‘सवेरै हर सवेरै’ कविता च कवि माता—पिता दियें कोमल भावनाएं गी उजागर करदा
ऐ जे ओह बच्चे दा लालन—पालन इस मूजब करदे न जे ओह उंदियें हीखियें पर पूरा उत्तरै ते
उसदे चमकदे सूरजै दी लाली चबक्खै बिखरै । इस्सै चाल्ली पत्नी बी नेकां सुखने संजोंदी ऐ पर
फही कवि आखदा ऐ जे इ’नें हिरखी बंधनै मूजब गै ओह असमर्थ ऐ । कविता दे बोल न —

बो कि’यां? केस चाल्ली?

की जे हीखिये—मेदें
ते तुं'दे लाड—हिरखै ने
पुआइयै बेड़ियां—बंधन
मिगी बंदी बनाइयै सुट्टी दित्ता ऐ
इ'नें तंग न्हेरी खुंदरें च
ते एह सूरज, चनन, तारे
चमकदे नेई कदे खुंदरें
इ'नेंगी लोड़ होंदी ऐ
हमेशा बांदी धरती दी।

कवि चरणसिंह दी कविताएं दा अध्ययन करने पर एह गलाया जाई सकदा ऐ जे उं'दियां कवितां जीवन च भोगे दे यथार्थ दा चित्र पेश करदियां न। ते मानवता गी झंकोरदियां ते इक नमीं प्रेरणा दिंदियां न।

.....

M.A. DOGRI

Course No. DOG 203

Unit - II

Semester - II

ADHUNIK KAVITA

Lesson 8

नोट – लौहके जवाब आहले सुआल

प्र.1 कवि बसंत राम 'बसंत' हुंदे व्यक्तित्व ते कृतित्व पर संक्षिप्त टिप्पणी करो।

जीवन परिचे

मुशायरें च बाह-बाही लुट्टने आहले परानी पीड़ी दे परम्परावादी डोगरी कवियें च 'बसंत राम बसंत' हुंदा टकोहदा नांऽ ऐ। बसंत राम 'बसंत' हुंदा जन्म 1901 च कंडोली नगराटा (जम्मू) दे कोल इक ग्रांऽ 'ढोक बजीरां' दे इक गरीब परिवार च होआ। इंदी स्कूली पढ़ाई-लखाई माएं नेई होई सकी पर कवि आहला इक भावुक मन ते दूरै दी सोच इंदे कोल जरूर ही। बसंत राम होर जन कवि न।

बसंत राम होरें सरकारी हस्पताल च बतौर खिदमतगार नौकरी कीती ते रटैर होने परैन्त 86 बरें दी उमरी तगर बी काव्य-रचना करदे रेह 'छड़ा', - खरा हा में ग्रांऽ ते 'बसंत' इंदियां मशहूर कविता न। एह सरल ते सादी भाशा च रची दियें अपनियें रचनाएं कन्नै मनोरंजन करदे हे। काव्य कला दी द्रिष्टी कन्नै किश त्रुटियां होंदे होई बी इंदी कविता च इक खानी ही।

रचना – हिरखी दीया (कविता संग्रह)

साहित्य सिरजना दा मूल्यंकन

हास्य-व्यंग इंदी कविता दी प्राण-शक्ति ऐ, इंदी पन्छान ऐ, इंदी कविता दी प्रवृत्ति ते प्रकृति ऐ। पर हास्य-व्यंग द्वारा जनता दा मनोरंजन करने दे इलावा एह अपनियें रचनाएं राहें लोकें गी कोई नां कोई सनेहा बी दिंदे चलदे न। हेठ लिखी दियां व्यंगात्मक सतरां समाज दी माली हालत ते गरीबी कन्नै संघर्ष करने आहले लोकें दा चित्रण बी बड़े मार्मिक ढंगै कन्नै करदियां न :

"अमीरें दी एह कहानी ऐ,

असें केह बसंत मनानी ऐ,

बसैत मनांदे अड़ेओ ओह,
 जिन्दै अंदर माया दी लोऽ,
 जिन्दै अन्दर दाने ते भोऽ
 असें रूट्टी बी मुश्कल खानी ऐ,
 असें केह बसैत मनानी ऐ॥”

कवि ने ‘बसैत’ नाऽ दी कविता दे ब्हानै खलके दर्जे दे लोकें दियें आर्थक तंगियें कन्नै भरोचे दे जीवन दा चित्रात्मक वर्णन कीते दा ऐ। इंदी कविता मनोरंजनात्मक ते संदेशबद्धक दौनें गुणें गी लेइयै चलदी ही । लयात्मकता जां संगीतात्मकता कन्नै भरपूर होने करी मुशायरें आस्तै बड़ी कामजाब ते प्रभाव पाने आहली साबत होंदी ही।

डोगरी काव्य—जगत दे प्रचार—प्रसार च इंदी कविता दा डोगरी साहित्य गी काफी जोगदान रेहा इंदी अपना जीवन कलमकुल्ला हा ते इक्कले जीवन च केह—केह दुख होंदे न इनेंगी पूरा—पूरा अनुभव हा। इससै करी इनें — छड़ा नाऽ दी कविता च इक छड़े दा अनुभव भरोचा जीवन किस किस दा होंदा ऐ, ओह इक्कले जीवन गी कि’यां मसूस करदा ऐ, उसदा खूबसूरत चित्रण हेठ लिखी दियें हास्य—व्यंगात्मक पंगतियें च इस चाल्ली कीते दा ऐ —

“नां नूहां पुत्तर गिल्लू ऐ,
 नां डंगर बच्छा छिल्लू ऐ।
 नां कुक्कड़ तोता बिल्लू ऐ॥
 तां रौंहदा मन ऐ चढ़े दा,
 केह जीन बचारे छड़े दा।”
 नां धूफा दी नां जोती दी,
 नां चुल्ल कुसै ने सोती दी,
 पानी बी सुक्के दा घड़े दा॥
 जे अक्ख कुत्तै भरमोई जंदी

जां दाली दी कड़छी थोई जंदी

तां सारे दी नजरी चढ़े दा।

केह जीना बचारे छड़े दा।।”

उप्पर लिखी दियें पंगतियें च दुखदायक ते अभाव भरोचा छड़े दे जीवन दा सजीव चित्रण ऐ। पढ़े-लिखे दे नेई होने करी एह अपनी भाशा च कलात्मकता नेई आहनी सके ते फलस्वरूप भाशा च सादगी झलकदी ऐ पर लैऽ ते ताल दी द्रिस्टी कन्नै कविता मुहां बोलदियां सेही होंदियां न।

प्र.2 श्री शम्भुनाथ शर्मा ते डोगरी कविता-साहित्य गी उंदा जोगदान

जीवन परिचे

पंडत शम्भु नाथ शर्मा हुंदा जनम सन् 1905 ई. च० जम्मू दे कश पलौड़ा गांऽ च होआ। एह कवि हरदत शास्त्री हुंदे चचेरे भ्राऽ हे। इन्दे पिता दा नांऽ पंडत गंगाराम हा। शम्भुनाथ शर्मा होरें अपनी शुरूआती शिक्षा सूबा कश्मीर च असकदू थाहर पर हासल कीती ते बाहरमीं प्रिन्स आफ बेल्ज कालज थमां। किश चिर पुलस दे मैहकमें च नौकरी करने परैन्त पंडत शम्भुनाथ शर्मा महाराजा हरि सिंह ते डॉ. कर्ण सिंह हुंदे निजी मैहकमे च हेडक्लर्क रेह। बाद च पही कुसै प्राइवेट फर्म च अकौंटेंट दा कम्म बी कीता।

शर्मा होरें 1950 ई. दे दहाके च लिखना शुरू कीता हा ते इंदी पैहली कविता ‘विधवा’ सिरलेख दी ही जेहड़ी 1955 ई. च रची ही। अपनी साहित्य-साधना दे थोहड़े चिरा मगरा गै शर्मा होरें डोगरी कविता जगत च अपना थाहर बनाई लैता। ‘फुलां दा कुर्ता’, ‘विधवा’ ते ‘क्लर्क’ कवितां डोगरी कविता-जगत दियां शाहकार रचनां न। इंदी कविता च संबेदना ते कल्पना एह दो गुण बड़े टकोहदे न। इयै वजह ऐ जे इंदी कविताएं च मार्मिकता दा गुण बी बड़ा सकखर ऐ जिसदे कारण इंदी कविता पाठकें ते श्रोताएं उप्पर जादूनुमां असर रखदी ऐ। 3 जून 1977 ई. गी पंडत हुंदा सुर्गवास होई गेआ।

रचनां

1. भड़ास (कविता संग्रह)
2. रामायण (महाकाव्य)
3. मगधूलि (डोगरी कवियों दे जीवन ते उंदी कविताएं दा सम्पादन)

कवि शम्भुनाथ शर्मा हुंदे काव्य-साहित्य दा मूल्यांकन

‘भड़ास’ नां दे कविता संग्रह च ‘बदली’, ‘आयु ऐ थोहड़ी ते कम्म बथेरे’, ‘चेता’, ‘बसन्त’, ‘युग बदलोंदा जा करदा’, ‘फूलां दा कुरता’, ‘विधवा’ आदि कवितां भाव ते शिल्प दोनों द्रिष्टियें कन्नै बड़ियां सुन्दर ते सरोखड़ न। ‘विधवा’ नां दे कविता च इक विधवा दी वेदन भरोची कथा वर्णनात्मक शैली च चित्रित ऐ। एह विधवा जग-संसार दी जातनाएं करी अपने पति दी मृत्यु दे बाद ओहदे कन्नै सती होई जंदी ऐ।

“छोड़िये इ’नेगी मैं नेइयूं जाना।

सौरियें दा कुन्न झल्लना ताहना।।

रंडा गी संझा गी रक्खो जां कड्डो।

खसमा गी खानी गी मारो जां बड्डो।।”

इ’यां गै क्लर्क कविता बी इक उत्कृष्ट रचना ऐ जिस च समाजी निजाम उपपर सूखम व्यंग ते कटाक्ष बी लभदा ऐ।

“हाकमै दे अगें जंदे सौ बारी संघना

आदरै दे चूचे आंगू पुल्ले-पुल्ले लंघना

हां जी हां करी जाना, कन्नै हत्थ मलदे जाना

झक्की-झक्की कम्म काज पुच्छना ते मंगना

कुढ़ी-कुढ़ी सुढ़ी जीना जीना बड्डी तरक ऐ

इ’यै नेहा जीन जीन्दा तां गै क्लर्क ऐ।”

शम्भुनाथ शर्मा हुंदी कविता च मुख्त तौरा पर गरीब ते दलित वर्ग दे लोकें आस्तै हमदर्दी दा रौ झलकदा ऐ इससै करी कुतै-कुतै सरमायादारी दे खलाफ बरोधी सुर ते त्रिक्षे व्यंग बी लभदे न।

“केहड़े न पंच कमेटी आले, केहड़ै अर्थ बनाई

रुम्बलुऐ दे डोड्डें उपपर लाली गई दी आई।

इक जनां इक पूंद जगा, कोला भरदे दो हाम्मी,

त्रैइयै मिलए झूठी—सच्ची लैन्दे तोड़ चढ़ाई।

बाकी दे करलान्दे रौहदे गल्ल निं सुनदा कोई।”

इन्दी भाशा च सादगी आपमुहारा प्रभाव, अलंकारें दा सुन्दर प्रयोग ते सरल शैली दे गुणा बड़े टकोह्दे न। इ’नें गुणें दे इलावा कविता च संगीतात्मकता दा गुण बी खासा ऐ।

डोगरी कविताएं दे इलावा पं. शमभुनाथ शर्मा होरें ‘रामायण’ नांऽ दे महाकाव्य दी बी रचना कीती जेहड़ा डोगरी दे महाकाव्यें च पैहली रचना ऐ। एह महाकाव्य सन् 1961 ई. च प्रकाशत होआ। भगवान राम दे ब्याह सरबंधी रीति—रवाज जि’यां ब्याह, जान्नी, सिठनियां, देह्लां बगैरा सब किश डुंगर दे रीति—रवाजें दी झलक पेश करदा ऐ। बन—सबन्ने अलंकारें दे सुन्दर प्रयोग ते भाशा पर पूर्ण अधिकार कारण एह आम प्रचलत कथ्य बी बड़ा उत्कृष्ट ते रोचक बनी गेदा ऐ। उत्प्रेक्षा अलंकारें दे किश उदाहरण —

“उन्दे सूहे चरणें पर छाल्ले इ’यां चमकन

जि’यां कमल दलें पर बूदां मोती बनयै दमकन

लाशां उप्पर लाश पवै ते लहु निकलै इस चाल्ली

फाड़ी सूए चा बगदियां जि’यां नीर भरै दे नालीं।”

किश चेचियें घटनाएं दे वर्णन इन्ने सुदृढ़ न जे अक्खीं सामने सामधाम चित्तर प्रस्तुत होई उठदे न। खासकरी महाराज दशरथ हुंदे खीरी समें दा वर्णन बड़ा सजीव होई उठे दा ऐ —

“प्राण कण्ठे आए राजे दे अंग पेई गे ढिल्ले

ढौन लगा ज्यूड़े दा तम्बू पुट्टन होई गे किल्ले।”

प्र.3 श्री वेदपाल दीप ते डोगरी कविता—साहित्य गी उंदा जोगदान

जीवन परिचे

वेदपाल दीप दा जन्म सन् 1929 ई. च जम्मू दे धर्मट्ट परिवार च होआ। इ’नेंगी हिन्दी, उर्दू ते अंग्रेजी त्रौनें भाशाएं च म्हारत ही। साहित्य—सिरजना आहले पारसै इ’नेंगी विद्यार्थी जीवन च गै शौक जागी पेआ हा। अपनी कालेज दी पढ़ाई दे दरान इ’नें हिन्दी च काफी अच्छियां कवितां लिखियां ते कालेज दी पत्रिका दे डोगरी सैक्शन दे सम्पादक बी रेह। इ’दी ‘शल्या’ नांऽ दी कविता बड़ी मशहूर कविता ही। इस च इक अच्छी कविता दे सबै गुण मजूद

हे। इसदे इलावा 'दो सैनिक' नां: दा इक लौहका जनेहा कविता—संग्रैह बी प्रकाशत होआ जिस च राजनैतिक बचार ते क्रान्तिकारी भावना बड़ी प्रबल ही।

वेदपाल दीप जम्मू दी दैनिक अखबार 'कश्मीर टाईम्स' च सेवारत रेह ते उ'नें अंग्रेजी दे इलावा हिंदी ते डोगरी कम्में च बी खासा जोगदान दिता। डोगरी दा एह सरोखड़ कवि ते गजलगोह शायर मुख्तसर बमारी दे बाद 4 फरवरी 1995 गी अपनी संसारी यात्रा संपूरी करियै परलोक सधारी गोआ।

रचनां

1. 'अस ते आं बनजारे लोक' गजल संग्रैह (1967)

ते खासियां कवितां जेहडियां बक्ख-बक्ख संकलनें च संकलत न। किश कवितां जम्मू कश्मीर कल्चरल अककादमी ने बी छापी दियां न।

कवि वेदपाल दीप हुंदे काव्य—साहित्य दा मूल्यांकन

डोगरी च दीप होरें 1948 ब'रे च लिखना रम्भ कीता ते उन्दी पैहली कविता डोगरे लोकें दे सभाऽ—सुआत्म ते उन्दे उत्तम किरदार बारे ही, जिसदे बोल न —

“डोगरे लोकें दी गल्ल केह आक्खनी,

रौहदे बनाइयै सारें कन्नै।

रस्ते च इन्दे भाएं कण्डे खलारो,

मिलदे न फुल्लें दे हारें कन्नै।”

1948 च गै राष्ट्रपिता महात्मा गांधी हुन्दी हत्या पर दीप ने 'बापू दे संघी कपूत' नांऽ दी इक लम्मी कविता डोगरी भाशा च लिखी। इस लम्मी कविता कन्नै गै दीप ने डोगरी काव्य—सिरजना दा सिलसलेवार सफर शुरू करी दिता। 'नमीं अजादिये', 'बदली गई दुनिया जां बदली गई अक्ख', 'बदली नै सिज्जी दी सं'अ', 'कल हा में कल्ला मेरे साथी निं गनोने अज्ज', 'मैखाने' आदि सुन्दर ते भाव—भरोचियां कविता लिखियां। डोगरी साहित्य च दीप दी मुख्ख पन्छान इक गजल—गो—शायर दे रूपा च भामें मती ऐ ते उसी 'डोगरी गजल दा बादशाह करी जानेआ जंदा ऐ पर पही बी दीप ने जेहडियां कवितां लिखियां उन्दे च बी भावें दी सरोखड़ बुनतर, अनुभूति दी शिद्धत ते भाशा दे अनोखे प्रभाव जनेहियां खूबियां उसी इक सोहगे—स्याने कवि दा स्थान दोआदियां न।

आखने गी उ'आं दीप गी बुनियादी तौर पर सियासी—चेतना दा कवि करी जानेआ जंदा

ऐ पर उसदी कविता च रोज—बरोज जीवन दियां समस्यां, जीवन दी सरसी—नर्म ते होर नेकां चाल्ली दे भाव मुखरत होंदे न। 'मैखाने' कविता साढ़ी समाजी व्यवस्था पर बड़ा बड़ा व्यंग ऐ जे उ'ऐ शराब जेकर होटले च बाररूमें च पीन्दे न तां उ'दे पर कोई औंगली नेई चुकदा सगुआं बड़ी शान समझी जंदी ऐ पर उ'यै शराब कोई गरीब—गुरबा कुतै भज्जे—त्रुटे दे कोठू च पीयै तां जुर्म समझेआ जंदा ऐ।

'मैखाने' कवता भ्रष्टाचार ते पूंजीवादी अर्थव्यवस्था उपपर बी इक करारी चोट ऐ।

“कलब आखदे इसगी
इत्थै अनबनियें पुलियें, अमारतें दा चूना
दाऽ पर लगदा ऐ
कारें दियां त्रेरियां रींगां,
करन परेड़ खुशहाली दी
लगगी दी चरज नमैशा जोजनां पंजसाल्ली दी।”

वर्ग—संघर्ष दी गल्ल करदे होई कवि आखदा ऐ —

“फर्को—फर्की दी इस दुनियां च
बक्खो—बक्खरे मैं खाने न
जाम—जाम कन्नै टकराइयै
पियक्कड़ बचकाने न।
सुआद तदूं पीने दा जारो
जिस दिन मैखाने टकराइन।

कवि वेदपाल दीप दी बुनियादी सोच समतावादी रूझान दी सोच ऐ ते ओहदा सुर म्हेशां पूंजीपतियें दे खलाफ ते मेहनतकश मजूरें दे हक्का च रेहा ऐ। 'होली' कविता च दीप दा नजरिया समतावादी ऐ। कीजे ओह होली गी गलांदा ऐ तूं नेह रंगा च सभनें गी रंगी दे जे चिट्टे क्या ते मैले क्या सभै इक्कै जनेह लभन ते चंगे—माड़े दा गरीब—मीर दा ते चिट्टे—मैले दा फर्क—भेद मिटी जा।

“होलिये आ, होलिये आ।

कुसै दे टल्ले न चिट्टे ते शैल,

कुसै दी चादरा उपपर ऐ मैल,

छाई जा खुशी ते र'वै निं शोक,

इक्कै नेह लभन सारे एह लोक।”

‘नमी अजादिये’ कविता च कवि अजादी गी गरीबें दे झोंपड़ें च औने लेई आखदा ऐ —

“उच्चियें माड़ियें मैहलें गी छोड़ी,

भुजां, पर विशे दे खेतरें ढल।

सुन्ने नै जड़े दे देवतें ई छोड़ी,

मिट्टी नै सनें दे लोकें नै रल।

मैहलें च राती बी सूरज गै चमकै

तूं कच्चे कोठें दे दिये च बल।”

आमतौरा पर कवि वेदपाल दीप आशावादी ते क्रान्तिकारी सोच दा कवि ऐ। ओहदिये अमूमन कविताएं च प्रगतिवादी विचारधारा लभदी ऐ —

“अज्ज साढ़े पैरें कन्नै मिसी काहर भागें आहली,

कोहलुआ दे दान्दा आंगर करगे निं कारियां।

नित-नित बदला दे समें आहले फंघ लाइयै,

भरगे अजादिये दे बनें च डोआरियां।”

कला दी दृष्टी कन्नै बी वेदपाल दी कविता बड़ी सुन्दर ते सरोखड़ ऐ। अलंकारें दे सुंदर प्रयोग जिन्दे च अनुप्रास दे शब्द-चित्र ते उपमाएं ते रूपकें दे गुहाड़ कविता दे शलैपे च नखार आहनदे न।

‘बदला ने सिज्जी दी स'जां’ कविता च प्रकृति-चित्रण दा सुन्दर वर्णन इनें पंगतियें च दिक्खेआ जाई सकदा ऐ —

“संज लगी होली राती दी गोदा च सौन
 होली जि'यां, पैर गासा दे भुजां नै छहोन
 न्हैरे तलाऽ च रुखे दे छैरे बसोन
 धारें जि'यां कुदै बदली करा दी ऐ छां।”

प्र.4 कवि दीनू भाई पंत ते डोगरी कविता गी उंदा योगदान

आधुनिक डोगरी कविता गी नमां, प्रगतिवादी मोड़ देने आहले दीनू भाई पंत डुगगर दे लोकप्रिय कवि मन्ने जंदे न। इन्दा जन्म 11 मई 1917 ई. गी उधमपुर ज़िले दे पैथल ग्रांऽ च होआ। अपने जीवन दे मुंढले ब'रे इ'ने तंगी-तुर्शी ते कौड़े कसैले अनुभवें दी छत्तरछाया च कट्टे। तीसरी जमाता तगर दी पढ़ाई अपने ग्रांऽ च गै कीती फही अगली पढ़ाई आस्तै रियासी भैनु कश उठी गे। इ'दी चौहदें ब'रें दी बरेसू च इ'दी माता दा काल होई गेआ ते रियासी दा पढ़ाई छोड़िये घर वापस औना पेआ ते घरेलू जिम्मेदारियें गी सांभना पेआ। फही खासे चिरै बाद इ'ने संस्कृत च प्राज्ञ दी परीक्षा पास कीती ते 1939 च हिन्दी भूषण ते 1941 च प्रभाकर दियां परीक्षां बी पास करी लेइयां।

एह साम्यवादी विचारधारा दे व्यक्ति हे इसकरी इन्दे अन्दर हक-हकूक ते अजादी गी हासल करने दी विचारधारा बड़ी मुखरत रेही। 1942-43 च हिन्दी साहित्य मंडल दी स्थापना ते 1944 च डोगरी संस्था दी स्थापना सरबन्धी गतिविधियें च इ'ने बधी चढ़ियै हिस्सा लैता ते राश्ट्री भाशा दे कन्नै-कन्नै मातृभाशा दे गौरव गी बी पन्छानेआ। शुरू-शुरू च हिन्दी कविता गी बी बड़ा जोगदान दित्ता। 'युग चला', 'कौन तुम', 'शहीद की अर्थी' बगैरा इन्दियां प्रसिद्ध हिन्दी कवितां न।

इंदे जीवन दा रोजगारी पक्ख बड़ा संघर्षपूर्ण रेहा। शुरू-शुरू च टेवे-टीपां बखाने, ट्यूशनां पढ़ाने, प्राइवेट स्कूलें च नौकरी, सम्पादन दे लौहके-मुट्टे कम्म। रेडियो स्टेशन जम्मू च सक्रिप्टराइटर बगैरा दी नौकरी करनी पेई ते फही पक्के तौरा पर “परतियै बसाओ” मैहकमे च मलाजमत मिली। अपनी दयानतदारी ते कर्मठता दे गै फलसरूप एह डिप्टी प्राविंशियल ऑफिसर बने पर इत्थूं दा स्टैर होने परैन्त इ'दी सेहत दिल्ली जन रौहन लगी। दिलै दा दौरा पौने करी 23 मार्च 1992 ई. गी इ'दी मौत होई गई।

रचनां

डोगरी च दीनू भाई पंत होरें कविता, नाटक ते अनुवाद दे खेतरा च अपना नुमायां जोगदान दिते दा ऐ। इ'दी रचनाएं दा ब्यौरा इस चाल्ली ऐ —

1. गुत्तलू (कविता-संग्रह)
2. मंगू दी छबील (लम्मी-कविता)
3. वीर गुलाब (खंड-काव्य)
4. दादी ते मा (कविता संग्रह)
5. नमां ग्रांड (नाटक – रामनाथ शास्त्री ते रामकुमार अबरोल हुंदे कन्नै सांझे तौरा पर लिखेआ)
6. सरपंच (नाटक – कल्यारल अकैडमी जम्मू थमां पुरस्कृत)
7. अयोध्या (नाटक – साहित्य अकादमी नमीं दिल्ली थमां पुरस्कृत)
8. प्रतिभा (भास दे संस्कृत नाटक दा डोगरी अनुवाद)
9. मधुकण (काव्य पोथी दा सम्पादन)

दीनू भाई पन्त हुंदे कविता-साहित्य दा मूल्यांकन

पन्त हुंदी कविता च क्रान्तिकारी भावें दा सुर बड़ा प्रमुख रेहा ऐ। गुत्तलू नांऽ दी पोथी च प्रकाशत 'गुलामी दा जीना', 'जाग कसाना' आदि कविताएं च लोकें गी गुलामी, बेखबरी, शोशन ते अत्याचारें शा मुक्त कराने ते अपने हक्क-ल्हाल दा फल हासल करने आस्तै संघर्ष करने आस्तै प्रेरदियां नेई सगुआं ना – बरोबरी ते बेन्याई ते खलाफ बगावत करने लेई उत्तेजित बी करदियां न। इस कविता दे बोल न –

“उट्ट मजूरा जाग कसाना।

तेरा बेल्ला आया ओ।

एह परमेसर छड़ा डरावा

ठगें जाल बछाया ओ

तेरे खून-पसीने कन्नै, र्हामी ऐश मनांदे ओ।

अल्ला मियां भला करेगा, तैकी भुट्ट बनांदे ओ।

सुरग नरक दे सुखने दस्सी तेरा मन परचाया ओ।

उट्ट मजूरा जाग करसाना तेरा बेला आया ओ।”

‘गुत्तलू’ नां दे संग्रह च प्रकाशत ‘शैहर पैहलो—पैहल गे’ कविता इन्नी लोकप्रिय होई जे सपूरे डुग्गर च बच्चे—बच्चे दी जीह्वा पर चढ़ी गई। इस कविता दी सादगी गै इसदा सारें सा बड़ा गुण ऐ। दौं ग्राईं गभरु दे शैहरी चकाचौंध च भरमाई जाने दा वर्णन सरल, सादी ते आम मुहावरें—खुआनें आहली भाशा च कीते दा ऐ। उपरा दा आखने दा अंदाज बड़ा भोला—भाला पर व्यंगपूर्ण ऐ —

“इक जंगलै दे बाहर, हत्थ लैती दी अखबार
ओहदे ओठ लाल—लाल, कन्नै घुंघरेआले बाल
तम्बा सूसिया दा लाया, उंऐ नेहा कोट फसाया
नेई मुच्छ, नेई दाढ़ी, लम्बै साहबै दी गै लाड़ी
तेजां बनेआ बड़ा मलाम, करदा ‘मीम साहब सलाम’
ओह हा जली मोआ दा नेहा, सिद्धा खां—खां करदा पेआ
डैमफूल कन्नै बदकार, गालीं कट्टे जहार—जहार
पुड़—पुड़ बोल्लै छड़ी डरेजी, खबरै होर केह—केह
शैहर पैहलो—पैहल गे।”

‘चाचे दूनी चंदै दा ब्याह’ कविता बेमेल ब्याह दी समाजी कुरीत दा बरोध करने आहली कविता ते नेह बुढखरें उपर व्यंग ऐ जिं दे मुहें च दन्द नेई, सिरै पर बाल नेई, अक्खीं लभदा नेई, शरीर ठुल्ले दा हड्डियें दा पिंजर ते उपरा ब्याह दा चाऽ।

किश पंगतियें च इसदी बुनतर दिक्खो —

“रूपां ने राजां गी दिती ऐ ठेह
धी ब्याहने गी आया ई एह।
फिट्टे—मूंह इस मोए बुढखरे चौहरे दा,
मूंह दिक्खो जिंयां बटुआ दर्होड़े दा।

इस संग्रह दी ‘लूंड लीडर’ कविता बी व्यंगात्मक कविता ऐ जिस च पंत होरें सियासी नेताएं पर त्रिक्खा व्यंग कीते दा ऐ।

पुच्छो हां सुघांद देई पढ़ेआ कुरान कुसै?
 हिन्दुएं गी पुच्छी दिक्खो भाखे न पुरान कुसै?
 गप्पें दे पटार छड़े, लीडरी बनाई कि'यां,
 साढ़े थुहाड़े घरें बिच्च जन्नी बट्टे मारी-मारी
 इ'नें लुंडें लीडरें बगाड़ी दिती गल्ल सारी —

'मंगू दी छबील' नांS दी लम्मी कविता 124एं बन्धें दी कविता ऐ। इस च पन्त होरें शाहें
 ते सामियें दे रूपा च सरमायादारें ते दलित गरीबें बश्कार जीवन—मुल्लें दी झूहगी खाई गी
 गुहाड़े दा ऐ —

“शुनकू शाह सा बड़ार कसाई।
 सामियें दे चम्म दर्हाड़दा जाई।
 भुक्खे मरो भामें करो मजूरी।
 सूदै वाली रकम लोड़दी पूरी।”
 “सूदै दा सूद ते ब्याजै दा ब्याज।
 असलै द असल ते नाजै च नाज।
 गल्लें दे फेर कनूनी लपेटे।
 रोजै दे लेखें ते रोज भलेखे।”

दीनू भाई पंत होरें इक खण्डकाव्य दी रचना बी कीती दी ऐ जिसदा सिरलेख
 'वीरगुलाब' ऐ। खण्डकाव्य दे नियमें मताबक एह रचना इक उत्कृ ट रचना ऐ, जिस च सिक्खें
 ते डोगरें मझाटे लड़ाई दी इक्कै घटना दा विस्तार च वर्णन होए दा ऐ। एह 1809 ई. दी घटना
 ऐ जिसलै गुलाबसिंह दी उमर 15 ब'रे ही। इस खण्डकाव्य च गुलाबसिंह दी ब्हादरी ते डोगरें
 दी सुलझी दी युद्धनीति ते युद्ध कला—कौशल सरबंधी गौरव—गाथा गी भावें दे तीव्र प्रवाह ते
 बनकदी—फबदी भाशा च गुहाड़े दा ऐ —

“डोगरे देसै दा वीर अभिमन्यु,
 दुश्मन दे सीस खेढ़दा खि'नु।

जिस पासै धूँड़ मारदा जंदा,
बैरियें दे सूढ़ तुआरदा जंदा।
वीर—गुलाब दी बक्खरी टोली,
प्रलय दे दूत खेढ़दे होली”

इक्कै घटना पर आधारत होने दे कन्नै—कन्ने इस खण्डकाव्य च इक्कै रस दी प्रधानता
ऐ ते ओह ऐ वीर रस।

“मारो—मारो ललकार सनोचै।
गड़िंजा—गड़िंजा गड़ गजदा मारु,
युद्धै दे तीर तुफानें दे तारु
डोगरे शेर मदानें दे चाढ़ू,
सवै—सवै पर इक्कला भारु।”

‘दादी ते मां’ नाँइ दे कविता संग्रह च प्रकाशत रचनाएं च बी पंत होरें जन—साधारण
दियें समस्याएं गी जनसाधारण दी भाशा च चित्रत करियै समाज च प्रगतिवादी परिवर्तन
आहनने दी लोड़ मसूस कीती दी ऐ। ‘कम्म करा ते रुट्टी दे’ कविता च बी इयै जनेही विचारध
ारा प्रगट कीती दी ऐ।

“तुंदी गै मेदा जरनेआ अज्ज बी तुंदे दम भरनेआं।
जित्थें दस्सो टुरी चलनेआं जेहड़ा आखो कम्म करनेआं।
छड़ा जीबे दा हक्क मंगनेआं झगड़ा नेई बाफर—खुल्ली दा।
सम्यान करी दे बिन्द सारा कुल्ली, जुल्ली ते चुल्ली दा।
लेखा टबरै दा लाई लै तूं भाएं रुक्खी सुकमसुककी दे।
तूं कम्म करा ते रुट्टी दे।”

इस्सै संग्रह दी कविता ‘दादी ते मां’ मातृभाशा ते राष्ट्री भाशा गी आपो—अपना थाहर
ते सम्मान प्रदान करने आहली कविता ऐ जिस च हिन्दी गी दादी ते डोगरी गी माऊ दा दर्जा
देइयै आपसी सरबंधें दी डोगरी च परोए दा ऐ —

“हिन्दी ते डोगरी दा झगड़ा गै कैहदा?

दादी ते माऊ दा मकाबला गै कैहदा?

हिन्दी साढ़ी दादी ऐ ते डोगरी साढ़ी मां

दादी थाहर दादी ऐ ते माऊ थाहर मां।”

इ’नें च’ऊं कविता संग्रहें दे इलावा पन्त हुन्दियां किश कवितां ‘शीराजा डोगरी’, ‘नमी चेतना’, प्रातकिरण, आजादी पैहले दी डोगरी कविता आदि पत्रिकाएं ते पुस्तकें च छपी दियां न। इस चाल्ली इक कवि दे रूप च दीनू भाई पंत डुग्गर दे सच्चे जनकवि न जि’नें जनसाधारण दी गल्ल जनसाधारण दी भाशा च आखियै डोगरी कविता गी जन—जन तगर पजाया।

.....

M.A. DOGRI

Course No. DOG 203

Unit - III

Semester - II

ADHUNIK KAVITA

Lesson 9

प्र.1 'चेतें दा भार' कविता गी अपने शब्दें च लिखो।

'चेतें दा भार' नांऽ दी कविता दे कवि 'रामनाथ शास्त्री' होर न। इस कविता च कवि नै इक-इक करियै बिछड़ने आहले अपने साथियें दे सच्चे-सुच्चे चेतें गी बड़े चित्त छूहने ढंगै कन्नै सांभने दा जत्न कीते दा ए। कवि गलांदा ऐ जे डोगरी साहित्य दी क्यारी च रंग-बरंगे फुल्लें दी पनीरी लाने आहले उसदे साथी लखारी उसदी झोली च चेतें दी सगात पाइयै, उस थमां अज्ज बड़ी दूर चली गेदे न। इ'न्ने दूर जित्थूं ओह कदें परती नेई आई सकदे। कवि अतीत दे झरोखे च झांकदे होई गलांदा ऐ जे कदें ओह बी दिन हे जदूं असें सारें किट्ठे रलियै इस बत्ता पर पैर बधाए हे। डुगगर ते डोगरी दे उज्जवल भविष्य दे सुखने सजाए हे। बो समें दा अजगर इक-इक करियै सभनें गी निंघलदा गेआ। ते अज्ज ओह भलेआं कल्ल-म-कल्ला होई गेदा ऐ। समाज गी अंधविश्वासें दे घेरे चा बाहर कडिदियै प्रगति दी बत्ता पर पाने आहले ते लोकें च अपने हक्क-हकूकें लेई उद्धम-हौसला ते क्रांती दा सुर भरने आहले उसदे हमराह मंजल थमां पैहले गै उसदा साथ छोड़ी गे न। ओह इक्कला इ'दे चेतें दा भार चुक्कियै सजोए दे सुखने गी कि'यां साकार करग। अर्थात् ओह अपने साथियें दा मंदा बुझदे होई अपने आपै गी खा'ल्ली-खा'ल्ली मसूस करदा ऐ। ओह सोचदा ऐ जे मौती दा झक्खड़ उ'दे सने उसी बी डुआरी लेई जंदा तां खरा हा। तां जे उसी अज्ज इस चाल्ली दा जीवन ते नेई जीना पौंदा। कवि अपने साथियें कन्नै बिताए दे हर इक पल ते उ'दे हिरख भरोचे निग्घे रिशतें दे एहसास गी वेदन भरोची गलानी च सांझा करदे होई आखदा ऐ जे बेशक्क अज्ज कोई मेरे कोल नेई पर फुल्लें दी खशबू आंगर उ'दे प्यार ते डोगरी भाशा प्रति उ'दी लगन दा नरोआ एहसास मेरे च सदा जीवत रौहग। उ'नें दिलदार ते शीतल सूरतें गी में कदें नेई बिस्सरी सकड।

प्र.2 'राजे थमां रंक' कविता गी अपने शब्दें च लिखो।

इस कविता दे कवि 'दर्शन 'दर्शी' होर न। इस कविता च कवि नै समाज च पनपा करदे खोखले विकासवाद ते झूठी रीसो-रीसी पर करारी चोट कीती दी ऐ। कवि दा गलाना ऐ जे

माहनू गी अपने थोड़े च बी संदोख बुझना ते गजारा करना चाहिदा ऐ। उस च गै उसी चैन ते सकून प्राप्त होई सकदा ऐ। कुसै दे पक्के दिक्खियै अपने कच्चे ढाहने कन्नै म्हेसं खज्जल—खोआरी गै होदी ऐ। झूठी रीस मनै च सदा बे—संदोखी दा भाव गै पैदा करदी ऐ। ते दिक्खो—दिक्खी दा जीवन जीने आह्ला सारी उमर भटकदा रौहदा ऐ। उस कोल सब किश होंदे होई बी किश नेई होंदा। अर्थात् अपनी समर्था मताबक जीवन गी जीने आहले खुश ते सुखी रौहदे न ते अपनी चादरै शा बद्ध पैर पसारने आहलें गी अपना सब किश मुआइयै राजे थमां रंक बनने च समें नेई लगदा।

प्र.3 'मेरे चेहरे दियां झुरड़ियां' कविता गी अपने शब्दें च लिखो।

'मेरे चेहरे दियां झुरड़ियां' कविता दे कवि 'वेद राही' होर न। इ'यां ते झुरड़ियां नांऽ सुनदे गै कुसै चुरसे दे मूहां दा ख्याल आई जंदा ऐ। पर इस कविता च झुरड़ियां प्रतीक न समें दे कन्नै—कन्नै जिंदगी च औने आहले बदलाव ते उतार—चढ़ाऽ दियां। गुजरदा वक्त केई खट्ट—मिट्टे तजरबें दियां ऐसियां लीकरां माहनू दे जीवन च खिच्ची जंदा जे उसदा एहसास खीरी साहें तोड़ी रौहदा ऐ। बस इ'यै रंग—बरंगे एहसास जां भुले—बिस्सरे चेतें गै झूरियें दे रूपै च उसदे चेहरे पर बंदोदे जंदे न। कुतै हिखियें—लालसाएं दियां लकीरां बनियै ते कुतै हिरखी बजोगे दियां झरीटां बनियै। ते केई बारी जीवन दे केई अनभाखे ते अनबुझे अनुभव बी कुसै बूहटै दी जड़ें साहीं इ'नें झूरियें दा रूप धारी लैंदे न। कुतै एह झुरड़ियां निग्घे हिरखै दा एहसास करादियां न ते कुतै इक्कलेपनै दा।

प्र.4 'नसल इ'यां बचदी ऐ' कविता गी अपने शब्दें च लिखो।

इस कविता दे कवि 'ज्ञानेश्वर' होर न। एह इक प्रतीकात्मक कविता ऐ। इस कविता च कवि नै चिड़ियें ते बाजें गी प्रतीक बनाइयै आम भलोके लोकें गी बड़े शैल तरीकें नै जागृत करने दी कौशश कीती दी ऐ। कवि दा गलाना ऐ जे हर माहनू गी इस समाज च शैल जीवन जीने दा हक्क ऐ। ते इस हक्क गी खुसने आहले लोकें कन्नै मकाबला करना लोड़चदा ऐ। जि'यां चिड़ियां बाजें शा अपने घर परिवार ते बच्चें गी बचाने आस्तै केई तरकीबां बनादियां न, उ'आं गै माहनू गी बी पूंजीपति शोशकें थमां छुटकारा पाने लेई ते अपनी सभ्यता संस्कृति गी बचाई रखने लेई हर मुमकन कौशश करनी चाहिदी ऐ। तां जे औने आहली पीड़ी इ'नें शाशकें दे पंजें थमां मुक्त ते सुतैतर होऐ। इस आस्तै लोड़ ऐ सच्ची निष्ठा ते आत्म विश्वास दी। ते इक जुट होइयै रौहने दी। इस कविता राहें कवि नै प्रतीकात्मक ढंगै कन्नै आम आदमी गी भैड़े ते भ्रष्ट लोकें प्रति बझालने ते सचेत करने दी कौशश कीती दी ऐ।

प्र.5 'शर्त' कविता गी अपने शब्दें च लिखो।

'शर्त' नांऽ दी कविता साढ़े पाठ्यक्रम च लगगे दे कविता संग्रैह 'समकालीन डोगरी

कविता संकलन' च संकलित ऐ ते इसदे कवि 'केहरि सिंह मधुकर' होर न। इस कविता च कवि नै बड़े अदब कन्नै शोशत ते शोशक वर्ग गी बेअदबी दा एहसास कराए दा ऐ। कवि गलांदा ऐ जे समें कुसै आस्तै रुकदा नेई। एह सदियें थमां हर चंगी—माड़ी गी अपनी चरक्खड़ी च लपेटदा आया ऐ। पर माहनू नै एह सब किश जानदे भाखदे बी कदें अपनी मानसिकता गी बदलने दी कोशश नेई कीती। कोरा आशावादी जीवन जीने आहले इस माहनू समाज ने कदें बी हिम्मत करियै गुमनामी दे न्हें चा बाहर निकलने दा कोई यत्न नेई कीता। बस बेगैरत दे इस खूऐ च लाचारी दी नींदर फंडियै म्हेशा अपने भागें गी गै दोश दित्ता ऐ। कवि गलांदा ऐ जे इक्कलसोखी ते मतलबप्रस्ती दा जीवन जीने आहला एह समाज असल च अंदर दा खोखला ते पुग्गा होई चुके दा ऐ। अपने गै गरूरै च इक दूए थमां अगें निकलने दी होड़ च, एह बेगैरत ते लालची समाज हर रोज मनुक्खता दी पत्त तोआरदा ऐ। इक—दूए दे दुखें—सुखें गी बंडना इस दी फितरत च नेई। कवि ऐसे समाज पर व्यंग करदे होई गलांदा ऐ जे जीवन दी रास लटोई जाने मगरा अपनी गल्लियें पर पछताने दा कोई ल्हा नेई होदा। कवि ऐसे माहनुएं गी बझालदे होई आखदा ऐ जे असेंगी जीवन दे प्रति अपना नजरिया बदलने दी लोड़ ऐ। तां जे जीवन इक्कलसोखी ते तंगदिली दे घेरे थमां निकलियै इक मौकला ते विस्तृत रूप ग्रैहण करै। कवि शोशत वर्ग गी सचेत करदे होई गलांदा ऐ जे संघर्ष कीते बगैर कदें बी कोई समाज तरक्की दी राह पर अग्रसर नेई होई सकदा। डरी—सैहमियें जीना कोई जीना नेई। एह वक्त हिम्मत ते दलेरी कन्नै अपने लक्ष्य गी हासल करने दा ऐ। एह वक्त शोशण करने आहलें खलाफ इकजुट होइयै अपनी अवाज़ बलंद करने दा वक्त ऐ। कवि अज्ज जनता गी परानियें घासें गी छोड़ियै जीवन दियें नमियें राहें बक्खी सारत कराइयै झंकोरने दी कौशश करदा ऐ। ते गलांदा ऐ जे इक नमै नरोए समाज दे निर्माण आस्तै लोड़ ऐ हौसले ते उद्धम दी, लोड़ ऐ इंकलाब दी, इक क्रांति दी ते इतिहास गवाह ऐ जे इंकलाब लहू मंगदा ऐ ते क्रांति कुरबानी। तां जाइयै कोई इतिहास लखोंदा ऐ।

.....

M.A. DOGRI

Course No. DOG 203

Unit - III

Semester - II

ADHUNIK KAVITA

Lesson 10

पद्म श्री प्रो. रामनाथ शास्त्री ते डोगरी कविता—साहित्य गी उन्दा योगदान

(क) जीवन परिचे

डोगरी गी तैहरीक दा रूप देने आहले ते डोगरी साहित्य च बहुमुखी प्रतिभा दे धनी पद्म श्री प्रो. रामनाथ शास्त्री कविता दे खेतर च बी नुमायां थाहर रखदे न। शास्त्री हुंदा जन्म 15 अप्रैल 1914 ई. गी माड़ी गाँव च पं. गोरी शंकर हुन्दे घर होआ। इ'ने अपना व्यावसायिक जीवन स्कूली अध्यापक दे तौरा शुरू कीता हा ते पही 1943 ई. च प्रिन्स आफ वेल्ज कालेज (जी.जी. एम. साईस कालेज) च हिन्दी ते संस्कृत दे प्रौफेसर नियुक्त होए। कालेज थमां रटैर होने पर 1971 ई. च जम्मू यूनिवर्सिटी दे डोगरी रिसर्च सैल दे सीनियर-फैलो नियुक्त होए ते पही 1975-76 च जम्मू-कश्मीर कलचरल अकैडमी च डोगरी-डोगरी डिक्शनरी दे 'चीफ अडीटर' नियुक्त कीते गे ते डिक्शनरी दे छे भागें दा सम्पादन कम्म सपूरा करियै उत्थूं दा सेवा निवृत होए। शास्त्री होर डोगरी दी सारें शा पैहली प्रमुख साहित्यिक संस्था 'डोगरी संस्था' दे संस्थापकें च इक हे। इ'ने अपनी पूरी उमर साहित्य सिरजना ते मातृभाषा दी सेवा च लाई ते खीर 8 मार्च 2009 गी प्रो. शास्त्री होर परलोक सधारी गे।

(ख) साहित्य—सिरजना

शास्त्री होर इक यथार्थवादी ते प्रगतिशील विचारें दे लेखक हे। इ'ने कविता, गीत, गज़ल, कहानी, नाटक, निबन्ध—लेख आलोचना आदि विधाएं दी रचनाएं कन्नै डोगरी साहित्य गी समृद्ध कीता। इसदे इलावा हिन्दी, संस्कृत, अंग्रेजी आदि दूइयें भाषाएं दियें रचनाएं दे डोगरी अनुवाद बी खासी मात्रा च कीते दे न। डोगरी साहित्य गी शास्त्री हुन्दे योगदान दा ब्यौरा इस चाल्ती ऐ —

धरती दा रिन (कविता संग्रह)

तलखियां (गज़ल संग्रह)

बदनामी दी छां	(कहानी संग्रह जिस उपर इ'नेगी 1976 ब'रे दा साहित्य अकादेमी पुरस्कार प्राप्त होए दा ऐ)
झकदियां किरणां	(एकांकी संग्रह)
बावा जित्तो	(नाटक)
बावा जित्तो	(बावा जित्तो दे जीवन दा ब्यौरा ते कारक दा साहित्यिक मूल्यांकन)
नमां ग्रांड	(नाटक, दीनू भाई पन्त ते रामकुमार अबरोल हुन्दे कन्नै मिलियै लिखे दा)
डुग्गर दे लोक नायक	(अमर शहीदें दियां बलिदान कथां)
कलमकार चरण सिंह	(मोनोग्राफ)

सम्पादन

1. नमीं चेतना, डोगरी त्रैमासिक पत्रिका (डोगरी संस्था, जम्मू)
2. जागो डुग्गर
3. इक हा राजा
4. नरेन्द्र स्मारिका
5. संस्थां रजत जयन्ती ग्रन्थ
6. डोगरी डिक्शनरी

अनुवाद

1. भूतहरि दे नीति ते वैराग्य शतक
2. टैगोर दी गीतंजलि ते त्रै नाटक बलिदान, मालिनी ते डाकघर
3. रामायण : सी राजा गोपालाचार्य
4. अ'न्ना युग : धर्मवीर भारती

5. आत्मकथा : महात्मा गांधी
6. मिर्ची दी गड्डी : मृच्छकटिक
7. पतालवासी
8. छे उपनिषद

सम्मान

1. बदनामी दी छां – साहित्य अकादेमी पुरस्कार
2. तलखियां – जम्मू कश्मीर कला, संस्कृति ते भाशा अकादमी पुरस्कार
3. मिर्ची दी गड्डी – अनुवाद, जम्मू-कश्मीर अकैडमी पुरस्कार
4. डुग्गर दे लोक नायक – जम्मू कश्मीर अकैडमी पुरस्कार
5. भारती सरकार आसेआ पद्म श्री पुरस्कार
6. साहित्य अकादेमी आसेआ 'फैलोशिप' दा सम्मान

(ग) प्रो. रामनाथ शास्त्री हुन्दे कविता-साहित्य दा मूल्यांकन

'धरती दा रिन' कविता संग्रह शास्त्री हुदिये चोनिमिये कविताएं दी पेशकश ऐ जिंदे च डुग्गर समाज ते डुग्गर प्रकृति दे सन्हाकड़े चित्रण, मातृभाशा डोगरी कन्नै डूहंगा हिरख, सच्ची साधना दी म्हत्ता, समाजी परिवर्तन दी तांहग आदि बारै कवि दे मौलिक भाव चित्रित न। इंदी काव्यकला दी चेची विशेषता एह ऐ जे इस च कलापक्ख ते भावपक्ख दौने पक्खे दा सामांपन नजरी आँदा ऐ। इन्दी कविता सिर्फ कोरी भावना नेई बल्के ओहदे च बुद्धि तत्व ते चिन्तन दी प्रधानता ऐ, जिसदे कारण इंदी कविता च शाश्वत मुल्ले दी तर्जमानी दा पक्ख खासा भारा होंदा ऐ। 'मन ते अकल', बरगद, अमर ऐ मनुक्खता, मेरे मनै दा भेती, नमी पीड़ी आदि कवितां इससै विशेषता गी प्रगट करदियां न ते माहनू दे अन्तर्मन गी झनकोरदियां न। 'मन ते अकल' कविता च कवि ने मनुक्खी भावनाएं दा यथार्तवाद चित्तर पेश कीते दा ऐ। मनै दी डबर ते अथाह ऐ ते इसदी सोच अनहोनिये गल्ले ते पौहच शा बाहर चीजे बक्खी दौड़ी पौंदी ऐ ब अकली दा नीरन मनै दिये मुरादे गी नकाम ते बेमैहना समझदे होई उसी ठाकदी ऐ ते ओहदी मूर्खता उप्पर हसदी गुढ़कदी ऐ, पर मन

मस्ताना ठाकदे—ठाकदे बी अपने हठै दा जैहर पी गै लैन्दा ऐ ते बाद च रौंदा—कल्पदा पच्छोतांदा ऐ ते अकली गी गै दोश दिन्दा ऐ।

ते दिन्दा दोस अकली गी जे उसने भेत खोहले

रोहै दी नैहखरें कन्नै डरान्दा पच्छ लाने गी।”

‘बरगद’ कविता च बी कवि दी सोच बड़ी उच्ची ऐ। संसारै च अनगिनत लोक जमदे ते मरदे न पर सभै इस संसार रूपी गासै दे धुवतारे नेई होंदे। उन्दे चा कोई गै प्राणी अद्भुत प्रतिभा कन्नै सम्पन्न होने करी नेक कर्म कन्नै अपना ना बनांदा ते बोहड़ी दे बूहटे आह्ला लेखा चिर स्थाई ते चिर स्मरणीय बनी जंदा ऐ। इस बारै कवि दे भाव न

“सरेआं दे दानें शा लौहके इक—इक बीऐ अन्दर केह ऐ?

बोहड़ी दा ओह बूहटा बरगद।

किन्ने बीऽ पर बरगद बनदे?

किन्ने बीऽ एह जमदे—मरदे।

अनगिनती एह जमदे—मरदे।

कोई—कोई पर बरगद बनदा।”

डुंगर समाज दे घरेलू जीवन ते डोगरा नारें दी बिरह—वेदना दा सजीव चित्रण शास्त्री हुन्दी ‘चक्की’ कविता च मिलदा ऐ। कविता पढ़दे—पढ़दे कन्ने च चक्की दा घुमर—घुमर ते मनै च नौकरी पर गेदे कैन्तें दियें बजोगन नारें दे मनें दी पीड़ ते दुख कसाला चुभां जन करांदा सेही होंदा ऐ। सच्चें गै इ’नें नारे दा जीन कैदियें आंगर ऐ जेकर चक्की नेई पीहन तां सस्सू शा रुट्टी बी नेई थ्हांदी ते दूआ कलापे दी इस दुनियां च उन्दी साथन—स्हेली बी चक्की गै होंदी ऐ होर कोई नेई। इ’यै जनेही वेदना दी मारी दी इक नारी दे भाव इ’नें कविता—पंगतियें च दिक्खे जाई सकदे न —

“तेरे बाझू इत्त घर हिरखी निं होर कोई,

अस दमैं जागनियां, बाकी सारे सौंदे न।

तेरे कच्छ बौहनियां तां दुख जन्दे बिस्सरी,

मनै गी जलाने आहली अगग जन्दी हिस्सली।

जिन्द जिन्दे बस मेरा मन उन्दे बस नेई,

भागें दी लकीर मोइये मेरी अति बिस्सली।”

शास्त्री हुन्दी ‘सन्नासर’ कविता बी डोगरी कविता साहित्य दी बेजोड़ कविता ऐ। इक पाससै सन्नासर जनेह् थाहरै दा कुदरती शलैपा मनै गी भरमाई—भरमाई जंदा ऐ जे दुए पाससै इ’नें खूबसूरत थाहरें दी भुक्ख—गरीबी मनै गी कौह्दी जन मसूस होंदी ऐ। कवि दी कला दा कमाल ऐ जे दोऐ विरोधी पक्ख कलात्मक सुंदरता दे लावे च इस चाल्ली चित्रत होए दे न जे पूरी दी पूरी कविता श्रोता जां पाठक गी अपनी कला दे जादू च ब’न्नी लैदी ऐ। मसाल दे तौरा पर सन्नासर दे चेतै कवि ने इ’नें भावें गी दिक्खो —

“चानचक्क औंगली गी कंडा जि’यां डंगी जा

वासना दा लोरा जि’यां अक्खियें गी रंगी जा,

जन्न पवै पानिया च बधै जि’यां ओह्दा घेरा,

इस्सै चाल्ली सन्नासर चेता भिगी आवै तेरा।”

प्रकृति—चित्रण च शास्त्री हुन्दी कोई रीस नेई। उ’नें ‘सन्नासर’ कविता च प्रकृति दे शलैपे गी इक सन्हाकड़ी तस्वीर दे रूपै च हूबहू पेश करने च कोई कसर नेई छोड़ी। उपमा अलंकार दी सगगोसारी च सन्नासर दे शलैपे दा वर्णन होर बी मता उग्घड़ी आए दा ऐ —

“सबजै दी डब्बियां च मोती ऐ सम्हाले दा,

धारें दे शलैपे ने ऐ थाहर जि’यां ताले दा।

प्रीत दियै साधना ने दिया जि’यां बाले दा,

फाड़े दियै आत्मा ने गीत कोई पाले दा,

धारें दे नकेबले च सन्नासर बस्सै इ’यां,

भौरें थमां दूर जि’यां फुल्ल कोई हस्सै दा।”

इक कवि दे रूपा च शास्त्री हुंदी द्रिष्टी छड़ी सूखम गै नेई चमुखी बी ऐ। उन्दी कान्नी च संसारी जीवन दा लगभग हर पैहलू समोए दा लभदा ऐ। जित्थै प्रकृति-चित्रण दा रौसला चित्रण मिलदा ऐ उत्थै समाजी ते राजनैतिक खोद्दलें बारै सोहगगा करने आहले भाव बी खासे बांदे ते सोच जगाने आहले न। स्वार्थ परस्ती दे इस युग च नैतिक मुल्लें दी म्हत्ता पिछड़ी पेई गेदी ऐ जिस करी समाजी जीवन च हर बक्खी पतन गै पतन लभदा ऐ। शास्त्री हुंदी सर्वता च इस स्वार्थपरस्ती दे रावण गी मारी मकाने दी चिन्ता दे भाव बड़े सुआए न –

जनता दी आत्मा दा रूप जेहड़ी सीता ऐ

स्वारथा दे रावण नै कैद उसी कीता ऐ,

धरती दे पुतरें गी गैरत सखान जेहड़ें,

उ'नें अक्खरें दी मिगी लालसा सतांदी ऐ।”

इसदे कन्नै गै संघर्ष, मेहनत ते कर्मठता दे भाव बी शास्त्री हुंदी कविता दे चेचे गुण न। उ'नेंगी एह पक्का भरोसा ऐ जे कोई बी संघर्ष कदें अकारथ नेई जंदा फल कदें-ना-कदें जरूर मिलदा ऐ ते कोई बी उपलब्धि जां कम्म तां गैर सपूरा होंदा ऐ जेकर लगन, कर्मठता ते मेहनत कन्नै कीता जा। इस बारै कवि दे विचार बड़े स्पष्ट न।

किश बोल्लें दे उदाहरण इ'यां न –

“जिन्दू दी रत्त जे फूको तां,

गीतें दे दिये बलदे न।

तां लोक इ'नेंगी तुपदे न,

तां इन्दी लोइया चलदे न।”

शास्त्री हुन्दी कविता च असेंगी मातृभाशा डोगरी दी मान-म्हत्ता ते ओहदे कन्नै उन्दे अनसंभ प्यार दे दर्शन बी होंदे न। मातृभाशा गै इक नेहा सूतर ऐ जेहड़ा अपने सभनें भाशियें गी इक डोरी च बन्नी लैदा ऐ। दूआ मातृभाशा ऐसा सैहज साधन ऐ जिस राहें माहनू अपने मनै दे भावें गी बड़ी असानी कन्नै व्यक्त करी सकदा ऐ। अपने मनै दा हुस्सड़ बुहारसरी सकदा ऐ। मनै दी तरंगें गी नच्ची-गाइयै दस्सी सकदा ऐ। मेहनत-मुशक्कत दी थकौट-हुट्टन बाहर कड्डी सकदा ऐ। मौरियां ममता दियां ठंडियां सीरां बगाई सकदियां ते बजोगन नारां लम्मे-छुट्टे गीतें

दी रेहाऽ लाइयै मनै दी तपश ठण्डी करी सकदियां न। शास्त्री होरें कविता च मातृभाशा डोगरी दे अनमोल खजाने गी इ'नें शब्दें च अभिव्यक्त कीता गेदा ऐ —

“डोगरी दा मुल्ल पुच्छो कम्मनें—मजूरें गी,
जिन्दी जिन्द जरी लैंदी जालें ते झूरें गी।
मनां भार चुक्की जेल्लै अंग—अंग कंबी जन्दा,
इक भाख लान्दे बस दुक्ख सारा सं'बी जन्दा।”

इस चाल्ली भाशा ते माहनू दे गूढ़ रिश्ते गी दिखदे होई कवि ने भाशा गी माता दा दर्जा दिता ऐ जेह्ड़ी जन्म थमां गै उसदे अंग—संग रौहन्दी ऐ ते जिसी सिक्खने दी बी जरूरत नेई पौंदी। इस बारै कवि दे भाव इ'यां न —

“हस्सना ते रोना जि'यां सिक्खना निं पौंदा ऐ,
अंग—अंग माहनुएं दे लहु जि'यां रौहदा ऐ।
भाशा कन्नै माहनुएं दा उ'ऐ नेहा नाता ऐ,
माहनू न जयाणे भाशा उन्दे गितै माता ऐ।”

भाशा प्रति उंदे विचारें दी इक होर मसाल दिक्खो जित्थें ओह डोगरी गी सच्ची सुच्ची भाशा मिथदे न ते चांहदे न जे सियास्त दा नाग इस थमां दूर गै र'वै तां खरा।

“सिद्धा ए सियास्ती दा डोगरी गी लाएओ नेई,
भाशा ऐ गरीब, इसी बोल्लिया चढ़ाएओ नेई।
तुंदे गज लम्मे, बर डोगरी दा छुट्टा ऐ,
तन्द—तन्द सुच्ची, इक धागा नेइयों खुट्टा ऐ।”

बहुमुखी भावें दा चित्रण शास्त्री हुंदी कविता दी खूबी ऐ। पर उन्दे च बी संघर्ष, साधना, मेहनत, कर्मठता जां फही दार्शनिकता दे भाव मते चेचे ते मते टकोहदे न। दार्शनिकता दा गै सुन्दर उदाहरण इस हेठ दिते दे बन्ध च बड़ा बेजोड़ ऐ।

“हर लैहर कनारे गी हाम्बै,
पर कदे कनारे रुकदी नेई।
जिच्चर न्हरे दे घेरे न,
लोई दी मंजल मुकदी नेई।”

कलापक्ख दी द्रिष्टी कन्नै बी शास्त्री हुन्दी कविता दा डोगरी कविता च उच्चा थाहर
ऐ। बनकदे—फबदे शब्दे दी बरतून, भाश गी सुन्दर ते भावें गी असरदार बनाने आहले अलंकारें
दा प्रयोग बी शास्त्री हुंदी कविता गी नरोआ गुहाड़ दिन्दे न।

.....

M.A. DOGRI

Course No. DOG 203

Unit - III

Semester - II

ADHUNIK KAVITA

Lesson 11

केहरि सिंह 'मधुकर' हुंदा डोगरी कविता गी योगदान

(क) जीवन परिच

डोगरी दे मन्ने—परमन्ने दे कवि केहरि सिंह मधुकर दा जन्म 28 नवम्बर 1929 ई. गी साम्बा तसील दे गुढा सलाथिया गाँव च होआ। मधुकर दे पुरखे अक्सर फौज च सेवारत रहे। माऊ—बब्बै दे इक्कले पुतर होने करी इ'नेंगी घरै च बड़ा लाड़—प्यार थोआ। इ'नें दसमीं तगर दी शिक्षा एस.पी.एम. राजपूत स्कूल च हासल कीती ते बी.ए. एस.पी. कालेज श्रीनगर ते गांधी मैमोरियल कालेज जम्मू थमां कीती।

मधुकर होरें साहित्य सिरजना अपने कालेज दे जीवन च शुरू कीती ही। पैहले एह हिन्दी च लिखदे हे। इन्दी हिन्दी कविता 'नर्तकी' गी बड़ी प्रसिद्धी थोई, इस्सै चाल्ली हिन्दी गीतें कारण बी इ'नेंगी कालेज च ते कालेज थमां बाहर बी बड़ी वाहवाही थोई।

(ख) साहित्यक योगदान

1940एं दा दहाका डोगरी साहित्य खासकरी डोगरी कविता आस्तै बड़ा महत्वपूर्ण हा। खास करियै 1947—48 दे समें च मुल्खा दी बंड ते पाकिस्तानी हमलें कारण रियासत दा म्हाल बड़ा खौद्वल आह्ला हा। डोगरी कवियें डोगरा वीरें दे बलिदानें ते उ'दे ब्हादरी भरोचे कारनामें पर अतयन्त जोशिलियां कवितां ते गीत लिखे जि'नेंगी उ'नें गाँ—गाँ, नगर—नगर च कवि सम्मेलन च पढ़ेआ। इ'नें कवि सम्मेलन जेनता दे अन्दर उत्साह जगाने च रामबाण दा कम्म कीता।

1950एं तगर पुजदे—पुजदे अफरा—तफरी दा वातावरण किश छटोई गेदा हा। लोकें च हून अपने गे प्रदेश जां समाज बारै सोचने दी भावना नेहीं रेही दी। हून उन्दा द्रिश्शटीकोण बी

मौकला होन लगी पेदा हा। एह इ'यै समां हा जदूँ मधुकर ने बी डोगरी च काव्य—सिरजना शुरू कीती ही। मधुकर ने इक कदम होर अगें आनियै परानियै कुठित धारणाएं गी लुआंघदे होई डोगरी कविता गी विशाल परिवेश दित्ता। 'देसा गी बनाना मटाना तुंदे हत्थ ऐ?' इक ऐसी कविता ही जिस च समूलचे देसै दी जनता गी देसा गितै करतब्बे दी चेताबनी दिती गई ते सम्प्रदायिक संकीर्णता आहली भावनाएं दी त्रिकखे शब्दें च नुक्ताचीनी कीती गई। कवि दे शब्दें च —

“फिरका परस्ती दी अग जेहड़े लांदे न
देसा आहली एकता दी नीहें गी ल्हांदे न
हाथियां दे पैरै खल्ल पैर जि'यां सारे औन,
इस पापा अगें पाप सारे हार खाई बौहन।”

प्रकाशत रचना

1. नमियां मिंजरां (कविता संग्रह)
2. डोला कुन्न ठप्पेआ (कविता संग्रह)
3. में मेले रा जानू (कविता संग्रह)
4. पदम गोखडू — (कविता संग्रह)
5. एकोत्तरशती (अनुवाद)

(ग) मधुकर हुंदी काव्य—सिरजना दा मूल्यांकन

‘नमियां मिंजरां’ नाऽ दा इन्दा कविता संग्रह 1945 ब'रे च छपेआ। इस संग्रह दियें मतियें कविताएं दे नाऽ नमीं, नमां आदि विशेषण कन्नै शुरू होए दे न। जि'यां नमें गीत, नमीं चेतना, नमां इतिहास आदि। सचमुच गै एह कविता संग्रह इक चाल्ली कन्नै नमें ते प्रगतिवादी विचारें दा संकलन ऐ जिस च कवि ने प्राचीन परम्पराएं गी वुस्सत देइयै, विकास दी नमीं दिशा दिती दी ऐ। इस संग्रह दी कविता 'चरखा' बड़ी मार्मिक ते भावें भरोची कविता ऐ। ओह कुसै कल्ली—कलापी विधवा नारी दे जीवन दी र्होल ऐ ते इस र्होल दे स्हारै ओह अपने जीवन—भर बदनसीबी दा मुकाबला करने दी समर्थ रखदी ऐ —

“इस्सै चरखै ने साथ दित्ता हा सुहागा दा,
इस्सै चरखे ने साथ गमी दा नभाया हा।

सिरा दा ओह साईं जदूं मिगी छोड़ी गोआ हा,

कत्तन गै मिगी तदूं एहदा कम्म आया हा।”

इन्दा दूआ कविता संग्रह ‘डोला कुन्न ठप्पेआ’ ऐ। इस संग्रह दियां कवितां डोली, युगा दी आस आदि डोगरी साहित्य दियां बेहतरीन कवितां न। ‘डोली’ कविता च घिस्थ जीवन दा सुन्दर चित्रण ऐ। कुड़ियें दी उपमा मनें दी फसला कन्नै किती दी ऐ ते उन्दे माऊ बब्बै दी तुलना उ’नें करसाने कन्नै कीती दी ऐ जेहड़े फसल रांहदे, पालदे ते फही उसी तयार करदे न। अक्सर एह रीत चली आई ऐ जे कनकां पक्कने—बनने परैन्त करसाने कोल नेई रौहदियां इ’यां गै पाली—पोसी दियां कुड़ियां बी माऊ बब्बै कश नेई रौहदियां उ’नेंगी बखले सौहरियै बरी लेई जंदे न।

मधुकर दे काव्य च सामन्तशाही नजाम ते शोशनी दी नीहें पर खड़ोते दे नजाम बारै बड़ा बरोधी सुर उठदा लभदा ऐ ते प्रगतिवादी विचार उसदी कविता दी रूह सेही होंदे न। ‘कोहलू’ कविता उसदी इस विचारधारा दी बेजोड़ मसाल ऐ। कोहलू दा बैल अक्खीं पर पट्टी बज्जी दी होने कारण सौध दे इक्कै थाहरा पर चक्कर लांदा उमर बेहाई ओड़दा ऐ पर उस बचारे गी कठन मेहनत दा कोई सिला नेई थहोंदा इ’यै गै अज्ञानता दे मारे दे बेजबान लोक कठन, मेहनत दी कमाई दे कदें हकदार नेई होंदे उन्दी सारी मेहनतू दा फल ते हाकम लेई जंदे न।

“इक कमांदा दुआ खंदा, इयै साड़ै साड़,

तेल बगाना खल दुएं दी उसी पराना नाड़।

इयां गै बस इस जुगै दा कोहलू चलदा रोज,

माहनू बनेआ दांद बचारा, नेई सुझदी कोई सोझ।”

कवि गी एह गल्ल पचदी नेई। उसदा खून छोआले लैंदा ऐ इस जुलम—सितम दा मैहल ढानै गितै। पर उसगी विश्वास ऐ जे रली—मिली संघर्ष करने पर इ’यै जनेह शोशनी मैहल खड़ोई नेई सकडन। इस बारै उसदे भाव न —

“रूप जुगै दा बदला करदा इक्कै पलटा खाना।

पलें खिनें दी गल्ल छड़ी हुन बिंदक जोर लाना।”

‘युगा दी आस’ कविता च बी कवि दा नजरिया बड़ा रचनात्मक ते प्रगतिवादी ऐ। ओह नेह युगा दा निर्माण करना चाहदा ऐ जित्थें सिर्फ हिरखै दी गै छां होऐ। आपूं चें समोध होऐ —

“ओं नमें युग दा गीतकार तां गीत में इन्दे गा करना
ओं इन्दे रस्ते सोता नां, ओं इन्दी बत्त सजा करना
हिरखा दे नीर बरहा करनां, जे नमीं पनीरी सुक्कै नेई
भाखे दे भाग जगा करना, जे आस जुगा दी मुक्कै नेई।”

मधुकर हुंदा त्रिया कविता संग्रह 'में मेले रा जानू' ऐ ते इस कविता संग्रह पर मधुकर होरें गी 1977 ब'रें दे साहित्य अकादमी पुरस्कार कन्नै सम्मानत बी कीता गोआ हा। इस संग्रह च बड़ियां सुन्दर, प्रभावत ते प्रेरत करने आह्लियां कवतां संकलत न। कोहलू नमां इतिहास, तान जनेहियां कवितां जिं'दे च लेखक ने पूंजीवाद गी टनकारे दा ऐ लोकें गी शोशन दे खलाफ सुर बझालने लेई प्रेरत करदियां न।

इन्दी चौथी कविता पोथी 'पदम गोखडू' 1989 ब'रे च छपी। इस संग्रह दियें कविताएं च बी भावें दी सुन्दर सरोखड़ अभिव्यक्ति ते भाशा दा नरोआ गुहाड़ इन्दी उत्कृष्ट काव्य-कला दा प्रमाण दिन्दे न। अक्सर कविताएं दी भाव-भूमि जीवन दे तत्थ-तजरबें पर आधारत विचारें दी नीहें पर टिकी दी ऐ।

'कताल गाह' कविता दे एह बोल —

“एह झूठ ऐ, एह झूठ जे,
कदें त्राह ने मारेआ,
जदूं कदें बी मारे आ,
तदूं बसाह ने मारेआ।”

ते इ'यां गै 'शर्त' कविता दियें इ'नें सतरें च —

“बा अदब समें दे पारखियो
बे-अदबी अक्सर होई जंदी।
पत्थर उसै परसिज्जलदे,
जिसलै कोई लाश टंगोई जंदी।

कवि ने जो गल्ल बी आक्खी दी ऐ अपने जीवन दे तलख-त्रिक्खे तजरबें दे आधार उपपर

आक़खी दी ऐ जिस च कुतै शोशन, कुतै जुल्मो—सितम ते कुतै धोखा ते बेईमानी पर करारा ब्यंग कीते दा ऐ।

इस्सै चाल्ली 'हासा' कविता च बी कवि दा नजरिया बड़ा सूखम ऐ। अज्जै दे इन्सानियत बरोधी युगै दे जीवन लेई ओह आधुनिकता दी आड़ च पलै करदी फिरकापरस्ती ते धार्मिक संकीर्णता दी कबैहत्तें गी जिम्मेदार ठरहा दा ऐ।

“फिरका परस्तिया ने नेहा ढालेआ समाज
धर्म दी धाक उल्लरी लेइयै नमें रिवाज
बंडें बंडारियें दी तदूं पिरत ही पेई
माहनू दी माहनू कन्नै बी पन्छान निं रेही।”

दार्शनिक विचारधारा दा इक रंग —

“जो लैहर कनारा टप्पी जा
ओह लैहर कनारै होई जंदी।
मिक्ती दी गोदा सेई जंदी।
मिक्ती दे रंग रंगोई जंदी।”

मधुकर ने डोगरी गज़ल च बी प्रयास कीते पर इस विधा गी अगें अपनाया नेई पर इन्दे गीतें दा वेशकीमत खजाना अजें अनछपेआ पेदा ऐ। 24 अगस्त 2000 गी मधुकर अपनी जीवन—यात्रा सम्पन्न करियै परलोक सधारी गे।

.....

M.A. DOGRI

Course No. DOG 203

Unit - IV

Semester - II

ADHUNIK KAVITA

Lesson 12

प्र.1 'दीन दे बपारी' कविता का मूल भाव अपने शब्दों में लिखो।

एह कविता साढ़े पाठ्य क्रम में लगे दे 'दर्शन दर्शी' हुंदे काव्य संग्रह 'कोरे काकल कोरियां तलियां' में संकलित ऐ। इस कविता में कवि ने महजब दे नाँस पर बड़-टुक करने आहले धर्म दे सोदागरें पर करारी चोट कीती दी ऐ। कवि गलांदा ऐ जे समाज दे ठेकेदार अर्थात् मुल्लें-पतें दे इशारे पर नचने आहले इन्हें बेक्यासे माहनुएं दा कोई धर्म नेई होंदा। एह ते बस महजब दी आड़ में मासूमों दा लहू बगाड़यै उं दी लाशें दे ढेर लाइयै अपनी इस मूर्खता की धर्म दा नाँस दिंदे न। कवि ऐसे शातर सोदागरें की झनकोरदा होई गलांदा ऐ जे जात-पात दा सहारा लेइयै तुस माहनु की माहनु थमां बख ते करी सकदे ओ पर कुसै माऊ की ममता की, कुसै अबला दे अत्थरु की, कुसै जतीम बचपन दिये झुसकिये की, लहू दे लाल रंग की तुंदी जात-पात की तलवार कदे बख नेई करी सकदी। कवि बैहशत दा नाच नचने आहले ऐसे माहनु की सचेत करदे होई आखदा ऐ जे तूं आपूं बी इस शतानी खेड़ दा शिकार होई सकना ऐ। कोई गोली तेरी छाती चीरियै तेरे बच्चे की बी जतीम करी सकदी ऐ। की जे गोली ते मौत लेई कोई धर्म जां महजब बखरा नेई। एह ते बस जीवन की निंघलना जानदी ऐ। ते ओह जीवन भाएं कुसै हिंदू दा होऐ जां मुसलमान दा। इस करी भाईचारे ते हिरख-समोह कनै जीना सिखो। की जे इयै माहनु दा असली धर्म ते महजब ऐ।

प्र.2 'जीवन' कविता का मूल भाव अपने शब्दों में लिखो।

इस कविता में 'दर्शी' होर अपने व्यक्तिगत अनुभवों की सांझा करदे होई गलांदे न जे मेरा जीवन बी कुसै सूरज आंगर रोज बडल्लै अपनी दिनचर्या शुरू करदा ऐ ते दिन भर काम करियै हुट्टी-त्रुट्टियै परतियै अपने घर आई ढलदा ऐ। अपने व्यस्त जीवन थमां थक्के दा कवि एह सोचदा ऐ जे में ते साधारण जीवन जीने आहलें साहीं ते नेई हा। मेरा जीवन सूरज साहीं

रोज इक्कै घासै पर चलने आह्ला ते नेई होई सकदा। रोज घरोंदा ध्याड़ा उसदे मनै च इ'यै जनेह सुआलें दा घरमोल पाई रखदा ऐ। ओह सोचदा ऐ जे औने आह्ला कल अज्ज थमां बक्खरा ते तांहगें—मेदें गी पूरा करने आह्ला औग। कल दा ध्याड़ा परानी घासें थमां हटियै शैल ते सुख भरोचा चढ़ग। कवि गलांदा ऐ जे बस इस्सै शैल ते सोहने कल्लै दी आसे च में जीवन दे केई पड़ां लंघी आया। जुआनी बुढ़ापै च बदली गोई, आसां—मेदां कमलाई गोइयां, सुखने सुखने होई गे उ'यै राह ते उ'यै जीवन रेहा। सूरजै आंगर चढ़ने ते घरने आह्ला। बदलेआ किश नेई। जे किश बदलेआ तां मेरे बालें दा रंग ते मेरी अक्खी दी लौऽ।

प्र.3 'सीसा ते प्रिज़्म' नांऽ दी कविता दा मूल भाव लिखो।

'सीसा ते प्रिज़्म' नांऽ दी कविता इक प्रतीकात्मक कविता ऐ। सीसा प्रतीक ऐ साफ ते नेक दिल लोकें दा ते प्रिज़्म दोगले ते मतलबप्रस्तें दा। प्रिज़्म जनेहा व्यक्तित्व रखने आहले लोक समाज गी अक्सर गुमराह करदे न। पर शीशे साहीं साफ दिल लोकें दे मनै च कदें कोई विकार नेई औंदा उं'दा चरित्र जैसा होंदा ऐ वैसा गै रौहदा ऐ। कोई उ'नेगी भाएं जि'यां मर्जी तौली—परखी लै। ओह सदा बगैर कुसै लुब्ध—लालच दे समाज हित च कम्म करदे न। ओह सच्च गी सच्च ते झूठ गी झूठ आक्खने दी हिम्मत रखदे न। मतलबप्रस्त लोकें साहीं हां च हां नेई मलांदे। उं'दे चरित्र च कोई लाग—पलेच नेई होंदा। अर्थात् उं'दा चरित्र उ'न्ना गै साफ ते शफाफ होंदा ऐ जिन्ना चिट्टे ते पारदर्शी शीशे दा। बो प्रिज़्मी चरित्र रखने आहले अर्थात् गिरगट साही रंग बदलने आहले मौकाप्रस्त लोक समाज लेई सदा हानिकारक होंदे न। ऐसे लोकें प्रति सचेत ते जागृत रौहना चाहिदा।

प्र.4 'कल्चर' नांऽ दी कविता च कवि केह आखना चांहदा ऐ संक्षिप्त च लिखो।

आधुनिकता दी दौड़ च संभदी जा करदी मनुक्खता ते लुप्त होंदी जा करदी संस्कृति प्रति 'दर्शन दर्शी' हुंदी 'कल्चर' नांऽ दी कविता समाज पर इक करारा व्यंग ऐ। कवि गलांदा ऐ जे इक वक्त हा जे डुग्गर च घर आए दे परौहने गी ईश्वर सतुल्ल समझेआ जंदा हा। उसदा पूरा आदर—मान करना लोक अपना धर्म समझदे हे पर अज्ज विश्वीकरण दे दौर च माहनू जित्थें दिनो—दिन तरक्की दियां पौड़ियां चढ़दा जा करदा ऐ उत्थें गै मानवी मुल्लें गी भुल्लियै इक्कल सोख बनदा जा करदा ऐ। कवि गलांदा ऐ जे खजूरें दे पत्तरे ते पक्खियें कन्नै परौहने गी ठंडी ब्हाऽ झोलने दा ओह भलोका जमाना विकसित ते भाएं नेई हा पर माहनू—माहनू च प्यार ते रिश्ते च निग्घ जरूर हा। पर अज्ज दिखावेवाद दे पाल्यूशन च जीने आहले माहनू दा हर रिश्ता इ'न्ना पुग्गा ते खोखला होई चुके दा ऐ जे कूलरें ते

एयरकंडिशनरें दी ठंडी ब्हाऽ बी उस भलोके प्यार दा एहसास नेई कराई सकदी। पक्खी कूलरें दे आम उदाहरण जां प्रतीक बरतियै कवि नै समाज गी जिस चाल्ली अपनी मिटदी-मिसदी जा करदी संस्कृति प्रति जागृत करने दी कोशश कीती दी ऐ ओह उसदे अनूठे अंदाजे ब्याऽ दा गै प्रमाण ऐ।

प्र.5 'रिण मुक्त' कविता दा मूल भाव अपने शब्दें च लिखो।

'रिण मुक्त' कविता भ्रष्ट राजनेताएं दे दोगले चरित्र पर करारी चोट करदी ऐ। कविता च कवि नै वीर शहीदें प्रति इ'नें सत्ताधारियें दी नीच मानसिकता गी पाठकें सामने गुहाड़ने दा जत्न कीते दा ऐ। कवि दा गलाना ऐ जे देसै दी खातर अपने प्राणें गी नशावर करने आहले वीरें दी अर्थी पर फुल्ल चाढ़ियै ते भारत माता दे जैकारे लाइयै, उ'ंदे परिवारें गी झूठे-सच्चे दलासे देइयै सुखरु होने आहले भ्रष्ट नेता समझदे न जे देसै प्रति उ'ंदा फर्ज पूरा होई गेआ। हुन ओह जो मर्जी करी सकदे न। देसै गी लुट्टी-त्रुड़ियै बेची-खाई सकदे न। ऐसे सफेदपोश लटेरे शहीदें दे नांऽ पर शोक सभां करियै ते लम्मे-चौड़े लैक्चर देइयै सदियें थमां अपने लुच सेकदे आए न। अपनी इस कविता राहें कवि नै समाज गी ऐसे गुज्झखोर-लोडुएं प्रति बझालने दा इक सफल प्रयास कीते दा ऐ।

प्र.6 'शिखरवार्ता' कविता दा मूलभाव लिखो।

इस कविता च कवि हिंद-पाक दे हालात पाससै इशारा करदे होई गलांदा ऐ जे आम आदमी इस तनोतनी दे म्हौल थमां नजात चांहदा ऐ। ओह अमन-शांति दे वातावरण च खु'ल्लियै साह लैना चांहदा ऐ। इस करी इ'नें तनोतनी दे हालातें दा कोई हल कड्डना जरूरी ऐ। ते इसदा समाधान निकली सकदा ऐ सिर्फ आपसी गल्ल बात राहें नां के जंग करियै। कवि गलांदा ऐ युद्ध कुसै मसले दा हल नेई। इस कन्नै हालात सुधरदे नेई सगुआं होर बिगड़दे न। जंग बुजदिल लोकें दा हथ्यार ऐ। एह सदा लहू बगांदी ते लाशें दे ढेर लांदी ऐ। मनै च कौड़तना भरियै रिश्तें च जैहर भरदी ऐ। पर इतिहास गुआह ऐ जे आपस च गल्ल बात करियै गै चबक्खै अमन-शांति दा मौहल बनदा आया ऐ। इस करी जंगें ते युद्धें दे बजाए वार्ताएं दे दौर चलदे रौहने चाहिदे न की जे अमन-शांति दी बता चलने आहले गै खीर च सफल होंदे न।

प्र.7 'साल बदलोई गेआ' कविता दा मूलभाव अपने शब्दें च लिखो।

इस कविता च कवि इक पाससै जित्थें बदलोदे साल दे जशन ते नमें साल दे सुआगत च बे-फिकर मस्ती च डुब्बे दे अमीर लोकें दा वर्णन प्रस्तुत करदा ऐ उत्थें गै दूएँ पाससै प्रगतिशील

देस च बदलोंदे सालें मगरा बी भुक्ख—गरीबी नै बिल्सदे ते आतंक दी अग्गी च झुलसदे मजलूम लोकें दी यथार्थ तसवीर बी पेश करदा ऐ। कवि दा भाव ऐ जे एह साल सदियें थमां बदलोंदे आए न ते अगें बी बदलोंदे रौहने न। पर अजाद मुल्ख च गुलामी दा जीन जीने आहलें गरीब—मुफलसे दा जीवन इ'नें बदलोंदे सालें कन्नै कदूं बदलग। कदूं नमें साले दे सुआगत च एह तबका बी कोई जशन मनाने दा हक्कदार बनग। कदूं सम्प्रदायक दंगें दी मूहजोर अगू पर हिरखे दे बदल बरडन। कदूं भुक्खे—जतीम बचपन दी अक्खी च बदलोंदा साल नमें सुखनें, नमियां तांहगां लेइयै औग। साल ते बदलोंदे रौहने न पर एह समाज कदूं बदलग।

.....

M.A. DOGRI

Course No. DOG 203

Unit - IV

Semester - II

ADHUNIK KAVITA

Lesson 13

दर्शन दर्शी हुंदा जीवन—परिचे ते डोगरी कविता—साहित्य गी उंदा योगदान

जीवन परिचे

‘दर्शन—दर्शी’ हुंदा जन्म 25 मार्च 1949 ई. च तसील बिलावर जिला कठुआ दे प्रसिद्ध नगर भड्डू च श्री ‘विश्वनाथ वैद’ हुंदे घर होआ। ‘दर्शी’ हुंदियां माता होर इक संवेदनशील नारी हियां। बचपन थमां गै उं‘दी उस संवेदना दा असर ‘दर्शी’ हुंदे पर पेआ हा ते एह असर अगै चलियै उं‘दा कविता लिखने दा कारण बी बनेआ।

‘दर्शी’ हुंदी मुंडली पढ़ाई गौरमैंट स्कूल भड्डू च गै होई। एह पढ़ाई—लखाई च शुरू थमां गै तेज हे ते पैहली जमाता शा लेइयै दसमी तगर अब्बल औंदे रेह ते उं‘नेंगी बजीफा बी थ्होंदा रेआ। इ‘नें भड्डू दे हाई स्कूल थमां 1963 च मैट्रिक पास कीती ते पही साईंस कालेज थमां बी.एस.सी. कीती। इसदे परैंत जम्मू यूनिवर्सिटी थमां अंग्रेजी विशे च एम.ए. कीती। बाद च नौकरी दे चक्करें च बी.एड. ते एम.एड. कीती।

‘दर्शी’ होर शुरू च अध्यापक रेह ते पही अंग्रेजी विशे दे स्कूल लैक्चरर बी बने। इससै दौरान इ‘नें के.ए.एस. दी परीक्षा पास कीती ते डिप्टी सैक्टरी दे औहदे पर नियुक्त होए। एह मैहकमा तालीम च ऐडमनिस्ट्रेटिव अफसर बी रेह ते इसदे बाद किश चिर जम्मू च ट्रांसपोर्ट अफसर बी नियुक्त होए। इसदे बाद एडीशनल सैक्टरी बने। बक्ख—बक्ख औहदें पर समें—समें पर नियुक्तियें परैंत हून सेवामुक्त होइयै साहित्य सिरजना च लगगे दे न।

‘दर्शी’ होरें गी विद्यार्थी जीवन थमां गै साहित्य च रुचि ही। इ‘नें छेमीं—सत्तमीं जमाता तक गै केई उच्चकोटि दे उपन्यास ते दूइयां रचनां पढ़ी लेदियां हियां। ‘दर्शी’ होर शुरू—शुरू च उर्दू च लिखदे हे। डोगरी भाशा च इ‘नें 1980 च लिखना शुरू कीता। हूनै तगर इ‘दे दो कविता संग्रह ते इक उपन्यास प्रकाशत होई चुके दे न।

रचनां

- i. कोरे काकल कोरियां तलियां (कविता संग्रह) 2002
- ii. सजां झांकन दुआरी-दुआरी (कविता संग्रह) 2004
- iii. गास ओपरा धरत बगान्नी (उपन्यास) 2006

‘कोरे काकल कोरियां तलियां’ कविता संग्रह पर ‘दर्शन दर्शी’ होरें गी 2006 बरें दा साहित्य अकादेमी पुरस्कार बी मिली चुके दा ऐ।

डोगरी कविता गी ‘दर्शन दर्शी’ हुंदा योगदान

डोगरी कविता लेखन च दर्शन ‘दर्शी’ हुंदा खास थाहर ऐ ते इ‘नेंगी गजल लिखने च बी शैल म्हारत ऐ। इ‘दी कविताएं च इक कशा इक सुन्दर भाव दी तर्जमानी होई दी मिलदी ऐ। इ‘दी कविताएं च बहुसंगी तस्वीरां झलकदियां न। इ‘दियां मतियां सारियां कवितां स्वच्छंद न। इ‘नें अपनियें कविताएं च समाज दे हर पैहलू गी उजागर कीते दा ऐ। समाजक चित्रण, फाड़े च व्याप्त समस्याएं, शोशन बगैरा दा वर्णन बड़े सरोखड़ ढंग कन्नै कीते दा ऐ। इ‘दी कविताएं च प्रमुख विशे इस चाल्ली न —

I. प्रकृति चित्रण

कवि दर्शन दर्शी होरें अपने जीवन दा मता सारा हिस्सा फाड़े च गजारे दा ऐ ते एह फाड़ें ते फाड़ें दी सुंदरता कन्नै चंगी चाल्ली परिचित न। इ‘नें अपनियें कविताएं च फाड़ें दी सैलतन, ठंडियें फुहारें, नाडुएं-नाले ते धारें दे वर्णन कीते दे न।

कविता च प्रकृति-चित्रण दे बारै च एह भाव दिक्खो —

“खुल्ले दरब्बड़ सैल्ले सैल्ले

टामें-टामें चिट्टे बट्टे

कंडै कंडै लम्मे बूटे

मंजो मंजी छर छर नाडू

आरें पारें उच्चियां धारां-

“चादर सिज्ज फुहार पौआ दी

नखरै नखरै धुड़िया धूरां
टिब्बैं टिब्बैं चरदियां भिड़ड़ां
नालैं नालैं फिरदे डंगर
फेरो फेरी धारू कूहल्लां
धान पैलियां सूरू मक्कां

II. फाड़े च व्याप्त शोशन

कवि दर्शन दर्शी होरें जित्थें इक पाससै फाड़े दी सुंदरता ते प्रकृति चित्रण दा जिकर कीते दा ऐ उत्थें दुए पाससै फाड़े दी बुराइयें गी बी बांदै करने दी कोशश कीती दी ऐ। शाहुकारें ते सरकारी मलाजमें आसेआ आम लोकें दे कीते जाने आहले शोशन गी बी अपनी कविताएं राहें बांदै कीते दा ऐ। जां इ'यां आक्खी लैओ जे कवि ने छड़ी फाड़े दी सुंदरता दा गै बखान नेई कीते दा उत्थें व्याप्त बुराइयें गी बी बांदै कीते दा ऐ। जि'यां –

“लाटू दी लो ते लारी
जित्थें अज्ज बी सुखना ऐ
मरदे मरीज गी जित्थें
चेल्ले नचार दे
जित्थें लोहडू अज्ज बी स्कूल नीं,
बस डंगर चरादे
लचारियें च जित्थें माहनूं
मान धसदा
उ'नें कुदरैं ते फाड़ें
मेरा देसा बसदा।”

III. आधुनिक सुर

इ'यां ते पूरा विश्व बेअमनी दी जंदरी च कसोए दा ऐ पर साढ़ी अपनी स्यासत ते

आतंकवाद ने शायरों की संवेदना की मता लहुलुहान कीते दा ऐ। कविताएं च नेकां थाहरें कवि दे मनै दी वेदन भरोची चीख साफ सनोचदी ऐ। जिसलै बी ओह खून, गोली दी गल्ल जां खबर सुनदा ऐ तां उसदे कालजै पीड़ बसोंदी ऐ तां गै ओह अपनी कविता राहें गोली मारने आहले की जिन्दगी की कामना कन्नै सम्बोधत करदे होई गलादा ऐ।

“एहदे शा पैहलें
जे दूए पाससै दी गोली
तुगी आई लगै
कुसै कुप्पड़ दे ओहल्लै
लम्मा पेड़यै
चिंतेआ अड़ेआ
जो गोली गोली गै
लगदे गै सिद्धा
लहु कढदी ऐ।”

IV. हिरख—प्यार दा सुर

दर्शी हुंदियें कविताएं च हिरख—प्यार की भावना दे सुर बी सनोचदे न। उं की कविताएं दा हिरख—प्यार छड़ा आशिक माशूक आहला प्यार नेई। ओह पूरे संसार च रौहने आहले माहनुएं दे प्यार की गल्ल करदे न। कुतै—कुतै उं दा एह प्यार अपनी मातृ भाशा आस्तै बी झलकदा ऐ।

अज्ज पूरी मनुक्खता लेई विश्व—शान्ति दा मुद्दा सारे शा अहम ऐ। एह बी सब जानदे न ते इस लेई नफरत की मटाइयै रूहें प्यार बसाने की लोड़ ऐ। **‘बस प्यारे होऐ’** कविता दियां किश सतरां प्रस्तुत न —

“नां जमां नेई तफरीक होऐ
नां जरब नां कोई तक्सीम होऐ,
दुनिया दे लाग पलेचें शा
बस मुक्त मेरा संसार होऐ

इक सच्चा—सुच्चा यार होऐ
जो अंदर होऐ, उ'ऐ बाहर होऐ
बस प्यार होऐ, बस प्यार होऐ।”

मिली बेहियै गल्ल—बात करियै बी मते सारे आपसी मतभेद दूर कीते जाई सकदे न।
गल्लें—बाते राहें समाधान दी जुगता दी प्रमाणकता दा बसाह् दुआंदे होई कवि दा आखना ऐ —

“तारीख गुआए ऐ
वार्ताएं चा केई बारी
उगगेआ ऐ अमन
ते फैल्ली गेआ ऐ
आर—पार
सुखे दा सनेहा बनियै
बात जारी रौहै
शांति अमन।
इन्ने बी अड़ियल नेई।”

जेकर कोई अपनी दर्द पीड़ नेई बुझी सकै तां उ'न्न दुए दी केह बुझनी। संवेदना गै
इ'यै ऐ। संवेदना ते बेजान दी पीड़ बी बुझी लैन्दी ऐ ते भाशा ते जींदी—जागदी चीज मन्नी
जंदी ऐ। डोगरी दी पीड़ हर डोगरा शैल चाल्ली जानदा ऐ ते अपनी—अपनी समर्थ कन्नै
बुहारसरदा बी ऐ। डोगरी भाशा प्रति अपनी कविता च दर्शन दर्शी होरें किश इस चाल्ली
बुहारसरे दा ऐ।

“तां एह —
जे सरमौकल गी समझी डरौकल
गासे श बंचत कराने दा प्लान ऐ
इ'यां बी होंदा ऐ केह?

चिड़ी सत्तरंगी त्रबकी
‘डोगरें ते डोगरी नै
तां इ‘यां गै होऐ रदा मड़ी।”

V. बेसंदोखी दा सुर

दर्शी हुंदी किश कविताएं च लोकें च फैलदी बेसंदोखी ते इक—दूए थमां अगें बधने दी लगी दी होड़ बगैरा दे सुर बी मुखरत होंदे न। कवि दा आखना ऐ जे अज्ज माहनू गी अपने धन—दौलत दी खुशी घट्ट ऐ ते दूए दा धन—दौलत दिक्खियै असंतोष दी भावना बधा करदी ऐ। अपनी संपत्ति तुच्छ मात्र सेही होंदी ऐ। जि‘यां —

“कटोरे च सागर पाइयै
बुक्कें च धरत सजाइयै
खुश हे अस
अपने आपा च राजा हे।
के इक दिनी नजर
लुआंग खाई गई
गुआंडी दे घर मोई
झांकी दुआई गई
दिक्खेआ जे —
गुआंडी नै सागर
त्रांबड़ी च पादा ऐ
ते धरतू गी छैल
बड़डे बेहड़े सजांदा ऐ
उस दिन छा अस
राजे थमां रंक होई गोदे आं।”

कवि दा मन मनुखता, मनुखी होंदे ओहदी भलाई—बेहतरी, खुशहाली ते विकास लेई
फिकरमंद रौहदा ऐ। कवि दा मन्नना ऐ जे हिरखै कन्नै रौहना माहनु दा सभाऽ ऐ, ओह प्यार
कन्नै रौहना चाहदा ऐ —

“इनसान हिरखे भरोचा समुंदर,

इंसान दी फितरत नेई जंग यारो।”

इंदी कविताएं च मर्म ते संवेदना गी छूहने दी प्रवृत्ति कवि गी इक सच्चे मानवतावाद दे
रूपै च स्थापत करदी ऐ। इस चाल्ली अस आखी सकने आं जे दर्शी हुंदी कविताएं च माहनु
दी कदर ते मनुखता दा धर्म पालने दा सनेहा बड़े उच्चे सुरै च मुखतर ऐ।

.....

M.A. DOGRI

Course No. DOG 203

Unit -IV

Semester - II

ADHUNIK KAVITA

Lesson 14

प्र.1 भाव-पक्ख ते कला-पक्ख दी द्रिस्टी कन्नै 'दर्शन दर्शी' हुंदियें कविताएं दा मूल्यांकन करो।

डोगरी च कविता साहित्य अपना इक नुमाया थाहर रखदा ऐ। डोगरी कविता साहित्य गी सगोसार करने च खासे कवियें अपना योगदान दिता ते देआ करदे न। अज्ज डोगरी कविता बुलंदियें गी छूह्दी नमें आयाम स्थापत करादी ऐ। डोगरी कवियें दी लम्मी सूची च कवि 'दर्शन दर्शी' हुंदा नां दे हुंदियां कवितां अपना विशेष थाहर ते पछान रखदियां न। इ'नें डोगरी कविता गी नमें भाव-विचारें ते बिब-प्रतीकें राहें समृद्ध कीता ऐ। इ'दी कविताएं च विचारें दी पुख्तागी ते गहराई ऐ। दर्शी होरें जीवन दे खट्टे-मिट्टे अनुभवे गी बड़ी शिद्धत कन्नै मसूसियें बड़े सरल अंदाज च अपनी रचनाएं च प्रगट कीते दा ऐ। इ'दियें कविताएं च हिरख-प्यार दे रवायती रंगें दे बगैर संभदी मनुक्खता, खोखले विकासवाद, झूठी रीसो-रीसी, भ्रष्ट सत्ता, लुप्त होदी संस्कृति आदि सुर बी द्रिस्टीगोचर होंदे न। मती सारियें कविताएं च कवि दा नजरिया आशावादी लभदा ऐ। समाज च फैलदी इक्कलसोखी, माहनू-माहनू मंझ बद्धा बैर-बरोध, लड़ाई-झगड़े कवि दे मन नेई भांदे ते ओह अपनी इक कविता च इ'नें लाग-पलेचें थमां मुक्त, हिरख भरोचे संसार दी कल्पना करदे होई गलांदा ऐ -

नां जमां नई तफरीक होऐ

नां जरब नां कोई तकसीम होऐ

दुनियां दे लाग-पलेचें शा

बस मुक्त मेरा संसार होऐ

बस हिरख होऐ बस प्यार होऐ (सफा - 10)

किश इ'यै जनेह भावें गी कवि अपनी 'शिखरवार्ता' नां३ दी कविता च हिंद—पाक मझाटै अमन ते शांति दी कामना करदे होई गलांदा ऐ जे युद्ध कुसै मसले दा हल नेई, युद्ध ते युद्ध होंदा ऐ पर कुसै मुद्दे पर प्रेम कन्नै गल्ल—बात करियै समस्याएं दा समाधान कीता जाई सकदा ऐ।

जंग सिर्फ जंग ऐ
अमन जीवन ऐ
अमन विश्वास ऐ
अमन आस ऐ
अमन परान ऐ
अमन जान ऐ
अमन शान ऐ
तारीख गु'आ ऐ
वार्ताएं चा केई बारी
उगगेआ ऐ अमन
ते फैल्ली गेआ ऐ
आर—पार

सुखे दा सनेहा बनियै। (सफा — 12)

खोखले विकासवाद प्रति कवि दी खिंझ बी कुतै—कुतै इ'नें कविताएं च नजरी औंदी ऐ। हकीकी जिंदगी थमां मूंह छपैलियै दिखावेवाद दियां पुगियां पोड़ियां चढ़ने आह्ला एह समाज झूठी तरक्की दी जिस बता अग्रसर होआ करदा ऐ, उस पर कवि दियां कटाक्ष भरोचियां एह पंक्तियां यथार्थ गी किश इस चाल्ली बांदै करदियां न —

दुआस मने कन्नै
संजां मंदरें दियां पैड़ियां
चढ़दे—चढ़दे

दिक्खेआ जे
मंगतें दी भीड़
बधी गेदी ऐ
इक न्याना मंगता
रुआंसी नुहार बनाइयै
भिक्ख मंगारदा हा —
'नमें साल दे नांऽ पर
देई जा भगता'
में खिंजी—खिंजी
मंदर दी मूरत गी
पुछदा रेहा
साल तां बदलोई गोआ
समाज कदूं बदलोना ऐ। (सफा — 58)

आधुनिकता दी इस दौड़ च संभदी मनुक्खता ते संस्कृति प्रति बी कवि माहनू समाज गी
इशारे—इशारे च अपनी 'कल्चर' नांऽ दी कविता च पक्खी, कूलर ते एयर कंडिशनरें जनेह शब्दें
दा प्रयोग करियै, बड़े गुज्जे व्यंग राहें किश इ'यां सचेत ते जागृत करदा नजरी औंदा ऐ —

परौहने गी झोल्ली पक्खियां
मान देना, इक कल्चर हा
फही पक्खे, कूलर ते एयर—कंडिशनर
दी गलैला च
ओ मान परौहनें दा
कुतै मसोही गोआ

एयर कंडिशनर दी

ठंडू च ठंडोई गोआ

(सफा — 42)

केई बारी माहनू झूठी रीसो—रीसी ते दिक्खो—दिक्खी च अपना सब किश मुहाई छोड़दा ऐ। अपनी चादर थमां बद्ध पैर पसारने आहले माहनू उमर भर बेचैनी ते बे—संदोखी दा गै जीवन जींदे न। इस सुखम भाव गी 'दर्शी' होरें अपनी इक लौहकी जनेही कविता च बड़े खूबसूरत ढंगे नै प्रस्तुत कीते दा ऐ —

कटोरे च सागर पाइयै

बुक्कें च धरत सजाइयै

खुश हे अस

.....

.....

दिक्खेआ जे

गुआंडी ने सागर

त्रांबड़ी च पादा ऐ

ते धरतू गी छैल

बड्डे बेहड़ें सजादा ऐ

उस दिन शा अस

राजे थमां रंक होई गेदे आं

लम्मा बेहड़ा, बड्डी परात

तुप्पन डेई पेदे आं।

(सफा — 20)

कविता संग्रह दियां ओसतन कविताएं च कवि ने अपने व्यक्तिगत जीवन च कीते दे असफल प्यार दे गूढ़ भावें गी शब्दें दा झोला लोआइयै अपनी प्रेमिका गी सम्बोधित कीते दा ऐ। इक कविता च एह भाव इस चाल्ली प्रगट होऐ दे न —

तू जाई बस्सेआ जिस परदेसै

उस देसै दी रुत बक्खरी ऐ

उस देसै दे बदल बक्खरे

उस देसै दा सौन पराया

गास ओपरा धरत बगान्नी

उस दुनिया दी बक्खरी कहानी

तेरे नां दे मेरे सब खत

पैहली डाक च मीं भजवाई दे

मेरियां संजां मीं परताई दे (सफा — 14)

अपने इस असफल प्रेम लेई कवि नां अपनी प्रेमिका गी दोश दिंदा ऐ ते नां समाज गी। ओह कुसै दे खलाफ कोई बगावत नेई करदा। बदलदे हालात कन्नै समझौता करदे होई इ'यां गलांदा ऐ —

तेरी कुरती दे बटने पर

बोझ कुसै दूई छाती दा

हुन मेरी पुड़पड़ियें गी बी

बखले पोदू झरसै करदे

गुजरे जीवन दा ओ टुकड़ा

समें दे पटवारी गी आक्खी

सब मेरे नामें लखवाई दे (सफा — 15)

मूहें पर मखोटे चाढ़ियै दोगलियां गल्लां करने आहले भ्रष्ट राजनेताएं गी कवि अपनी 'रिण मुक्त' कविता च व्यंग भरोचे शब्दें राहें किश इ'यां नंगा करदा ऐ —

मेरे गितै सरहदें पर लड़ने अले मते

में की मरां मेरे गितै मरने अले मते

में करी लेगा शोक सभां

चंदा, फुल्ल, हार

इ'यां गै रिण—मुक्त होन्नां

औं बार—बार।

(सफा — 68)

मजहब दे नांऽ पर लड़ने आहले ते आतंकवाद दी बत्ता चलने आहले भटके दे नौजवानें
गी जीवन दे यथार्थ कन्नै वाकफ करांदे होई कवि गलांदा ऐ जे जात—पात दे नांऽ पर
दंगे—लड़ाइयां इंसान गी इंसान थमां बक्ख ते कीता जाई सकदा ऐ, पर कुसै धर्म जां मजहब
च ऐसी ताकत नेई जे ओह लहू दा रंग नखेड़ी सकै, मारु दी ममता गी बंडी सकै। कविता दियां
सतरां न —

नखेड़ी सकनां ऐ तां आ

लऊयै दे रंग बंडी दस

मारु दी —

दुध आंचल ममता लोरी गी

खंडाई दे

मेरे करलदद गी

मेरे गुआंडी दी

चीकें शा बक्खरा कर।

(सफा — 74)

‘जदू एह बी नजारा होना’ नांऽ दी कविता च बी कवि दा आशावादी द्रिष्टीकोण साफ
बांदे होंदा ऐ। उसी पक्का विश्वास ऐ जे औने आहला समां इ’नें कुवैहते ते लाग—पलेचें थमां
मुक्त होग। समाज च चपासै अमन—शांति होग।

दूर नीं दिन जदू एह बी नजारा होना

मेरे आंङन च सूरज दा पसारा होना

अद्धा—टुब्बा नेई बस सारे दा सारा होना

हर उजाले ने मेरी ड्योढी च पैहरा देना

ब्हारें अप्पू च लड़ोना मेरे घर औने गी। (सफा — 51)

ਜਿਥੂੰ ਤਕ ਇੰਨੇ ਰਚਨਾਏ ਚ ਕਲਾ ਪਕੜ ਦੀ ਗਲ਼ ਏ ਤਾਂ ਏਹ ਗਲਾਯਾ ਜਾਇ ਸਕਦਾ ਏ ਜੇ
 ਭਾਵ-ਪਕੜ ਆਂਗਰ ਇੰਨੇ ਕਵਿਤਾਏ ਦਾ ਕਲਾ-ਪਕੜ ਬੀ ਸਸ਼ਕਤ ਏ। ਅਸਲ ਚ ਭਾਵ-ਪਕੜ ਜਿਥੇ
 ਕੁਸੇ ਬੀ ਰਚਨਾ ਦੇ ਅੰਦਰੂਨੀ ਪਕੜੈ ਗੀ ਉਜਾਗਰ ਕਰਦਾ ਏ, ਉਥੇ ਗੈ ਕਲਾ-ਪਕੜ ਰਚਨਾ ਦੇ ਬਾਹਰੀ ਰੂਪੈ
 ਗੀ ਸ਼ੈਲ ਤੇ ਸੁੰਦਰ ਬਨਾਂਦਾ ਏ। ਜਿਸਲੈ ਇੰਨੇ ਦੋਨੇ ਪਕੜੇ ਦਾ ਤਾਲਮੇਲ ਬਨਦਾ ਏ ਤਾਂ ਰਚਨਾ ਕਮਲਾ ਦੀ
 ਬਨੀ ਜੰਦੀ ਏ। ਜਿਥੂੰ ਤਕ 'ਦਰਸ਼ੀ' ਹੁੰਦਿਏਂ ਇੰਨੇ ਕਵਿਤਾਏ ਦੀ ਗਲ਼ ਏ ਤਾਂ ਮਤਿਆਂ ਸਾਰਿਆਂ ਏਹ ਕਵਿਤਾਂ
 ਛੰਦ ਮੁਕਤ ਸ਼ੈਲੀ ਚ ਰਚਿਆਂ ਗੇਦਿਆਂ ਨ। ਜਿਸ ਕਰੀ ਕਵਿ ਦੇ ਮਨੋਭਾਵ ਸਰਲ-ਸਾਦੇ ਭਾਸ਼ਾ ਪ੍ਰਵਾਹ ਚ
 ਕੁਥੈ ਬੀ ਸ਼ਬਦ ਦੀ ਥੋੜ ਨੇੜੈ ਬੁਝਦੇ। ਇੰਨੇ ਕਵਿਤਾਏ ਚ ਸ਼ਬਦਾਲੰਕਾਰੇਂ ਤੇ ਅਰਥਾਲੰਕਾਰੇਂ ਦੇ ਪ੍ਰਯੋਗ ਭਾਵੇਂ ਚ
 ਸਪਸ਼ਟਤਾ, ਸਰਲਤਾ ਤੇ ਸੰਖਿਪਤਤਾ ਦਾ ਗੁਣ ਬੀ ਭਰਦੇ ਨ। ਸ਼ਬਦਾਲੰਕਾਰੇਂ ਚ ਅਨੁਪ੍ਰਾਸ ਤੇ ਵੀਘਾ ਦੇ
 ਉਦਾਹਰਣ ਮਿਲਦੇ ਨ ਤੇ ਅਰਥਾਲੰਕਾਰ ਚ ਉਪਮਾ, ਰੂਪਕ, ਉਤਪ੍ਰੇਸ਼ਾ ਆਦਿ ਦੀ ਬਰਤਨ ਹੋਇ ਦੀ ਮਿਲਦੀ ਏ।
 ਜਿਯਾਂ -

ਅਨੁਪ੍ਰਾਸ ਅਲੰਕਾਰ

ਸਾਰਣੈ-ਸਾਰਣੈ ਸਦਿਆਂ ਹੋਇ ਗੇਝਿਆਂ

ਚੰਗੇ ਦੇ ਹਥੇਂ ਬੀ ਬਦਿਆਂ ਹੋਇ ਗੇਝਿਆਂ। (ਸਫਾ - 40)

ਕੋਇ ਹੇਰ ਫੇਰ ਨੇੜੈ

ਕੋਇ ਲਾਗ-ਲਪੇਟ ਨੇੜੈ

ਸਾਦਾ ਸਫੇਦ ਸਧਾਰਣ ਸੀਸਾ। (ਸਫਾ - 31)

ਵਿਘਾ ਅਲੰਕਾਰ

ਜੋ ਅੰਦਰ ਏ ਉਏ ਬਾਹਰ ਹੋਏ

ਬਸ ਪ੍ਧਾਰ ਹੋਏ, ਬਸ ਪ੍ਧਾਰ ਹੋਏ। (ਸਫਾ - 10)

ਉਪਮਾ ਅਲੰਕਾਰ

ਗਾਸੈ ਬਦਦਲ ਡੀਂਗ ਤਰੇਝੇ

ਸਕੜ ਪੈੜਾ ਗੋਰੀ ਗੁਜਰੀ। (ਸਫਾ - 60)

ਉਤਪ੍ਰੇਸ਼ਾ ਅਲੰਕਾਰ

ਉਏ ਬੱਤ ਤੇ ਉਏ ਘਾਸੀ

ਜੀਵਨ ਜਿਯਾਂ ਜੂਨ ਚਰਾਸੀ। (ਸਫਾ - 25)

इत्थें हर कुड़ी लाड़ी ही

हर गभरु म्हाराज हा

सब जि'यां राजे हे।

सभनें दे सिर ताज हा।

(सफा — 58)

रूपक अलंकार

सोच समुंदर टप्पे मारे

कल दा सूरज बक्खरा होना।

(सफा — 24)

कुतै गंड-त्रुप करनै पौनी

प्रेम दी इस्तरी नै किश सेजल

जरने पौनी।

(सफा — 47)

गुजरे जीवन दा ओह टुकड़ा

समें दे पटवारी गी आक्खी

सब मेरे नामें लखवाई दे।

(सफा — 15)

निश्कर्ष दे तौरा पर एह गलाया जाई सकदा ऐ जे 'दर्शन दर्शी' हुंदियें इ'नें कविताएं च मनुक्खी समाज दे हर पक्ख दे नरोए ते सजीव दर्शन होंदे न। 'दर्शी होरें इ'नें कविताएं च हिरख-प्यार दे रवायती सुरें दे कन्नै-कन्नै समाजी विसंगतियें गी बी अपनी कलम दा नशाना बनाए दा ऐ। इ'नें कविताएं दा भाव-पक्ख जिन्ना सशक्त ऐ उन्ना गै कला-पक्ख बी। 2002 च छपने आहले इस कविता संग्रह पर 'दर्शी' होरें गी 2006 ब'रें च साहित्य अकादेमी पास्सेआ पुरस्कृत बी कीता गेदा ऐ।

.....

M.A. DOGRI

Course No. DOG 203

Unit -IV

Semester - II

ADHUNIK KAVITA

Lesson 15

1. कविता केह ऐ

जीवन केह ऐ? ईश्वर केह ऐ? प्रेम केह ऐ? जि'यां इ'नें प्रश्नों दा जवाब देना सखल्ला नेई, इ'यां गै कविता केह ऐ? एह प्रश्न बी ऐ। पर एह गल्ल बी सच्च ऐ जे कविता दा सरबन्ध मनै कन्नै होंदा ऐ। ते एह भावना गी छूहने आहली चीज़ ऐ। असल च कविता जीवन दी गै प्रतिक्रिया होंदी ऐ पर एह प्रतिक्रिया दमागी तर्क-दलीले राहें नेई होंदी। एहदा सरबन्ध माहनू दियें सूखम सोचें-भावनाएं कन्नै होंदा ऐ। इस च कल्पना दा गुण बड़ा महत्वपूर्ण होंदा ऐ। भावें गी सैहज सुंदर रूप देने दा कमाल कल्पना तत्व गै करदा ऐ। ते इ'यै कारण ऐ जे कविता अपने हर चाली दे रसै च बी सुआद दिंदी ऐ। ते लय-ताल दा संगीत इसदे सुआद गी होर बधांदा ऐ। कविता दे सतरंगी रूपै गी कुसै इक परिभाषा च नेई ब'न्नेआ जाई सकदा। ते इस करी इस संदर्भ च बक्ख-बक्ख विद्वानें ते कवियें दियां अनेकां परिभाषां मिलदियां न। जि'यां –

- I. कविता छंदे च बज्झी दी रचना ऐ जिसी कल्पना दी सहायता कन्नै सच्चाई ते रस दा मेल कराने दी इक कला बी आखी सकने आं। (डा. जानसन)
- II. कविता शब्दें दी, मनै गी छूहने आहली रचना ऐ, जेहड़ी सच्चाई गी साढ़े सामनै उ'आं गै गुआड़दी ऐ जि'यां इक चित्रकार रंगें कन्नै साढ़े सामनै इक चित्र खड़ेरी दिंदा ऐ। (मैकाले)
- III. कविता भावें दा, अपने आप उस्सरने आहला प्रवाह ऐ। (वर्डस्वर्थ)
- IV. कविता आनंद दा रूप ऐ। (शैले)
- V. कविता मनुक्खें दे अनुभवें गी उस कल्पना द्वारा दसदी ऐ जिसदा संबंध भावें कन्नै होंदा ऐ। (टालस्टाय)
- VI. कविता ओह रचना ऐ जेहड़ी मनै गी छूहियै असंगी रोमांचत करी देऐ। (टैगोर)

VII. कविता जीवन दी भावात्मक व्याख्या ऐ। (मेथ्यू आर्नल्ड)

VIII. कविता भाव ते कल्पना दी भाशा ऐ। (हैज़लट)

उपरोक्त इ'नें परिभाषाएं थमां एह गल्ल साफ दिश्टीगोचर होंदी ऐ जे हर विद्वान दी कविता प्रति अपनी रुचि ते अनुभवे मताबक अपना-अपना मत ऐ। पर इ'नें परिभाषाएं च इक गल्ल सांझी ऐ जे कविता जीवन दिये समस्याएं, अनुभवे ते प्रतिक्रियाएं दी ऐसी व्याख्या ऐ जेह्दे च भावात्मक तत्व प्रधान होंदा ऐ।

2. कविता दे तत्व

आधुनिक संदर्भ च कविता दे चार तत्व मन्ने जंदे न —

1. भाव—तत्व 2. बुद्धि—तत्व 3. कल्पना—तत्व 4. शैली—तत्व

1. **भाव तत्व** — कविता च भाव अपने विभाव, अनुभाव ते सहभावे दा आलम्बन प्राप्त करिये बड़ी तीव्र गति कन्ने पाठक गी प्रभावित करदे न। भावे दी प्रमुखता करी गै कविता गी भावे दा, अपने आप उस्सरने आह्ला प्रवाह गलाया जंदा ऐ। कविता च कवि अपने मनै दे भावे गी अभिव्यक्त करदा ऐ ते पाठके ते श्रोताएं दे मनै च सुते पेदे भावे गी जागृत करिये, उ'नें गी रस—निष्पत्ति दी स्थिति च पजांदा ऐ।

2. **बुद्धि तत्व** — कविता च बुद्धि—तत्व दा उपयोग मार्मिक—प्रसंगे गी पंछानने ते शब्द ते अर्थ च समन्वय स्थापित करने आस्तै कीता जंदा ऐ। कविता च औचित्यपूर्ण चित्रण आस्तै बुद्धि—तत्व दी गै लोड़ रौहदी ऐ। कवि भावे च सहमति दी स्थापना आस्तै बुद्धि—तत्व दा गै प्रयोग करदा ऐ। कवि बुद्धि—तत्व राहे गै कल्पना गी बी नियंत्रित करदा ऐ। जे ऐसा नेई कीता जा तां कविता गै व्यर्थ होई जाग।

3. **कल्पना—तत्व** — कविता च कल्पना दा गुण बड़ा महत्वपूर्ण होंदा ऐ। ते कवि दे मनोभावे गी सैहज ते सुंदर रूप देने दा कमाल कल्पना—तत्व गै करदा ऐ। कल्पना दे स्हारै गै कवि प्राकृति थमां बिम्बे गी कठेरदा ऐ। कथ्य च मनोरंजकता दे गुण भरदा ऐ ते कविता गी रोचक बनांदा ऐ। पर बेथबी जां कोरी—करारी कल्पना कविता गी नश्ट बी करी सकदी ऐ। इसकरी कल्पना पर बुद्धि दा नियंत्रण जरूरी ऐ। कल्पना दे बगैर कविता दी रचना नेई कीती जाई सकदी।

4. **शैली—तत्व** — भावे—विचारें गी रचना च जिस ढंगे नै प्रस्तुत कीता जंदा ऐ उसी शैली आखदे न। शैली—तत्व कविता दा महत्वपूर्ण तत्व ऐ। इस तत्व दे अन्तर्गत छन्द—विधान, प्रतीक विधान, बिम्ब विधान आदि औंदे न। इसदे इलावा शब्द चयन, मुहावरे, खुआन आदि दा प्रयोग

बी इस्सै तत्व दे तैहत् कीता जंदा ऐ। शैली—तत्व दे आधार पर गै कुसै लेखक जां कवि दी पंछान बनदी ऐ।

3. कविता दा रूप—स्वरूप

कविता दा रूप—स्वरूप सिर्फ ओहदे लय—ताल जां भाशा दी रोचकता च गै नेई होंदा। कविता दा कोई लक्ष्य बी होंदा ऐ। कविता च जीवन दे अनुभवे दी व्याख्या कोमलता कन्नै छंदें जां लय—तालै च बज्झी दी भाशा च कीती जंदी ऐ। भाशा कविता दा रूप ऐ ते भाव उसदी आत्मा कविता च भाशा ते भाव दौनें दा सुंदर होना जरूरी ऐ। कविता दी भाशा गद्य दी भाशा कोला टकोह्दे रूपै च बक्खरी होंदी ऐ। कविता दी भाशा, रौसली, जोरदार ते किसै हद्दै तगर मनोरंजक होंदी ऐ। गद्य दी भाशा सिद्धी, सरल ते इक खास क्रम च बज्झी दी होंदी ऐ, पर कविता च भाशा सरल दे बजाए ध्वनि—प्रधान जां व्यंग—प्रधान होंदी ऐ। असल च भावें दा पैन्नापन अपने आप बनकदी—फबदी भाशा गी तुप्पी लैदा ऐ ते असेंगी इ'यां बझोंदा ऐ जे भाव ते भाश दमै इक—दुए दे ऐन मताबक न। अर्थात् कविता भावें दा अपने आप बगने आह्ला वेग ऐ ते इस प्रवाह च इक कुशल कवि गी कविता लेई शब्दे दा चुना करने दा कोई खास जतन नेई करना पौदा। कवि दे मनै चा भाव आपू गै अपने मताबक शब्द तुप्पियै बाहर आई जदे न। पर जिसलै भाव भरोची इस भाशा गी छंदे दा लाबा थोंदा ऐ तां एहदा प्रभाव ते शलैपा होर बढ गी जंदा ऐ। भावें दी तीव्रता, भाशा दा शलैपा ते लय—ताल दी मठास, एह सब गल्तां रलियै साढ़े मनै च इक टकोह्दा असर पैदा करदियां न। कविता च भाशा दा गठन ते लय—ताल दी गति, उसदे अन्दर आए दे भाव—रस दे मताबक होने चाहिदे न। जि'यां वीर रसै दी कविता च शब्द बी उ'ऐ जनेह् तेज—त्रिकखे ते छंदे दी लय—गति बी तेज ते भारी होंदी ऐ। पर करुण रसै दी कविता दी चाल ओहदे मकाबले च मद्धम ते भाशा बी भावें दी कोमलता दे अनुकूल होंदी ऐ। वीर रसै च शब्द सुनने च कठोर होंदे न बो श्रृंगार ते करुण रसें च कोमल। लय ते छंद बी भाव गी ज्यादा भावपूर्ण बनांदे न। मुख्तसर तौरा पर एह गलाया जाई सकदा ऐ जे कवि मनै च पैदा होने आहले भावे गी जिस चाल्ली ऐन उ'दे मताबक शब्दे दा झोला लुआइयै व्यक्त करदा ऐ। उसदा इ'यै अभिव्यक्तिपन गै कविता दे रूप—स्वरूप गी गुहाड़दा ऐ।

.....

1. कविता दियां विशेषतां

कविता मनै दी चीज ऐ। कवि म्हेशां नमियें सचाइयें दी खोज करदा ऐ। ओहदा हिरदा मता कोमल, ओहदी नज़र मती पैन्नी ते ओहदी रचना-शक्ति आम साधकें कोला मती बढी-चढ़ी दी होंदी ऐ। ओह अपनी कविता राहें अपने भाव साढ़े अन्दर जगांदा ऐ ते असेंगी अपने भावात्मक जीवनै कन्नै इक-रस करी लैदा ऐ। ओह इ'नें भावें ते विचारें गी कविता दी भाशा राहें शैल ते सुन्हाकड़े तरीके कन्नै प्रगट करदा ऐ, जिसकी आम आदमी समझी जां महसूस ते करदा ऐ पर दस्सी नेई सकदा। अस जि'नें चीजें गी नीरस समझियै नजरां फेरी लैने आं, कवि अपनी कल्पना शक्ति कन्नै उंदे च ऐसे नमें सच्च ते शलैपे तुप्पी लैदा ऐ जे उस चीजा दा काया-कल्प होई जंदा ऐ। इ'यै कारण ऐ जे कविता साहित्यक विधाएं च अपनी विशेषताएं करी इक चेचा ते टकोहदा थाहर रखदी ऐ। कविता दियें परिभाशाएं आंगर इसदियां विशेषताएं गी गनाना बी सैहल नेई। पर किश इक मुख-मुख विशेषताएं गी इ'यां दस्सेआ जाई सकदा ऐ –

I. कविता लय-ताल च बज्झी रचना होंदी ऐ – कविता लय-ताल च बज्झी दी रचना होंदी ऐ। ते एह लय-ताल हर भाशा च अपने-अपने रूप-उच्चारण ते सुआतम दे मताबक होंदा ऐ। इस करी कविता च परानी परम्परा दे छंदें दा चलन बी होई सकदा ऐ ते नमें छंदे दी सिरजना बी कीती जाई सकदी ऐ। की जे कवि सुतैतर समाऽ दा व्यक्ति होंदे न। ते ओह सुर, लय-ताल दी बुनियादी गल्लै गी मनै च रक्खियै ओहदे मुजब अपनियां रचना लिखदे बनावे न।

II. कविता सच्चाई गी गुहाड़दी ऐ – कविता शब्दें कन्नै लिखी गेदी इक ऐसी कलात्मक रचना होंदी ऐ। जेहड़ी साढ़े मनै गी छूहियै सच्चाई गी साढ़े सामनै इ'यां गुआड़दी ऐ जि'यां कोई चित्रकार रंग-बरंगे रंगें कन्नै साढ़े सामने कोई चित्र खड़ेरी दिंदा ऐ।

III. कविता भाव ते कल्पना दा मेल ऐ – भाव-तत्व ते कल्पना-तत्व कविता दे महत्वपूर्ण अंग न। कीजे कवि आम माहनु दी निसबत किश मता भावुक ते विचारशील व्यक्ति

होंदा ऐ। ओह अपने अनुभवें ते भावें—विचारें गी अपने तक सीमित नेई रखना चाहदा। इस करी ओह अपने भावें गी कल्पना दे फंघ लाइयै, कुतै दूर डुआरी भरियै अपनी रचना गी जन्म दिंदी ऐ। इस चाल्ली ओह अपनियें अनुभूतियें गी दुए कन्नै अभिव्यक्त करियै उ'नेंगी बी अपने साहीं प्रभावत करने लेई उत्सुक रौहदा ऐ।

IV. कविता दी भाशा गद्य थमां बक्खरी होंदी ऐ — कविता च भाशा ते भाव दौनें दा सुंदर होंना जरूरी होंदा ऐ। कविता दी भाशा गद्य दी भाशा थमां टकोहदे रूपै च बक्खरी होंदी ऐ। कविता दी भाशा रौसली, जोरदार ते कुसै हद्दा तगर मनोरंजक होंदी ऐ। पर गद्य दी भाशा सिद्धी—सरल ते इक खास क्रम च बज्जी दी होंदी ऐ। कविता दी भाशा च सरल अर्थ दे बजाए ध्वनि—प्रधान जां व्यंग—प्रधान होंदी ऐ।

V. कविता जीवन दे अंदरले रूप गी स्पष्ट करदी ऐ — कविता जीवन दी भावनात्मक व्याख्या ऐ। इसदा अर्थ ऐ जे कविता जीवन दे बाहरी रूप कोला मता अंदरले रूप गी स्पष्ट करदी ऐ। उदाहरण दे तौर पर अस कुसै आदमी दे जां कुसै चीजै दे छड़े बाहरले रूपै गी दिक्खियै गै तसल्ली नेई करी लेंदे ते नां गै एहदे करी उ'नेंगी अपने प्रेम जां घृणा दा पात्र बनाने आं। अस उसदे अंदरले रूप अर्थात् उसदे समास—सुआतम ते अचार—बचार गी दिक्खना चाहन्ने आं। ते कविता असेंगी जीवन दी इससै अंदरुनी सुंदरता गी दिक्खने आस्तै अक्खियां दिंदी ऐ। कविता जीवन दियें गूढ़ सचाइयें गी दिक्खने ते मसूसने च मदद करदी ऐ।

VI. कविता सच्चाई गी नमें रूप च ढालदी ऐ — कवि शब्दें दे जादू कन्नै अपनी रचना च सचाई गी इक नमें रूप च ढालदा ऐ। ओह उसदी असलीयत गी बदलदा नेई। केई कवितां ऐसियां बी होंदियां न जिंदे च विज्ञानक सच्चाई बड़ी स्पष्ट होंदी ऐ। जि'यां 'शैले' नां दा इक अंग्रेजी कवि नै अपनी इक कविता च आखदा ऐ जे "फुल्ल न्याने न, जि'नेंगी धरती मां अपने गलै कन्नै लाइयै, सूरजै दे इर्द—गिर्द फेरियै लोरी दिंदी ऐ।" मां दा न्याणें गी गलै कन्नै लाइयै ताहीं—तुआहीं फेरी—फेरियै लोरी देना इक टकोहदी सच्चाई ऐ। पर धरती गी मां ते फुल्लें गी न्याणा आखना भावना दी गल्ल ऐ ते धरती दा सूरज दे गिर्द फिरना विज्ञानक सच्च।

VII. कविता दोहरी सचाई ऐ — कविता इक दोहरी सचाई ऐ। ओह सचाई जेहड़ी अस इ'नें अक्खियें कन्नै दिक्खने आं ते ओह सचाई जिसी अस विचार करने कन्नै जानी सकने आं। तां करियै गै केई लोक सिद्धहस्त कवि गी रिखी तत्व—द्रष्टा आखदे न। सच्चा कवि अपनी रचनात्मक शक्ति कन्नै नमें संसार दी रचना करदा ऐ ते ओह संसार इस संसार थमां मता शैल ते मता रोचक होंदा ऐ। ओह इक आदर्श संसार होंदा ऐ, जिसी प्राप्त करने लेई साढ़े बड़े—बड़े समाज सुधारक ते दार्शनिक दिन—रात यत्न करदे न।

VIII. कविता दा घेरा विस्तृत होंदा ऐ – कविता दा असली गुण बशालता ऐ। जेहड़े कवि निक्के—निक्के घेरें च फसी जंदे न उं'दी कविता कमजोर पेई जंदी ऐ। ते ओह सारे गी इक जनेहा प्रभावत नेई करी सकदी। सच्चा कवि बाहरी ढांचे दे बक्खरेपनै च बी मूल भावें दी एकता गी पंछानदा ऐ। इस्सै एकता गी अपनियें रचनाएं च आहनियें कवि असेंगी परमात्मा दी विशाल सृष्टि कन्नै इक करी दिंदा ऐ।

2. कविता दा उद्देश्य

कवि दे मनै दी कोमल अनुभूतियें दा साकार रूप गै कविता ऐ। उसदी भावनाएं दी विशालता जिस च कवि दा उद्देश्य झलकदा ऐ, उं'यै उसदा भाव—पक्ख ऐ। असल च कवि दी द्रिष्टी लोक मंगल पर गै रौहदी ऐ। कवि कविता दे जरिये सच्च गी इक रूप दिंदा ऐ। समाज गी दिशा—निर्देश दिंदा ऐ। गुणें गी ते आदर्श गी स्थापत करदा ऐ। कविता दा उद्देश्य नैतिकता ते धर्म दे सच्चे स्वरूप ते राजनीति दे शुद्ध रूप गी सामने आहनना होंदा ऐ। कविता समाज गी नमैं द्रिष्टीकोण कन्नै बिचार करना सखांदी ऐ। कविता कवि दे मनै दा शुद्ध रूप ऐ जिस च लौकिक जीवन दे सुख—दुख, प्यार—नफरत, करुणा, गुस्सा आदि केई भावें दे रूप दिक्खने गी लमदे न। इसी इ'यां समझेआ जाई सकदा ऐ जे कविता कवि दे मनै दी अनुभूतियें दा सरल ते सिद्धा अभिव्यक्तिपन ऐ। बुद्धि ते कल्पना दे मिलन कन्नै कवि बड़ी असानी कन्नै बड़िडयां—बड़िडयां गल्लां आक्खी ओड़दा ऐ। कविता, नीति ते उपदेश सुनने आहलें दे पूरे जीवन गी बदलने दी समर्थ रखदी ऐ। दर्शन, अध्यात्म, प्रकृति ते संवेदना कविता दे माध्यम कन्नै बड़े सौखे समझाए जाई सकदे न। किश लोक आखदे न जे कविता दा खीरला उद्देश्य मनोरंजन ऐ पर मनोरंजन कविता दा खीरला उद्देश्य नेई होंदा। कविता पढ़दे समैं मनोरंजन ते जरूर होंदा ऐ पर इसदे इलावा ओह माहनू मनै पर गैहरा प्रभाव बी पांदी ऐ। मनोरंजन कविता दा पैह्ला गुण ऐ। एहदे कन्नै पाठक दा मन इक थाहर रौहदा ऐ। इ'यै कारण ऐ जे नीति ते धर्म सरबंधी उपदेश मनै पर उं'यै जनेहा असर नेई पांदे जेहड़ा असर कुसै काव्य थमां निकलने आहली शिक्षा पांदी ऐ। की जे कविता अपनी मनोरंजक शक्ति राहें पढ़ने ते सुनने आहले दे मनै गी भटकन नेई दिंदी। उसगी मनै दियें कोमल अनुभूतियें गी मसूस करांदी ऐ। असल च कविता दा मूल उद्देश्य माहनू मनैं दियें गुत्थियें गी सुलझाइयै उसी सत्य दी पंछान कराना होंदा ऐ।

.....